

SANGKOLAN

Èmadhoeră'aghi sareng

M. SASTROWIGNJO.



KALOWARAN
BALAI POESTAKA.

DROKKERM VOLKSLEETUUR — WELTEVREDEN — 1922.

I.

Djār-klëndjār dā' dhisa Bāngkal.

È nalēka arē Ahad ghi' agghoe kaoelā èntar djār-klëndjār dāri kotta Bānjoewangi dā' kampong Bāngkal, lēbāt è djhālān radjā, ngalangkongē lon-alon, èadā'na kabhoepatēn. Bākto ghāpanēka ghi' lagghoe, mēlana ghi' ta' patē panas, sarengngan djhālān sē èlēbādhi naong, amarghā è kangan-katjērra bānnja' bhoengkana attjem sē pa'-rampa'. Njamaēpon djhālān radjā èngghānēka djhālān eppos. Dhinēng sē andhika'aghi ambhādhi Kāndjeng Towan (Goepennor-Djēndral DAENDELS è kabidhānnēpon bindhoe (1) sanga-bellās. Djhālān eppos ghellā' molaē dāri Anjer, è karesidēnan Banten, kantos dā' mongghing lao'ēpon kotta Bānjoewangi, djhāoeēpon ra-kēra sabātara eppal; landjhāngnga dāri Banten ka Bānjoewangi ra-kēra pardjhālānan 200 eddjhām. Bānnja' ta-kotta sē djā-radjā è tana Djhābā sē bādā è pēngghirra djhālān eppos èngghānēka.

Sadjān narē', arēna sadjān atambā panas, mēlaēpon bhādhan kaoelā èngghāl-èngghāl sē adjhālān, sopalja èngghālā nattol dā' kennengngan sē èsaddjhā.

Dāri djhālān eppos ghellā' djhā' sakēnga kaoelā abhiloek dā' lorōng kēnē', tanto pas mangghi kampong, sē kerrep tjompo'ēpon. Èngghānēka kampongngēpon tokang mēghā' djhoeko', mēlana bāoena ta' saē. È ta'-ata'na po'-tjompo' ghellā' bānnja' ko'-djhoeko' sē èdjhemmor.

Sarrēna è kampong ghika'ijā ta' saē bāoeēpon, èngghi amarghā dāri ko'-djhoeko' sē padā èdjhemmor èngghārowa, mēlana bhādhan kaoelā terros adjhālān neng djhālān eppos bisaos. Èghika'ijā naong, tor po'-tjompo' ghellā' èngghi moddhā. Ta' antara abit sareng kaoelā ampon lēbāt dāri kampong ghika'ijā, hāwāna ladjhoe èkrassa saē tor tjellep, sakeddjhā' agghi' kaoelā pas nattol dā' ghir sērēng. È pēngghir sērēng ghāpanēka bhoengkana njējorra sakalangkong kerrepēpon. Kaoelā sanget terrona sē ngal-nēngalana ka tasē', djhoeghā ta' mangghi djhālān laēn, kadjhābhāna nerrak è kebbhoen njējor ghellā'.

Ta' abit kaoelā pas abhiloek noro' djhālān kēnē', sē ta' patē bānnja' karang kittriēpon; sē tomboe è ghoel-tangghoella lorōng

(1) Bindhoe Blāndhā = 100 taon.

Sangkolan.

ëngghânëka namong bhä-rebbhä sareng bhoet-ombhoet. Èghika'ijä bännja' bhoengkana gheddhängnga, sè étamen ta' atoran èlowa-ranna lorong, kantos döoenna ngaobhi dä' lorong sè èlëbädhi kaoelä. Bhoengkana njëjor è pëngghirrä lorong ghika'ijä èngghi bännja', djhoeghä ta' kantos andhaddhiäghi aobbhä lorong, sabäb sapësan têngghi, döe kalëna dhäsar ta' patë bännja' döoennëpon.

Lorong kënë' ghellä' ta' èpëjara sama sakalë, tandhäna bännja' gem-tjëlghemma, kantos manabi djhän-odjhäna, aëng odjhän ta' kèngèng aghili, panapa polë lampaddhä rođäna djikar sè lëbät èghika'ijä kettjem ghän to'ot. Djhoeghä rëng-orëng kampong ampon ta' mardoeli bhär sakalë dä' lorongnga sè ampon rosak ghäpanëka.

Lorong èngghänëka namong èlëbädhi djikar bisaos, sabäb djikar panëka lëbädhä ëka'imma bisaos kèngèng, anggher kabowä' djhālänna. Saopama bädä djikar lëbät èghika'ijä, rođäna let-tatjellet ka tjellot, kantos rëng-mërëng. Djhoeghä padjikaarana ta' mardoeli sakalë, amarghä tja'na pëkkërä, sapëna tanto kellar nadjhä', tor polë djikarra ta' kërä robbhoe, sabäb wä'-boewä'na sarat. Kaoelä sakalangkong nëserra dä' sapëna, sè kantos andjingdjing pana-rëgghä. Djhoeghä sè ghädhoeän dhi-kadhiä sè tadä' panganëserra sama sakalë dä' sapëna sè atë-keppen nadjhä' djikarra, tandhäëpon njaman bisaos sè nokklëk èattas djikarra sambi ko'-roko'an; dhinëng padjikan sè èboediänna neng-masenneng sè todjoe' sambi djhoeng-këdjhoengan. Nangèng mangkën manabi wä'-boewä'ëpon ampon èbhoengkar, rëng-orëng padjikan èngghänëka pas tjë' pratëna ka sapëna. Kaoelä ta' ngëra sakalë.

Katjatora sareng padjikan sè dä'-adä' nëngalë ka kaoelä, pas èngghäl alontja' däri djikarra, sarta sapëna ladjhoe ètonton. Abä'na aëra' dä' tja-kantjana, sopadjä torona djhoeghän. Djhoeghä sareng kaoelä ampon njalëp, kar-padjikan èngghänëka pas nokklëk polë èattas djikarra sambi bhäng-tembhäng, swarana tjë' lantona; kantos kaoelä nattol ka Bängkal ghi' mërëng bisaos. Ta' manglo swarana sè kapërëngnga ka djhåoena, sarrëna kennengngan èghika'ijä tégghär. Samangkën kaoelä ampon nattol dä' dhisa sè ètod-djhoe, èngghi panëka dhisa Bängkal. Dhisa èngghänëka èadä' nganghoej labäng sakëtëng, apaghär ehkëk perrëng èangghi'. Labäng sakëtëng ghellä' mabi kadjoe okëran sarengngan èattas, lerres èbhaktengngana bädä tolësannëpon mabi aksara aleng-oleng, ongellëpon:

„DHISA BÄNGKAL.”

Sareng kaoelä maso' è labäng sakëtëng èngghänëka, ladjhoe èambä' bhoeroes dädoewä' sambi aghåoeng tjë' kadjana, kantos kaoelä palëngpëngen; sadjan abit, bhoeroes sè njandher sadjan bännja', sarengngan ropäëpon masë padä seddhi sè nëngalë ka kaoelä, dhi-kadhiä sè ngëkkë'a ongghoeän. Djhoeghä sareng

tongket kaeolä òanarraghi, roes-bhoeroes ghella' akadhi sè ngartè, djhä' kaeolä ta' tako', pas neng-enneng, ta' oeng-gháoengan polè.

Kadjähbhä roes-bhoeroes èngghänëka, bännja' djhoeghä orèng babinè', sabännè bädä sè sambì ngembhän, sabännè bädä sè nonton ana'na. Na'ana'na ghäpanëka bädä sè abàngkang, bädä djhoeghä sè namong asalebbär bisaos. Mèlana rèng-orèng ghäpanëka padä njandher dä' kaeolä, ngara sabäb terro nèngalana Bäländhä sè lèbat è lorongnga. È kang-katjèrra lorong bädä tjompo' atabing perrèng, pamengkangnga ta' patè lèbar tor tadä' ka'-bhoengka'annèpon sakalè, djhoeghä bädä lombhoeng padäna sareng goeðäng bhäkona. Edhi'-seddhi'na ghäpanëka bädä lorong kènnè-èpon, padä saè, namong padä tadä' kadjoeänna. Sapanëka djhoeghän è kang-pamengkangnga po'-tjompo' ghellä' kèngèng kotja' tadä' rebbhä tomboe sakalè, amarghä manabi bädä rebbhä tomboe sakonè' bisaos, ta' mèlo sareng embi' otabä dhoembhä, sè èlombhär èghika'ijä.

Lerres è kontjo'èpon djhälan sè èlèbädhi kaeolä bädä tjompo'na saè sèttong, tèmbo'na potè ngettak tor ressek, bhidhä sanget sareng po'-tjompo' laènnèpon. Tjompo' èngghänëka ampèr adä'na njalaghäp, bädä tengnga'annèpon, è tanèjanna bädä mandhäpana, mabi kamar doe mègghi' sarengngan padä ngangghoej djänèla abäk radjä; tanana sadhädjä èplèstèr; tjompo' ghellä' mèmper dä' tjompo'èpon Bäländhä sè ta' patè mampo onghhoe.

Èdiadä'anna bädä bhoen-kebbhoenannèpon, rebbhäna ngabhiroe sarta ètamennè kembhång mawär; èdièrèngnganna sareng èboe-diän bännja' bhoengkana wä'-boewä'än ana-bärna tor è-saè. Tjompo' ghäpanëka ghädhoeännèpon kalèboenna, sè adjhädjhoeloe AR-DJODIWIWJO. Kalèboen èngghänëka saè atèèpon; sareng kaeolä sè kennal ampon kabit dhingèn, sabäb kaeolä manabi kalerressan djärklèndjär, serrèng boe-amboe è tjompo'na, parlo mènta aèngnga dhoeegghän otabä wä'-boewä'än. Mèlana sareng abä'na nèngalè kaeolä, pas èngghäl kalowar. Saamponna marè atabi' kaeolä abälä, djhä' namong terro ngamponga boe-amboe sakeddjhä'; kaeolä pas èpaladjhoe, èpatodjoe' è korsè gojangnga, dhinèng sè ghädhoeän tjompo' ghi' lebbhoe dä' romana sakeddjhä'. Kaeolä nèngalè atorannèpon è ampèr sareng è roma padä è-saè.

Ta' antara abit WIRJO pas kalowar sambì ambhäkta galbas dädoewa' aèssè djhädhähän, èsoghoeaghi dä' kaeolä. Kaeolä klabän ghätè sè ngala' djhädhähänna, terros èteddhä. Ana'èpon, pata omor lèmabelläs taon, ngangka'è aèngnga dhoeegghän, kompojja ambhäkta baki aèssè pao è-saè nem mègghi' pas èsoghoeaghi dä' kaeolä djhoeghä. Pao ghäpanëka sareng kaeolä èkabherkat sadhädjä, èbhoendhoe' neng sattanang. Saamponna, kompojja sareng kaeolä ladjhoe èpersèn pèssè. Klèboenna robäèpon bhoenga sè katamojan kaeolä, djhäng bhoenga'an polè sareng nèngalè kaeolä ta' nampèk ghoe-soghoena.

Kalèboenna akanḍhā, manabi ana'èpon sè wa'towa'an ampon negghoe' lako è persil, dhinèng sè dā'ngodā'an ghi' asakola è sakola'an kènè'. Kompojja tja'èpon bhādhi èpasakola'a dokter Djhabā, mèlana abā'na pas atanja dā' kaeolā kèngèng bhoentenna na'kana' sè ampon aomor nem taon, saba'dāna prèian panēka èmaso'aghi ka sakola'an Balāndhā. Kaeolā atotor, djhā' rassana kèngèng.

Saamponnèpon marè asa-gessa kaeolā pas èbhakta ngal-nèngalè pakarangannèpon. Ka'bhoengka'an sè bānnja' èghika'ijā bhoengkana pao, boewāna dāt-ngarendāt tor bhāngsa è-saè sareng nès-manès sadhādja. Klèboenna asangghoep, manabi paona ampon bānnja' massa'èpon, kaeolā bhādhi èaterrana. Dāri ghika'ijā kaeolā pas èadjhak ka ampèr boedina. Èghika'ijā kaeolā pas apangghi sareng binèna kalèboenna, robāèpon abāk todoes sè nèngalè kaeolā. Kaeolā pas terros maso' ka romana. Èghika'ijā kaeolā nèngalè kerrès settong, ropāèpon saè, èpaka' è tèmbo'. Kaeolā atanja ka Wirjo panapa kèngèng djhā' nèngalana kerrèssa. Sambhiddhā „kèngèng", sarta kerrèssa pas èkala', èdjhoeloeaghi dā' kaeolā. Sareng kaeolā sè nèngalè ampon salèssè, njata, manabi karrès èngghānēka dhāsar saè ongghoe, kadhi pangēra kaeolā ghellā'. Ghāndhārrèpon dāri tandjoe' akèr-okèr, landhijānnèpon dāri tolang, èkèr-okèr djhoeghā, tor èkèr emmas sareng ètrètès ènten. Bāi'èpon saklangkong tadjhemma, pamorra èngghi saè. Kaeolā sareng nèngalè kontjò'èpon sè sanget njènjèbbhā, boeloena kolè' ladjhoe boeng-njaromboeng sadhādja, mèlana sareng kaeolā pas èngghāl èbāghi polè dā' sè ghādhoean. Saamponna marè èrasop, kerrès èngghānēka ladjhoe èpaka' (èpa-landhāk) è kennengngannèpon polè.

Katjatora Wirjo sabhālāèpon, dā' kerrès ghellā' saklangkong lèboerrā sareng trèsnana. kantos sanarè bādā'a mellè saèboe ropēja. tanto ta' kera èbāghi, sabab tadā' djhoewallā. Tja'èpon, marghā sangkolan dāri bāngatowana.

Mènorot kapartjadjā'annèpon sè ghādhoean sareng ghā-tatangghana, tja'èpon kerrès ghāpanēka pangaro; anggher bādā kerrès ghāpanēka bisaos, sè ghādhoean sareng tja-kantjana sadhādja tanto kaparèngan salamet. Èngghi sabhālikkèpon, saopama pas èpaondhoer, kantos kalowar dāri kampongnga, Wirjo sareng ana' maghār sarēna sadhādja bhādhi ta' mangghia salamet. Panēka marghāèpon, mèlana klèboen Bāngkal sanget èkalèboeri tor èadjihi sè sareng saantèrona ana' maghār sarēna.

Kerrès sangkolanna Wirjo èngghānēka bānnja' dhoengèngngèpon. Dhingèn sè ghādhoean ampon onèng akanḍhā dā' kaeolā, nalēkā kaeolā boe-amboe è tjompò'èpon. Njara sareng kaeolā samangkèn èdhoengèngngaghia, panapa sè ampon èkanḍhā'aghi Wirjo dā' kaeolā, èngghi saēnga'na kaeolā bisaos.

Saamponna marè ngal-nèngalè èssèna pakarangan sareng beng-kona WIRJO, kaelä pas apaamèdhän, terros palèman. Kaelä ta' loppa ngotja' kaso'on dä' sè ghädhoeän tjompo' atas kasaèannèpon. Molaè däri Bängkal kantos dä' tjompo', ra-kèra bädä padjhälänan saedljàhm.

II.

Kè Moestari.

Sarrèna bhädhän-kaelä ampon karè adjhändjhi dä' sadhädjana para maos, manabi bhädhhi njarèta'aghiä bab kerrès sangkolan èngghärowa, kaelä wädjib neptebbhi djhändjhi ghäpanèka.

Ghi' lambä' è dhisa Bängkal bädä orèng kasorang anjama **MOESTARI**, dhäddhi kalèboen è dhisa ghika'ija. Kalèboen èngghänèka sanget èkaasè'è sareng ana' maghär sarèna, amarghä lam-bhä' atatolong. Saopama bädä kantjana ghädhoeän hadjhät bhädhhi alakoa pa-ponapa, sabelloennèpon andjhälännaghi hadjhäddhä, langkong dhingèn njo'on nasèhat dä' lorana, kadhi ponapa saè-èpon. Sarrèna lorana sapèsan bábatekkèpon lakar ghätè atatolong dä' orèng, doe kalèna sarrèna ampon toboek sè alolongan djhæoe tor ghäsèk lāng-saghoeloeng sareng bhāngsa Bālāndhä, dhäddhi lèbär paanabhänna tor bännja' pamangghina, dhäddhi onèng biasos amberri' nasèhat dä' tja-kantjana, sè andhädhdiaghi kasaèannèpon.

Saandhina bädä ana' maghär sarèna mangghi kasossa'an pa-ponapa, djhoeghä ta' poron abälä terros terrang ka lorana, panapa sè èkasossa, sareng klèboenna, orèng ghäpanèka ladjhoe èpaksa èsoro ambäddhakkaghi kasossa'anna, parloèpon njopprè abä'na onènga atatolong.

Èbä sapanèka ghi' bädä bisaos kantjana kasorang kaðoewä sè bhoeto pèssè; manabi tako' sè ngèndjhäma ka lorana, pas andjhoewäl sèmpennannèpon padina sabägiän, bhä' bhäkona lèng-ngalèng, ka Tjèna otabä ka orèng Arab klabän arghä dä-modä. Djhoeghä opama lorana mèrèng parkara panèka, tanto saka-langkong ghighirèpon. Abä'na saklangkong ta' tarèma manabi bädä orèng andjhoewäl padina otabä bhäkona klabän arghä dä-modä.

Klèboen èngghänèka sanget ta' sennengnga, manabi bädä Tjèna otabä orèng Arab lār-ghelloer ka dhisana, nangghä' pa-ponapa, sabäb abä'na ampon onèng, djhä' kabännja'an Tjèna otabä orèng Arab èngghänèka bábatekkèpon ta' djhoedjhoer, dhoedjan nèpoan orèng bhoedhoe. Mèlana manabi bädä kantjana terro andjhoewäl padina otabä bhäkona, ladjhoe èdjhoewäl laghi sareng lorana.

Sareng lorana padina otaba bhakona kantjana engghaneka edjhoewal ka dhanghang se kengeng partjadja, dhineng ollena possé pas ebaghi sadhadja da' se ghaghoean bharang, aba'na sakoteng ta' pong-ngampong. Dhaddhi ampon der-bhenderranna kaléboen engghaneka se ékaasana otaba ékaléboerana para kantjaépon, sa'ab tja-kantjana pada sanget kaprotangan da' lorana. Sarengnan manabi kléboenna se andjhoewallaghi padjoeépon larang bisaos.

Kadhâng bada djhoegha ana' maghar saréna, ménangka baballessa kaprotangannépon, se ater pa-ponapa ka lorana. djhoegha sareng kléboenna étolak, panolakképon sapanéka: „Ba'na la ta' osa ari'berri' ka sengkó', sabab sengkó' ta' kakorangan pa-apa. Apa se ebaghia ka sengkó' djaréja, kakan bhái kembhoeli saana' binéna. Sengkó' la tje' bhoengana, mon ngatéla' sang tja-kantja kabbihi pada kop-tjokop. Ba'na la prasasat ater bharang se tje' larangna arghana ka sengkó'." Da-pada oréng Bángkal, MOESTARI lakar maso' ghi-soghian.

Katjatora MOESTARI naléka aomor nembhellas taon, ghi' mènesen, paon'ngngépon namong matja sareng nolés né'-sakoné'. Aba'na ngaboela da' towan MAARTEN, Aspirant-Controleur. Sanaré MOESTARI ampon ékotja' dhaddhi maghang, djhoegha klakoannépon ta' bhidha sareng abdhi. Lerres aba'na dhang-kadhâng épakon moron pa-ponapa sareng towanna, djhoegha saéstona pangghabájannépon se ongghoean, ngaladhiné towanna bisaos. Saréna MOESTARI ngastété sareng té-ngaté, panapa polé bateggha teptep-mantep da' lorana, melana sanget ékaasé'e sareng towan MAARTEN serréng éparéngé angghoej, sarengnan manabi towanna méjos ngomesi, ta' onéng tjetjtjer sareng MOESTARI.

Dhineng gadjina é lan-saboelanna sakaréépon ékabelli roko' sareng kaparloan laénna, pas étaro, MOESTARI engghanéka ta' rojal kadhi ghang-maghang laennépon, panapa polé aba'na lakar ampon nejdha édalein. Laén jári gadjina, aba'na dhang-kadhâng ollé persén, éngghi panéka manabi towanna kalerressan katanoman kantos ngénep.

Ta' antara abit lorana pas éangkat dhaddhi Controleur; sarengnan somélé ampon anjonja, MOESTARI ghi' taksé éastané. Langkong-langkong njonja, sanget bhoengana towan se kaaghoengan abdhi saéna kadhi MOESTARI. Djhoegha sareng ollé doebellás taon langkong abittépon MOESTARI se ngaboela, towan Controleur pas songkan sara, kantos kapaksa aperlop ka naghara Balandha.

Bab panéka andhaddhiaghi sanget sossana MOESTARI, sabab aba'na ghi' léboer ngaboela, sarengnan aba'na ghi' ta' ollé long-molong possé se épamaddhoggha tjompo', sareng se ékabelli saéna sareng sapéna. Mélana aba'na ghi' kapaksa njari pangghabajan laén, MOESTARI ngater lorana se songkan ka Batawi, la-mala kantos ngéréng onggha ka kapal. É Batawi saréna kotta radja,

aba'na ampon tanto ghâmpang mangg'hi kalakoan. Panapa polê dhâsar aba'ëpon dhibi' kentjeng sê negghoe'â lako ê Batawi, ngêras ngantos raboena lorana dâri naghârâ Bâlandhâ doe taon agghi'. Hadjhâddhâ sê sapanêka êngghi katekkan.

Katjatora sareng MOESTARI ampon doe taon abittëpon sê apang-ghâbâj ê Batawi, ladjhoe mörëng kabhâr, djhâ' lorana lakê'-binê' sareng tra-pottrana ampon raboe dâri naghârâ Bâlandhâ. Mëlana pas êsarê'ê dâ' losmën, bhâdhi êrënga polê. Ampon tanto bisaos lorana lakê'-binê' sê saklangkong bhoenga, ngoladhi abdhina sê ladjoe abâli polê. Tra-pottrana sareng nêngalê MOESTARI, ladjhoe êsanappellê sarta pas êadjhâk ên-maënan, kadhi panapa adhättëpon ghi' ngên-dhingëna. Ngabidhi dâri nalêka ghâpanêka, abittëpon MOESTARI sê ngaboelâ ka lorana ampon sapolo taon.

Sareng towan MAARTEN êangkat dhâddhi rësidiën, ta' abit pas aperlop, ghoebhâr terros dâ' naghârâ Bâlandhâ, amargha masakola'a tra-pottrana.

Katjatora MOESTARI saklangkong sossâëpon, sareng mörëng djhâ' lorana bhâdhi ta' abâli polê ka tana Djhabâ. Êla sapanêka aba'na samangkên ta' êmo' njarê pangghabâjan laën, sabâb ampon bannja' ollëna sê long-molong pësê.

Samangkattëpon lorana MOESTARI pas palëman dâ' tana pa-doempa'anna dârâna, êngghi panêka ê Bangkal. Pas maddhek tjompô', mellê sabâ, sareng sanëskarana pakakassa orëng atanê. Ta' abit sabâna ampon kêngëng kala' asëllëpon.

MOESTARI ghâpanêka ghâdhoeân ana' lakê' sëttong anjama Wirjo, omorëpon doebellas taon. Ana'na êngghânêka sê nolongê angghârâp sabâna. Ta' antara abit MOESTARI pas êpêlê dhâddhi kalëboen Bangkal. Saamponna dhâddhi patënggi (kalëboen) pas amboe sê atanê; sapëna ladjhoe êdjhoewâl, sabâna êpasëwâ, sabâb samangkên aba'na kodhoe audjagâ klabân ongghoe atê kasalameddhannëpon ana' maghâr sarëna. Klëboen anjar panêka êkaasê'ê tor êkalëboeri sareng tjâ-kantjana, amargha lambhâ' atatolong dâ' orëng sê parlo êtolog. Lantaran ghâpanêka rëng-orëng doemê' ê dhisa Bangkal kabilâng ghi-soghi. Manabi êtëmbhâng sareng ên-laënnëpon dhisa, dhisa Bangkal êngghânêka sê nja'-bannja'an ngasëllaghi pañi, amargha orëngngëpon ter-pënter panamenna: panjêrsëra (pamasaddhâ) bhâko, êngghi ter-pënter djhoeghân kantos bhâko badhalân Bangkal maso' êsaëan, mëlana rang-larangan arghâëpon.

Katjatora abit-abit ana' maghâr sarê Bangkal pañi sossa, amargha nêngalê lorana atambâ arê atambâ korang kakowadhannëpon, sabâb ampon towa; sadhâdjana orëng Bangkal pañi tako', amê' êngghâl êdhina'aghi. Sanarê ana'ëpon sê anjama ARDJOBIWIRJO pañi pënterra sareng eppa'na, djhoegha ghi' ta' kêngëng êpêlê dhâddhi patënggi, amargha ghi' ngoda dhimën.

Ta' abit saponapa dâri rëng-orëng sê arasanan kadhi ghollâ',

lorana pas saké' ongghoe. Ropaëpon abä'na ampon arassa, djhä' ampon para' napa'a ka adjällä, mèlana ladjhoe mapolong tja-kan-tjana sadhädjä, sabäb tja'na pèkkèrra, sabelloenna èponðhoet adjäl, ghi' terro abäsejadhä dthingèn ka ana' maghär sarèna. Tja-kantjana padä sossa, mala bädä sè kantos nangès, amarghä ampon arassa, djhä' lorana ampon para' napa'a ka djhändjhina. Ta' abit rèng-orèng sè padä njapot pas palèman sadhädjä, namong karè WIRJO bisaos sè ghi' njandhing èseddhi'na. Mama'na pas ngotja': „Tjong, saabiddhä sèngko' odi', sè èrè-sarè sèngko' nèng kabettjè'an bän kadjhoedjhoerän. Ropana djäreja sè dhaddhi lantaranna, sèngko' sampè satèja kan kaparèngan salamet. Molana tang bekkas dä' bä'na, tjong, bä'na noro'a boentè' tang lampat, njopprè èparèngana salamet kèja. Laèn däri djäreja kasalameddhänna èssèna bengko rèja, na', taghantong dä' kerrès arowa. Kerrès djäreja sangkolan däri embana. Nalèka embana para' matèa, basèjaddhä barija ka sèngko': „Katjong, sèngko' satèja la para' napa'a ka adjäl, sèngko' ta' andi' sè èsangkolaghiä ka sèdä, kadjhabhähna kerrès sèttong arèja. Sanaddjhän kerrès djäreja bädä mellè sèboe ropèja sakalè, djhä' djhoewäl, jä, na', sabäb djäreja sangkolan, dhaddhi kennèng angghep tang tolang. Laèn däri djäreja, kasalameddhänna bengko bän saèssèna kabbhi, bädä è kerrès rèja. Mon kerrès djäreja èpaondhoer däri dinna', la tanto bä'na bhäkal nemmoa kabhäläi.”

„Basèjaddhä embana djäreja engkènga'è ongghoeän. Bhender sèngko' ta' soghi, tjong, nangèng ijä ta' kakorangan. Dhinèng satèja sarrèna sèngko' masè la ta' kèra abit polè, kerrès djäreja empassra'aghiä ka sèdä. Taro bän rabädhi bi' tje'bettjè' sarta djhä' angghep tjoma sangkolan däri sèngko' bhäi, nangèng sèdä ènga'a kèja, djhä' kerrès djäreja ambherkadhi dä' saèssèna bengko bän kampong dinna' kabbhi!”

Saabiddhä WIRJO njandhing èseddhi'na mama'na, aèng tòngalla ta' pegghä' aghili, amarghä kadjhabhäh mellassa otja'na, ta' mangghä nèngalè kabädä'annèpon; mama'na ampon ta' kèngèng aghoeli sama sakalè tor olattèpon ampon potjet, tòngalla kadjoeladjä tjelkong, djhoeghä ghi' maksa bisaos sè tja'ngotja'a polè dä' ana'na, djhoeghä ta' metto swara, namong bibirrä bisaos sè bi'kebbi'än, kadhi tjaraëpon orèng adjandon. WIRJO angghaghä soko sareng tanangnga mama'na, èkrassa sadjan katjep, mèlana tja'na pèkkèrra ampon tonto tadä' pangarebbhännèpon polè. Pangèrana èngghänèka lerres, sabäb ta' antara abit, mama'na pas aondjhoë' njabä, ladjhoe matè.

Katjatora sareng rèng-orèng è kampong Bängkal mèrèng, djhä' lorana ampon adhinggäl dhoennja, sadhädjä padä sossa sè dateng nglabät sasat arebbhoe' adä; ngolkol padätèngngèpon orèng. Lem-malem majjit ampon ranta, pas èbhakta ka makam, èrèng ana' maghär sarèna sadhädjä. Toro' djhälän, sabannè

bādā sè adhikkèr, sabānnè bādā sè madjoengè majjit. Panèka sadhādjà dhāddhi tanḍhā, djhā' MOESTARI ghi' oḍi'na, èkaasè'tè tor èkalèboeri para kantjana. Saamponna majjit marè èko-bhoerraghi, sè padā ngèrèng pas palèman.

Katjatora sareng MOESTARI ampon adhingghāl dhoennja, kalagghoeānnèpon pas bādā pèlèan kalèboen anjar; dhinèng sè dhāddhi orèng sè wa'towa'an sarèng sè ghi-soghiān è dhisa ghika'tjā.

Samatèna MOESTARI, bhārāng dhādhingghālānnèpon tèbhā ka WIRJO sadhādjà, amarghā emboe'na ampon adhingghāl dhoennja djhāng dhingènan. È bākto èngghānèka WIRJO ampon aomōr 30 taon, ghādhoeān ana' tello': lakè doewā', binè' sèttong. Abā'na saana'-binèna ladjhoe angghāntè ngennengngè bengkoèpon mama'-na. Dā-padā orèng Bāngkal WIRJO èngghānèka maso' ter-pènterran, amarghā bānnja' ollèa pangadjhārān ḍāri orèng towaèpon. Obāng dhādhingghālānnèpon orèng towana èkabelli kerbhoej sapasang, djikar sèttong sareng pakakas tanè sapattjèna, sabāb abā'na terro atanèa dhibi'. Saamponna pas terros mabhādhi lombhoeng. Wirjo ghāpanèka bhādjheng alalakon tor saè pangolana sabāna. Abā'na ta' poron anjè, sabelloennèpon padina towa onghhoe. Mèlana manabi apaanjè nja'-bānnja'an ollèna padī, sarengngan karèna sè ètedḍhā ḍālem sataon èdjhoewāl kalabān arghā larang. Bānnja' tja-kantjana sè padā nèroè kalakoannèpon. Tja-kantjana saklangkong trēsna ḍā' abā'na, akadhi ḍā' mama'na nalèka ghi' oḍi'na, sabāb WIRJO lambhā' djhoeghān atatonlong ḍā' para kantjana. Sarèna abā'na serrèng lāng-saghoeloeng sareng Tjèna otabā Arab, dhāddhi bānnja' tambāèpon kapènterranna è bāb dhādhāghāngan, mèlana manabi andjhoewāl padina otabā bhākona ranglarangan padjoena. Abā'na sareng tja-kantjana sè èangghèp ghāntèna mama'na, sapèsan marghā ḍāri lèboerrā atatonlong, doe kalèna amarghā onèng aberri' tarèka, sè è-saè; mèlana tja-kantjana padā trēsna ḍā' abā'na, akadhiā orèng atarètan. Bāb panèka, mènorot kapertjadjgā'ānèpon rēng-orèng è Bāngkal, èngghi alantaran ḍāri kerrès sangkolan èngghārowa.

Lantarannèpon kerrès èngghānèka èangghèp pangaro, tjarètaèpon sapanèka:

Ghi' lambā' sè kaaghoengan kerrès ghāpanèka Pangèran, kamangkèn kadhiā ampon ollè doe ratos taon. Djoedjoe'na WIRJO, sè anjama RAHMAN, ngaboelā ka Pangèran bhoeroe.

È nalèka sèttong tèmpo Pangèran mèjos amamolān ka alas paghoenongan, njarèa mandjhāngan, kèddhāng, bhāntèng sareng bhoeroen alas laènnèpon, èèrèng lā-kaboelāna. Sanattolla ka alas, Pangèran ladjhoe ngarsa'aghi ambhādhi pondhoek pangènebbhān, sabāb kasokanna sabelloenna, ollè kèbān bhoeroean. ghi' ta' bhoebhārā. È kala sèttong arè bādjà lem-malem Pangèran mèjos njarè kèbān ka alas romboe, èèrèng abdhina sè anjama RAHMAN.

Ta' antara abit sê kadoewa ladjhoe posang ta' mangghi batbādhan, Pangéran ampon pan-saponapan kalé aparéng tatengnger, mamonjé têngghar, sopadja la-kaboela laennépon njandherra, djhoegha ta-da' sabighia sê katéngal. Sareng ampon sabatara abittépon sê kadoewa rak-nerrak é alas, Pangéran pas arassa lessa sareng lapar, mëlana ladjhoe rên-sarénan ébabana kadjoean. RAHMAN aromasa nésér, nêngalé lorana kalaparen, mëlana pas ta' ngétong lessona bhādhanna, aba'na adjhālan njaré wā-boewā'ān sareng aëng, bhādhi éatorraghiā ka Pangéran. Kantos abit RAHMAN sê sak-bāraksaghān é alas, nangéng ta' mangghi pa-ponapa: abit-abit ladjhoe méréng monjéna aëng aghili tjé-karé-tjéan. Aba'na pas éntar da' ghika'ijā, mangghi soksok nê'-kênê', aëngnga ngatjérmang sarta é pêngghirra bānnja' bhoengkana gheddhāngnga, boewāna ampon bānnja' sê lo-solo. RAHMAN ladjhoe njello' aëng ébādghāi bhoetol, saamponna pas mették gheddhāng, épélé sa'-massa'na, ladjhoe abāli dā' ken-nengannépon lorana. Sareng para' nattola dā' ghika'ijā, pas méréng monjéna têngghar: RAHMAN tapadjādja', tjā'épon pékkérā: manabi bānné la-kaboela sê njaré'é Pangéran, ampon tanto sakéng Pangéran mangghi pokpara, mëlana aba'na pas kobatér, padjhā-lanna sadjāné épasanta'é. Sareng ampon ropek, aba'na pas méréng kasa'na matjan reng-derrenggan. RAHMAN pas ajā-sadja sê atatonlonga ka lorana, sabab tjā'épon pangérana, tanto lorana atjarok sareng matjan; aba'na ampon ta' tako' maté, anggher ollé atatonlong ka lorana bisaos. Aba'na ampon ta' mardoeli sama sakaté, sanaré bhādhanā é'-takaé' ka doerina pandjhālin, mala pandjhālanā sadjané ngapaprang. Sanattolla dā' kaléngghānnépon lorana. Pangéran ampon épangghi tadja', namong karé abi-nannépon bisaos sê bādā. Kerrés pas ékala' sareng RAHMAN sarta ladjhoe ra'-ra'an sakellarra. Ta' antara abit pas méréng serrona oréng édālem ombhoet atjamboeran derrengnga matjan. RAHMAN éngghāi berka' dā' kennenggan ghika'ijā. Sareng ampon nattol, aba'na saklangkong takerdjhat, amargha nêngalé matjan slijoe sít-tong sanget radja'épon. Matjan éngghānēka prappa'na tjel-ngotjel lorana, djhoeghan ampon loka é taboe'na. RAHMAN ladjhoe ngaléng ka kadjoean, asadjhā nêngghará matjan, djhoegha pas goegoep, ta' kantos ollé masang, sabab sareng matjan nêngalé bādā oréng nganaré têngghar, ladjhoe alontja', njarap dā' aba'na. Éngghi ontongnga lopot, amargha RAHMAN pas éngghāi njésé, ngaléng ka kadjoean polé sambí ngonos kerréssa. É baktó matjan njarabha polé, ladjhoe étampané sareng kerréssa, teppa' bisaos ka dadāna, matjan robbhoe ka tana terros maté.

Saamponna RAHMAN pas éntar ka lorana, sê ghi' aghentang é tana, apandi darā.

Katjatora la-kaboela laennépon sê njaré'é Pangéran, sak-njasak é alas, ta' kadhik épangghi. Épangghi-épangghi ampon malem, saamponna Pangéran loka atjarok sareng matjan; para abdhi

pas terros ambhādhi osongan: sareng ampon marè, Pangèran pas ebhakta bhoebhâr ka dhalemma.

Lokana Pangèran kalerressan ta' sara, ella' sabātara mênggoe, salérana ampon saé polé.

Djha' sakènga nalékana Pangèran atjarok sareng matjan ta' étolonga RAHMAN, ampon tanto sléraépon sè sèdhâ. Mèlana sanget kaprotangan dâ' abdhina èngghânèka. Sakèng radjana kaprotanngannépon, sareng Pangèran abinanna gem-agemmanna éparéngngaghi ka RAHMAN. RAHMAN saghoenong bhoengana atèna oile ghândjharân kerrès èngghânèka: ngatjètjot sè mator sèboe doe èboe sakalangkong dâ' ghoestèépon.

Kabit dâri naléka ghâpanèka kerrès bhoeroe édja-moldja sareng orèng bânja', tja'épon marghâ ampon onèng matè'è matjan. Samatèna RAHMAN kerrèssa ladjhoe ésangkollaghi ka ana'na; sapanèka saterrossa ron-témoron kantos dâ' WIRJO.

Ampon dhâddhi adhat mongghoe dâ' orèng Djhâbi, manabi badja kerrès sè kadhi ghâpanèka pas èangghèp pangaro sarengngan tja'épon onèng nolak kabhalâi. Mèlana sareng sè ghâdhoeân sanget sè édja moldja. Èbingkèng bhâdhi ètjarèt'a'aghia djhoeghan kapartjadja'annépon WIRJO dâ' kerrèssa ghâpanèka.

III.

Karammèan ana-bârna.

Nalékana osom anjé è kampong Bangkal, saklangkong ram-mépon. Sabbhan lagghoe lèr-kèlèran orèng laké', bino' sareng na'kana' éntar ka saba, sabanné badja sè anjéa padina dhibi', sabanné badja sè namong ngala'a anjéan bisaos. Sarrèna è baktò ghapanèka lerrès mosém némor, mèlana saklangkong panassépon, djhoeghâ rèng-orèng sè padja anjé, sè akartang è panassa, dhi-kadhi'a sè ta' arassa panas sakalé, sè anjé masenneng biaos sambi ta' amboe sè djhoeng-kèdjhoengan.

Manabi ampon baktana nedjha, bijasaépon badja bân-abân lagghoe, rèng-orèng anjé ghella' sareng kè-laké'an sè padja angghaladjoengé padina, ladjhoe akompól è roeng-baroeng, otabi neng babana rangghoen kennengannépon ghoe-toghoe dhingén. Èghaka'ija pas padja apo'ghloempó' è tana, badja sè ta' alama', badja djhoeghâ sè alama' ghidhang. Sareng nasé' ampon dateng, pas padja nedjha asareng, ropaepon saklangkong né'madlha.

Ampon ékaadhat sareng rèng-orèng è Bangkal, manabi osom anjé, saséra sè ghadhoeân saba masté ésalameddhi, mala badja se kantos nangghâ' tabbhoeân. È badja lem-malem manabi padj

ollèna anjè ampon èbhakta palèman, sanattolla ka tjompo'èpon ampon mangghi bà'ambà' tabbhoean, ongellèpon tjak-katjaghan, mènangka kaormadhàn. Sabännè rèng-orèng sè ghadhoean paði namong aslameddhàn rasol bisaos. Dhinèng rèng-orèng sè paða mèkol paði, saamponna marè di-mandi, ladjhoe adhàndhàn, terros akompol è tjompo'èpon orèng sè aslameddhàn. Èghika'ija pas paða anga-bhoenga amarghà sè anjè bännja' ollèpon paði. Moj-tamoj èsoghoei teddhà'an ana-bàrna. Dhinèng sè èkagessa èngghi báb ollèna paði, sè lè-mellèa, sè mabettjè'a tjompo', sè akardja'a sareng èn-laènnèpon. Rèng-orèng è Bàngkal è taon ghapanèka ampon tanto ta' kèra kakorangan teddhà, manabi nèngalè bännja'èpon ollèna paði. Djhoeghà dà-paða orèng è kampong ghika' ija sè paða apaanjè, sè nja'-bännja'an onggghoe ollèna paði WIRJO, amarghà abà'na sè palèng onèng anggharap sabà sareng ngromat tanemman. Djhoeghà tja'èpon panjanana tja-kantjana, mèlana WIRJO nja'-bännja'an ollèna paði, amarghà sè ghadhoean kerrès sangkolan pangaro ka'issa.

Ra-kèra ollè doe mènggoe dāri salobarrā anjè, bākto ri'-bhāri' parappa'èpon WIRJO sareng ana'-binèna neddhā, ladjhoe katamojan èpar lakè'na sè anjama ISLA, dāri dhisa Ghalaghā. WIRJO lakè' binè' saklangkong bhoengana, sarta pas èadjhāk neddhā apolong. ISLA sanget dhoeladdhā sè pas mangghi nase', sabāb abā'na ampon sanget laparra; dāri tjompo'na adhārāt bisaos, mangka seddheng djhāoena.

WIRJO atanja ka èparra: „Bārāmma, lè', èko'issa, napè paða salamet? Binèna so ana'na napè paða bāras?”

ISLA: „Èngghi, ka', ollè bherkat sampèjan, paða kaparèngan bāras salamet sadhādja. Kaealā sè ka'kanto panèka, ka', bhadhi matora onèng, manabi pottrana tjebbhing, MEXKOEM, è tangghal ka'ija èpakampunga sareng bhākallèpon, SOEDJONO ana'na kalèboenna. Lā panèka, manabi andhāddhiāghi kasokanna sampèjan sareng embhoek, sampèjan sareng embhoek, èso'ona raboena dā' Ghalaghā lerres è arè dhāddhina ghābāj, sopadja aparènga pandoea salamet dā' pottrana, tor sopadja andhāddhiāghi kabhoenga'an dā' kaealā sadhādja. Kaealā akardja'a nè'-kèné' bisaos, ka', sabāb sapèsan kaealā ampon karè andi' nèjat, doe kalèna è mosèm anjè mangkèn, ollè bherkaddhā bāngatowa, kèngèng tjetjot sadhiidhi', saseddhengnga brāghāddhā pottrana djhebbhing. Osom anjè taon mangkèn langkong saè dāri taon sè pon-ampon.”

WIRJO: „Èko'into engghi bārinto kèja, lè', saeddjegghā tao anjè, ollèna ta' mara sanonto bännja'na. Parkara otja'na ghānèko, boela ta' mator enten, mator engghi, djhoeghā mon taða' aral pè-napè, sabāb sapèsan boela lakar terro mabhoenga'a ana'na so binèna dhika, doe kalèna kerbhoejja sanonto empon taða' lakona, dhāddhi kennèng djhā' èpanadjhā'a djikar kò'assa, sabāb kanponakanna nèko mon adhārādhā bhui, empon tanto ta' kellar.”

Ana' laké'na WIRJO saklangkong pèragghá, sareng mèrèng, djhá' orèng towana bhádhí èntara akolemmán ka tjompo'na madjhádhí'na. Sapanéka dihoeghá ISLA bhoenga, amarghá WIRJO pas ngotja' „engghi”, dháddhi kèngèng arep dátengnga ka tjompo'èpon. Asalla, èparra èngghánéka kobàtèr, tako' WIRJO ta' kèngèng dáteng, sabáb abá'na ampon onèng, djhá' WIRJO tjé' bhánterra alalakon, ta' poron andhingghál, manabi ta' tjé' parloná onghhoe.

Saamponna marè neddhá, na'ana'na pas padá tèdoeng sadhádjá, dhinèng sè katello ghi' terros adon-djandon.

ISLA ngotja': „Kaoelá lagghoe' ghi' agghoe terro èntara ka kotta sakeddjhá, ka', lè-mellèa rúng-bhárang kaparloannèpon ghábáj. Manabi sampèjan kasokan, njara kaoelá aterraghi, sabáb sampèjan ampon bännja' kennalannèpon kó-tókó èka'issa.”

WIRJO njambhit: „Engghi, lè', sambí'anna boelá lagghoe' lakar nèjat ka kotta'a, parlo arembbhaghána arghána bháko.”

Saamponna marè asa-gessa sè katello pas padá mapan tèdoeng.

Kalagghoeannèpon ghi' petteng WIRJO sareng ana'-binèna, sapanéka dihoeghá ISLA, ampon padá djhaghá, kadhi adhát bhán-sabbhána. Saamponna padá marè mandí, ladjhoe asarabhán. È bakto èngghánéka WIRJO ngotja' ka èparra: „Mosèmanjè sanonto nèko bännja' onghhoe orèng asalameddhán; dá'-adá'na boelá njalameddhi padí, pas ghábájjá ana'na dhika; boelá ngèding berta, tja'na, kaléboenna bádhá'á ghábájjá kèja, njalameddhána kompojja.”

ISLA njambhit: „Parkara ghápanéka ta' dháddhi panapa, ka', mala dháddhi tandhá, manabi rèng-orèng ka'ijá sareng è Ghá-lághá ta' kakorangan. Pola sampèjan sakèng tako' sè tobánga sè anggháráp sabána, ka'? Saèstona kaoelá kobàtèr, tako' sampèjan sareng embhoek ta' kèngèng ngoladhi mantanna pottrana, MINGKOEM.”

WIRJO: „Ó, parkara ghánèko, lè', dhika pon djhá' mang-mang-mang, asal tadá' alangan pè-napè bhái, insja Alla boelá sabhá-roendhoet kennèng arep dátengnga. Madjhá, ka, djhá' mangkadhá ka kotta, pongpong ghi' lagghoe, dhägghi' molèna mè' ta' malem!”

Saamponna padá marè asalénan angghoej, WIRJO sareng èparra pas mangkat dá' kotta. Toro' djhálán sè kadéowá tadá' pegghá'na sè adon-djandon.

Sanattolla ka kotta, WIRJO sareng èparra pas èntar dá' kó-tókó Djhábá; saamponna pas ngallè ka tókó Tjéna sareng tókó Arab. ISLA mellè djita ana-bárna, sarong, odheng sareng bhárang kaparloan laennèpon. Samarèna ISLA sè lè-mellè bhárang, WIRJO pas madhádhi regghána bhákona dhibi' sareng bhákona tja-kantjana, sadhádjá padjoe larang. Abá'na mellè djita sareng odheng sè è-saè, bhádhí ètjara'aghia *) ka èparra. Sareng ampon tadá' sè

*) tjara = patolong.

ebellia polè, WIRJO sareng ISLA pas palèman asareng rèng-orèng dhisa Bàngkal, sè panoddjhoè èntar ka kotta djhoeghan.

Kalagghoeunnèpon ISLA palèman ka Ghàlaghà. Sabelloenna mangkat, tjo-mattjo sanget dà' WIRJO, èarebbhà ongghoe datengnga dà' tjompo'na, teppa' è pangghina komantan.

Saplèmanna èparra, WIRJO pas ta-maranta bhàkona sè bhàdhi èdjhoewàla ka kotta, ladjhoè èsèmpen è goedangnga, saamponna pas anggharap sabàna, sabab tja'èpon pekkèrra, sabelloenna èntar akolemman, sabàna sè ampon marè èlakonè. Sabab saabiddhà èntar akolemman, ra-kèra kantos pa' arè abiddhà, tanto abà'na ta' kèngèng toron ka sabàna. Ghi' dem-arèdem WIRJO ampon kalowar, ambhàkta kerbhoejjà, bhàdhi anangghala'a, sabab sabàna sè ghi' bhoeroe marè èanjè bhàdhi ètamennana bhàko.

Sareng ampon nattol dà' tèmpona akolemman, pangghabàjännèpon marè sadhàdjà: bhàkona ampon marè èdhà-bàdjhài, sabàna sè bhàdhi èperghiana bhàko, ampon ranta, tjoma karè tamennanna saos.

Mèlana sareng WIRJO èparloaghi sadhàdjà pangghabàjännà èparanta langkong dhingèn, sabab takò' katèttèran èbingkèng; sè ta' èntara ta' njaman, amarghà sè apangantana panakanna dhibi'. Manabi na'-ana'na ampon ta' katjator perakkèpon, sareng onèng djhà' ampon para' mangkadhà.

IV.

Orèng anga-bhoenga sè tatjoghàk.

Badjà ghi' agghoe nalèka WIRJO sareng ana'-binèna ampon mangkadhà akolemman dà' tjompo'èpon èparra è Ghàlaghà, djikar èsadjijà'aghi è tanèjanna. Djikar èngghanèka ngangghoej'ata' kadjhàng, èdàlem èpasangè sor-kasoran, sopadjà ka orèng sè todjoe' ta' malasa. WIRJO ghi' èmo' sè ghà-maongghà bāng-ghibāna, aka-dhiā: salènnannèpon ana'-binèna, tjarana sareng djhàdjhān ana-bārna. Dhinèng ana' lakè'na sè kaðowèwè rēpot sè madjhāng djikarra mabi dāoen bāringèn. Sapanèka djhoeghā tandoe'na kerbhoejjà èbhet-bhetbheddhi bing-rambingan ana-bārna, dhinèng lè'èrra èpasangè nong-kronong sè radjà. Sareng ampon ranta sadhàdjà, sè binè' sareng na'-ana'na pas ongghà; sè ngellèse WIRJO. Ta' abit djikar pas mangkat. Saabiddhà lèbāt è djhālan prapadhān rojàna djikarra serrèng djhoek-tabhālidjhoek, sè noupa' kantos akadhi sè èdjhep-ondjheppaghi. Kadjhāng manabi djikarra kalerressan mèrèng, WIRJO sè binè' ⁽¹⁾ sareng na'-ana'na kantos

(1) WIRJO sè binè' = WIRJO binè' = binèna WIRJO.

aŋowat, nangëng WIRJO ta' apa-ponapa, sarrëna ampon bijäsa lëbät è lorong sè kadhi èngghänëka.

Katjatora WIRJO saana'-binëna è bákto ghäpanëka pađa adhän-dhän. Sampërra è-saè tor rang-larang arghäna; eddjässä WIRJO tjelleng, klambhi ðälemma potè, oðhengnga mettjet, sambi njong-kël kerrès sangkolannëpon. Saeddijhegghä abä'na ghi' ta' onëng njongkëlan kerrëssa, sanarè ka'kamma'a, namong è bákto ghäpanëka bisaos, tja'ëpon pëkkërra ma' ètëngalè tja-kantjaëpon sè è Ghäläghä. Kabidhän abä'na mangmang sè ambhäkta'a kerrëssa, sabäb èmot dā' bäsëjaddhä mama'na; tjompo'na tako' ma' pas mangghi kalër èboedj. Tor polè abä'na kobätër, tako' pëssëna tja-kantjana, sè èpatoro' è tjompo'na èlang, manabi kerrëssa lastarè èbhäkta, sabäb sanjatana èngghänëka sè atoghoë. Sè-pëssè ghellä' èbädđhäi talomer kënë', pas èsabä' èdälem peyyə kadjoë, sè seqđheng radjaëpon. Èattassa peyyə èngghänëka kennengan-nëpon panjangkë'anna kerrëssa. Dhinëng marghäna tja-kantjana mëlana pađa jmatoro' pëssë ka WIRJO, sabäb tja'na pëkkërra, è-ghika'ijä bädä sè andjägä, èngghi panëka kerrëssa sè pangaro, dhäddhi ta' kera sè èlanga. Djhoeghä sarrëna WIRJO sanget ad-dhrengnga sè terro ngatëngallaghiä kerrëssa ka tja-kantjana sè pađa akolemman, tjoyyə'na pëkkërra, kerrëssa lastarè èbhäkta.

Antara satengnga eddjähm abittëpon djikar sè lëbät è lorong prapadhän ghellä', pas nattol dā' djhālän radjä. WIRJO ngotja' ka sè binè': „Sanonto djhālänna pon njaman sarta naong. Djhä' sakënga djhālänna terros kanťa ghellä' ghärowa bhäi, pon tanto dhika so ana'na sè maboe'.”

Sapanëka djhoeghä kerbhoejjä ropäëpon bhoenga, marghä mangghi djhālän saè tor naong, mëlana padjhälänna semmo èpaghän-tjangan, kantos djikarra akadhiä sè èghoele'aghi.

Bädjä pokol satengnga sanga' rè'-narè' ⁽¹⁾ WIRJO ampon lëbät dāri kotťa, pas nattol dā' djhālän laèn sè aop djhoeghän, èngghi panëka djhālän dā' dhisa Ghäläghä. Sarrëna djhālänna samangkën sadjän abit sadjän ngongghä'aghi, sabäb dhisa Ghäläghä panëka dāri tasè' langkong 600 kakè otabä 180 mèter, mëlana kerbhoejjä sarat adindi' padjhälänna. Sareng kera ampon ollè saparo pardjhälänan, pas amboe èadä'na bäroeng. WIRJO sareng ana'-binëna ladjhoe toron ngënom tjaó è bäroeng ghika'ijä, dhinëng kerbhoejjä èngghi èota', èteđđhäi sareng èënomè.

Saampona pađa marè lessò, pas mangkat polè. Pokol sabelläs WIRJO saana'-binëna ampon para' napa'a dā' dhisa Ghäläghä. Ghi' oe-djhäoe WIRJO sareng ana'-binëna ampon mërëng monjëna tabbhoeän, sè ètabbhoe kabit ghi' agghoe mola, andhädđhiaghi sen-nengnga sè pađa mërëng. WIRJO atanja ka ana'na: „Apa bāna ta' ngëding monjëna tabbhoeän, tjong? Tabbhoeän djäreja mè-

(1) rè'-narè' = bän-abän lagghoe.

nangka ngolek rêng-orêng sè padá akolemma kassa. Koddhi rowa' abás! labáng sakètèngnga èpadjháng so oen-dáoenan sarta èpasangè bháng-kembhangan so mandirá, ollè orêng sè akolemma padá'a senneng atèna."

Ana'na sè anjama DOERAHMAN pas ngotja': „Tanto bännja' djhádjhanna éko'issa, ta' engghi, ma'?"

Samarèna ngotja' sapanéka DOERAHMAN pas pa'-kopa'an dári pèragghá. Kana' èngghánéka tjé' agherrá sè èngghalá nattol, agher neddhá'a djhádjhán.

Ta' antara abit WIRJO sareng ana'-binèna ampon nattol dá' tjompo'èpon ISLA.

Katjatora papadjhangan è tattarop, è ampèr sareng è romana ISLA, saèna ngalangkongè dári sè è labáng sakètèng ghellá', akadhiá: oen-dáoenan ana-bárna, bháng-kembhangan, mandirána ber-gleberrán, ambhádhi maremma rêng-orêng sè padá akolemma. È romana, è ampèr sareng è tattarop sadhádja padá nganghoej lampoe ghántong. Laèn dári èngghánéka èadá'na labáng roma báda kwadéna, èngghi panéka kennengngannèpon komantan laké'-biné', bákto èpadjhádjhár. Lerres è paddhoena tattarop kennengnganna tabbhoeán sareng ghá-nadjághána. Sareng WIRJO saana'-binèna maso' è labáng sakètèng, ladjhoe báda orêng nab-bhoe tongtong, aberri' tandhá dá' nadjághá, manabi báda tamoj dáteng. È bákto èngghánéka djhoeghán tabbhoeán pas mongel giro, mènangka kaormadhán dá' WIRJO sareng dá' ana'-binèna. ISLA laké'-biné' ladjhoe kalowar, ngambá' trètanna. WIRJO sè biné' sareng na'-ana'na pas padá todjoe' è téker sè ampon èsadijjá'ághi è pèr-ampèr, dhinèng sè laké' ghi' ngotja' kerbhoejjá.

Ta' antara abit moj-tamoj sè ampon padá dáteng ladjhoe padá neddhá sambí ètoro'è ongella tabbhoeán. Sè padá neddhá saklangkong sennengnga. Sadján abit atambá bisaos moj-tamoj sè dáteng dári dhisa laèn.

È báda lem-malem komantanna laké'-biné' bhádhi èpangaraghá. Katjatora rêng-orêng sè padá nèngalé, adháráp èseddhi'na tattarop, salang sellek, sabáb padá terro nèngalana komantan. Kadjhábhá rêng-orêng sè padá nèngalé, èlowar pakarangan bännja' rêng-orêng sè awál-djhoewál teddhá'án ana-bárna, báda sè mokka' bároeng, báda sè namong nganghoej lèntjak malolo, báda djoeghá sè adhásar è tana. Rèng sè awál-djhoewál kantos ta' katèngal, dári roboekkèpon orèng sè lè-mellé; báb sè kadhi panéka ta' angghettonnaghi, sabáb rêng-orèng è dhisa Ghálághá naléka osom anjé nja'-bännja' ollèna padá, mèlana sadhádja sè nèngalé ampon tanto padá njèkep pèssé.

Ghi' pokol tello', rata tompa'annèpon mantan laké'-biné' ampon èsadijjá'ághi. Rata ghápanéka kaaghoenganna pardjadji soghi, ètarek djhárán sapasang sè saklangkong gánteng, èteggloedhi

orèng kaŋoewa. sabab manabi méréng monjèna tabbhoeân, ta' poron neng-enneng. adhi-bhoedhi bisaos.

Pokol empa' komantan lakè'-binè' kalowar sè bhādhi éaraghā. Angghoejjā rūp-ghālibhān: sarongnga komantan binè'na songkèt, klambhina sottā ngennjer. seloppèpon ésolan bennang emmas, ghellāngnga ghellāng emmas, è tjettagghā ngangghoej djhāmang sè tēp-karettèbhān. Mowana abeddhā' potè nalbek. lè'èr sareng lengngenna mabi bejdhā' konèng, bibirrà ègintjoe. alèssa éparas ladjhoe épasangé lalaja. Sareng komantan lakè'-binè' ampon épaongghā. ratana pas épadjhālān on-laonan. Dhinèng éboedjina rata rammè sareng tabbhoeân sè tjak-katjaghān ongella, asella monjèna mertjon salang padjhejdhār. Orèng sè nèngalè dhādhi salorong. Ana'na Wirjo sè lakè' bhingong masè nēgalana komantan, masè nēgalana mertjon sè ésomet toro' djhālān.

Sareng mantan ampon marè éarak, pas ébhakta palēman ka tjompo'èpon sè binè' polè, épasèla mēdjhet è baboet, épadjhādjhār éadā'na kwadé, padā tadā' djhoeng gessa'an, namong meddhet bisaos. Pokol doebellās tengnga malem komantan bhoeroe épalobār. Neng pēr-ampēr possa' sareng tamoj binè'an, è tarop sareng tamoj lakè'an. Djhā'-sakeddhā' moj-tamoj èngghānēka éangka'è teddhā'ān ana-bārna sareng biddhāng. È bākto ghāpanēka ghā'-tangghā'èpon bādjang.

Katjatora sareng dhālāng ampon molaè amaènnaghi bādjangnga, moj-tamoj sareng rèng-orèng sè padā nēngalè pas sèrep. sabab padā méréngngaghi tjarèta'èpon. È kala ghāpanēka tadā' orèng sè ghādhoeāna kasossa'an, sadhādja sè padā nēngalè katara padā kalēboeren sè méréngngaghi kandhāna bādjang. Manabi kalerressan dā' dhoengngèng sè lotjo, rèng-orèng sè padā nēngalè pas padā aghellā' salang pasowar. Dhinèng sè hoso' ongghoe ampon ta' kadhih aghellā' sama sakalè, sanarè kalerressan bādā lalotjonna, namong nēlèng bisaos sè méréngngaghi. Prappa'na mē-rammēna bādjang. rèng-orèng sè padā nēngalè pas abālessadhān masaklèan, mala bādā sè atjerrèng; dhinèng sabābbhā, marghā bādā'orèng kasorang dāteng nompā' djhārān ètjongklang. katara djhā' kabhoeroe, amboe éseddhī'èpon karammēan èngghānēka. Satoron-na dāri djhārānna pas mēnta tolong dā' orèng kasorang, sè bādā éseddhī'ānna negghoe'aghi djhārānna; abā'na maso' kaŋālem tatarop. katèngallèpon kadhi sè bādā ésarè. Sarrēna è bākto ghāpanēka possa' sareng rèng-orèng sè padā nēngalè bādjang, mēlana pamaso'na ka tatarop sanget njangsara'èpon. Djhoeghā ta' abit kèngèng njellat sarta pas terros bisaos éntar ka Wirjo, sè ghi' prappa'èpon boer-lēboerrā nēngalè bādjang.

Katjatora Wirjo sareng nēngalè SALÈ (orèng sè bhoeroe dāteng ghāpanēka SALÈ njamana) dāteng djā-ta' bādja, takerdjhat, sangkana atēna tanto bādā pa-ponapa, mēlana ladjhoe atanja sapanēka: „Lè, bādā apa sēdā mē' dāteng ghoeng-nangghoeng bārijā?”

Sangkolan.

SALE njambhit sambhi to'koto': „Èdissa kalèr, Jo; madjoe, kalowar sakeddjihā', engkandhā'ana.”

WIRJO sareng mēreng otja'na SALE sapanēka, tabhābhēgghen, ta' ngotja' mēra-bhiroe, namong noro' boentē' SALE bisaos kalowar, lat-njellat ē orēng bānnja' sē atjet-lettjet nēngalē bādjang. Abā'na sanget sossa, tek-kettegghā asalamberrān, sabāb pangērana ampon tanto kampongnga mangghi kabhālāi radjā. Sanattollā kalowar, WIRJO pas ngotja' ka SALE: „Lē, dā'rāmna, mara, dhoeli kabālā, bādā kakalēran apa?” Sē atanja sapanēka WIRJO para' ta' mettoa sowara.

SALE njambhit: „Ella, dhisa Bāngkal para' ghemmeddhā ēka-kan apoj.”

WIRJO sareng mēreng otja'na SALE sapanēka, akadhīa sē ētap-por kēlap, rēto ta' andi' ora', otja'ēpon: „Dhisa Bāngkal para' ghemmeddhā? Marēna.....?”

Saamponna marē ngotja' sapanēka abā'na pas neng-enneng sakeddjihā', ta' abit atanja polē: „Tang bengko dā'rāmna, apa ēkello' sakalē?”

SALE: „Ella, bengkona bā'na ghemmet sakalē.”

WIRJO: „Lombhoeng so goedāngnga bhāko bārāmna, slamet, jā?”

SALE: „Ghemmet kabbhi; ēssēna bengkona bā'na tadā' sē ēken-nēnga tolong sēttonga.”

WIRJO: „Mandhār pēssēna tja-kantja rowa bhāi salameddhā.”

SALE: „Abā, bādhdhinna pēssēna tja-kantja djārēja ta' ēkēbā dā'anna' so bā'na?”

WIRJO: „Endjā, pēssē djārēja bādā ēdālem pejtē kadjoe ēsed-dhi'na katēdoengan.”

SALE: „Ađoe, ađoe, mon bārijā la tadā' karēna sakalē. Orēng kabbhi padā ngēra, djhā' pēssēna la tanto ēkēbā kanna' so bā'na. Teppa'na dhi-dhāddhina apoj sēngko' la lebbhoeā ka bengkona bā'na, ija parlo ngala'a kerrēssa, nangēng kalēboenna ta' maghi, sabāb tja'na kerrēssa ēangghoej so bā'na, dhāddhi sēngko' ngēra, pēssēna ta' boeroeng ēghibā sakalē. Kerrēssa djārēja sabbhānna ta' ija ēsabā' ēattassa pejtē bādhdhāna pēssēna arowa? Molana rēng-orēng la' dissa bāngal matoro' pēssēna ka bā'na, ija amarghā bā'na andi' kerrēs pangaro, panolagghā kabhālāi.”

WIRJO: „Bhendēr otja'na bā'na djārēja, SALE. Sanjatana lan-taranna kakalēran djārēja dāri sēngko', molana dālem parkara djārēja sēngko' sē sala. Sēngko' la mangmang sē ngēbā'ā kerrēs arēja kanna', otabā bhenderrā, mon bi' sēngko' ēghibā, pēssēna mostēna ēghibā sakalē. Marēna ēdimma sēngko' sē ollea pēssē ēghāntēaghīa?”

Saamponna marē ađon-djandon, WIRJO pas lebbhoe polē kadā-lem tattarop, padjhālānna asalēndoran, terros ēntar ka binēna, abālā bāb kakalērannēpon ēngghānēka. Bākto ka' ija kēja moj-tamoj laēnna ēngghi ampon ngēra, djhā' WIRJO mangghi kasossa'an, ka-

tara dāri olattēpon. Ta' antara abit rēng-orēng sē padā akolemmān ampon padā mēreng sadhādjiā, mēlana tabbhocān sareng bādjiāng-nga ēpaamboe sakeddjiā'. E bāktō ghāpanēka ē tattarop pas sērep sakalēng adā', akadhiā kata' ēsamboer. Rēng-orēng sē padā bādā ēghika'ijā mandheng dā' WIRJO lakē'-binē' sarta padā ghādhocān atē nēser.

WIRJO ngotja' ka binēna: „Boelā molēa kaaqā' sanonto kēja, dhika so na'ana'na neng-enneng ko'ijā dhāllōe, ngantos bālina boelā. Nangēng bilā-bilā boelā sē abāliā ko'anto, ghi' ta' kennēng tantoaghi, sabāb boelā ēko'issa empon tanto rēpot. Bilā boelā empon marē long-mapolong rē-karēna bengko sē katonon bān empon ollē madhēk bengko anjar, boelā pas ko'antoa, ngonēana dhika so ana'na.”

Kalerressan ISLA lakē'-binē' ēngghi dhāsar ahadjhāt nahana tarētanna sareng kan-ponakanna ē tjompo'na, saabiddhā WIRJO ghi' ta' ollē ambhādhi tjompo' bānnēan. Sareng WIRJO ampon ollē ēndjhāman djaran dāri kalēboen Ghālāghā, pas palēman asareng SALē.

Sareng WIRJO ampon mangkat, moj-tamoj laēnna sareng rēng-orēng sē padā nēngalē bādjiāng pas abāli kaqālem tattarop, nēngalē bādjiāng polē. Nangēng ampon ta' poron bhoenga akadhi la'ghellā'na, mēlana bādjiāngnga pas ēlobārraghi. Salobārrā bādjiāng, moj-tamoj sareng rēng-orēng sē nēngalē pas palēman, poe-lampoe padā ēpatē'ē sadhādjiā.

Sarrēna towan roema sareng laēnnēpon padā lessō, mēlana ē malem ghāpanēka sē tēdoeng padā kapatē, namong WIRJO sē binē' ta' poron njēdjhā tēdoeng, amarghā sossa, mēkkērē tjompo'ēpon sareng rāng-bhārāngnga. Samalem bhentēng abā'na sē nangēs, kalagghoeānnēpon sareng ampon djhāghā, tēngalla bāko'.

V.

Katonon.

Katjatora WIRJO sareng SALē sē plēman, saamponna ra-kēra langkong satengnga eddjhām abittēpon sē njongklang djhārānna, djhārānna pas ēpadjhālān on-laonan, sabāb manabi ētjongklang terros, ampon tanto moghoek. Toro' djhālān WIRJO atanja ka SALē: „Lē, djhādjhāl, kandhā'aghi, dāri dīmma asalla apoj bān sapa sē anđi' lalakon?”

SALē pas akanđhā: „Apoj djārēja asalla dāri bengkona kalē-boenna. Teppa'na sē binē' ēntar mandī ka songaj, tja'na ana'na ēboeđi pas ēn-maēnan apoj. Ra-kēra pokol satenga pētto' bhāri’

apoj la dhaddhi: sarrëna è kala djärëja kabhenjerran bharat angën. dhaddhi apoj pas ngolap san-kassannaghi: ka dāpörä, kanghaungä so endäenna. Rëng-orëng lakë'an è baktö djärëja ghi' bännja' sè ta' molè dari saba, molana ta' saapa orëng sè däteng atatolong, sampè' apoj ta' kaladhinan. Abö-ëmböe angëna sadjan abit sadjan atamba bharat, molana apoj pas alatlat dā' ko-bengko è kangän-katjërä djädijä, sampè' orëng la padä tako', mon angëna ta' tjeddhoëä, la tanto ko-bengko è Bangkal bhakal katonona kabbbi. Dhinëng rëng-orëng sè atatolong la ta' mëkkërè sè katonon. tjoma ko-bengko sè ghi' ta' èkolap apoj è kangän katjërä bhäi sè èbhantölè èparobbbhöe, ija bädä sè èsëramë aeng, sopprëna sopadja apoj ta' sampë'a alatlat dā' ko-bengko djärëja. Ontongna ta' abit pas rësè' tor angëna bädä tjeddhoëna: pata pokol bälloe' apoj pas reprep. Dhinëng abi'na bengko so andi'na sädä, bënña'na sapölö koren. Djärëja bengkona malölö, lä'n dāpör, lombhoeng so goedjäng."

WIRJO: „Eh, mon barija la tjalaka' ongghöe tang abä', ta' dha-këndhä, sabäb tang padä so bhäko arowa bhäi lebbi djhinadihin döe èboe ropëja, lä'n pössëna rëng-orëng sè èpatoro' dā' sengko'. La'rijana pössë djärëja so sengko' è abä' èdälëm tromel këne' èdälëm pettë, nangëng pössë tas-kertassa ngara la dhaddhi lölong kabbbi. Sengko' la ta' mëkkërè parkara tang di'andi' sè èkello' apoj, tjoma sè èkasossa, apa sè èghantëaghiä ka orëng nja'bännja' rowa. Ma' lang-palang dhalloe engko' rëja. Lè!"

SALÉ njambhit: „WIRJO, bä'na la djhä' sa-sossa loe'dälloe' parkara djärëja. Bä'na ta' ija la tao dhibi', djhä' rëng-orëng la'dissa ghi' mosëm anjè bhoeroe rëja bännja' ollëna padä sarta bännja' sè lopot dāri apoj? La tanto kanja tja-kantja rëja ta' kera ta' mëkkërè dā' bä'na, ija sakadhärrä; pandä' bä'na ta' kera sampë kalaparan. Kalamon è mosëm anjè däteng dijä rëng-orëng bännja' ollëna padä mara sè bhoeroe, insja Alla kabädä'anna tja-kantja sè ella padä njandhäng kabhäläi, abali onë polë. Tjoma sengko' satëja maënga'a ka bä'na, sakalë boe'dina marë sè ngëbä'an kerrëssa djärëja. Jo, maskë bä'na èntara kamuna; sabäb bä'na ghoe ta' la tao dhibi', kerrëssa djärëja tao nolak balä' sè bhäkal dätenguga?"

Otja'na SALÉ èngghänëka sadjan mangennes atëna WIRJO, mëlana pas ènot dā' basëjadhdhä mama'na, djhä' kasalameddhänna tjompo' sareng kampongna kantos ka èssëna sadhdjä, taghantong dā' kerrëssa èngghänëka. Sarrëna abä'na nerrak basëjattëpon mama'na, ambhäkta kerrëssa akolemmnan tor karana terro èdjhellënga tja-kantjana, mëlana mënangka hokomannëpon sè malang sara', abä'na mangkën njandhäng sossa radjä, bharang di'andi'na sareng pössëna tja-kantjana padä ghemmet èkello' apoj sadhdjä. Samangkën abä'na ampon karë kastana bisaos.

Toro' djhälän WIRJO kër-pëkkëran, njärë akal, kadhi ponapa

sè onènga angghantèlè pèssèna tja-kantjana. Ta' abit pas ngotja' sapanèka: „Bàrijā kēja ghoej-angghoejjā binèna ba'na. Lè, sè epatoro' ka sèngko', sèngko' mastè angghantèlè, sabab parkara èlangnga sèngko' sè sala, molana sèngko' wadjib nempoè djàrèja kabbbhi. Sanjatana bhender otja'na ba'na ghella', djha' sakènga kerrès rēja ta' èkèbā akolemmān, kèra sèngko' pèssèna tang tja-kantja ta' kèra èlang, bān sanaddjhān bādā'a bengko katonon, ngara ta' kèra kongsè alatlat ka bengko laènna, apa polè ka tang bengko: baddhinna lètjèghā bāsèjaddhā mama', djha' tang kerrès tao nolak bhālai?"

SALE pas njambhoengè otja': „Rèng towa rēja. Jo, ta' kèra njangkolè ana' bhārāng bā'-djhoebā': parkara pèssè kèra sèngko' sè andi' ta' kèra mēnta ghāntè, sabab parkara djrèja kadhadhinnā ta' kalabān èma'a. Salana ba'na ghoe ta' tjoma sè ngèbā kerrèssa èntar akolemmān, laèn tadā'. Apa polè sarèna rèng-orèng la'dissa padā radjā kaprotanganna ka sèdā, amarghā sèdā la bannja' pètolongnga ka tja-kantja rēja, dhaddhi rassana la tadā' djhalanna sè andi' karep mēnta bālina pèssèna, sabab mon mēnta pas anjana tadā' kaprotanganna sama sakalè ka sèdā. Sambī'anna bā'na apa sè èghantèaghiā: ollèa dīmna pèssè, djha' rèng bengkona, padina so bhākona la ghemmet èkello' apoj kabbbhi. Sèdā satèja tjoma andi' djikar sèttong, kerbhoej sapasang so sabā. Molana, Jo, sèdā la djha' sa-sossa parkara sè angghantèana pèssè djàrèja. Sèdā bi' partjadjā ka sèngko', tja-kantja rēja ta' kèra mēnta bā'na pèssèna, sabab mara sang otja' ghella', pèssè djrèja so bā'na ta' ètengnet epakannaghi ka apoj."

WIRJO njambhit polè: „Ijā bhender otja'na bā'na djrèja. Lè, nangèng sèngko' mostè nempoè pèssèna tja-kantja djàrèja, ma'a mon ollè engko' tjè' agherrā sè angghantèana. Bā'na tao tang karep? Pabbrik ghoelā Soeko-Widi satèja parlo njèwa tana abèk bādān. La dhina tang sabā bi' sèngko' èpasèwā'a, bādā'a satèllo taon bān sèwana so sèngko' pas èpènta'a sakalèan. Mon ollè, sèngko' pas andi' pèssè ra-kèra 600 ropèja. Rassa sèngko' pèssè sadjārèja la tjokop ghābāj ghaghantèn."

SALE: „Karebbhā bā'na djàrèja sèngko' ngalem, nangèng parkara djàrèja ollèa èpèkkèr bi' landjhāng; marèna mon bā-sabāna la èpasèwā' ka pabbrik, bā'na ta' pas nèng andi' djikar sèttong so kerbhoejjā sapasang, pas apa sè dhaddhiā kasabbhā sèdā so ana' binèna?"

WIRJO: „Ó, parkara djàrèja ghāmpang. Lè, anggher sèngko' so tang kerbhoej èparèngè baris salamet bhāi, insja Alla nemmo kasap. Mon tang sabā lastarè empasèwā, sèngko' pas ngolia ka pabbrik. Endjā', mon engghoenna bāllong tji bhāi saarè, sèngko' masè ollèa. Bilā osomna orèng nebbāng tebbhoe, tang djikar empangangko'a tebbhoe ka pabbrik. Sè ngarè'aghiā relbbhāna la bādā, ijā arèja katjong sè kadowā arowa. Kèra sèngko' èlèna

bādjaran balloeng tji djareja la tjokop engkakan sèngko' so tang ana'-binè dālem rē-sarēna."

SALÈ: „Mon dā'rija sèngko' la ta' tao sè tja'-ngotja'a, apa tja'na bā'na bhāi, sabāb dā-padā orèng Bāngkal, bā'na kabilāng ter-penterran. Apa polè satēja, bā'na dālem kasossa'an arēja, la tanto lebbi bānija' akalla ètombhāng moso ghi' ri'-bāri'na."

WIRJO: „Ijā, mandhār kanta'a otja'na bā'na djareja, Lè, tang kabādā'an mè' ollè dhoeli abāli onè. La' rijāna mon tja'na rassana tang atè, masè ta' tjoma satēja'a bhāi sèngko' sè nemmoa tjobhā, rassana masè ghi' bādā'a polè, tapè sèngko' ta' kènè' atè, sabāb tarmè' tang kerrès pas èlang pangarona masaklèan bhāi."

Sarēna sè asa-gessa toro' djhalān padā saklangkong ghoematēna, mèlana ta' èkrassa, onèng-onèng ampon èpangghi nattolla ka Bāngkal.

Èghika'ijā Wirjo mangghi rèng-orèng lakè' padā èmo' long-mapolong rē-karēna pō'-tjompō' sè katonon. Sabānnè bādā sè mèkol perrèng, ladjhoe èbā'sèbā', sabānnè bādā sè ngarkar aboe, njarè'-è rāng-bhārāng sè tabhendem. Wirjo sareng nèngalè tjompō'na ampon karè aboena, aèng tēngalla ta' kēngēng taghennè, krettegghā atēna: „Adoe, bādhlunna sara bārija! Ontongnga tatangghā sè padā bellās, djhā' anoa pas nompēnga kamma ana' binēna tja-kantja sè padā katonon bengkona rēja kabbbi.

Eh, tjakang ongghoe orèng Bāngkal: rēja' sè alalakon sampè' tenguga malem ghi' ta' amboe, aghābāj neng-kennengngan panga-obhān. Mon terros dā'rijā, ngara ta' ella' bārāmpa mēnggoe agghi, èdjinna' masè la adjhārekdhjegghāna polè bengkona. Eh, sanjatana orèng la'dinna' la rokon ongghoe."

Nalēka Wirjo kēr-pèkkèran kadhi ghāpanēka. SALÈ pas abālā ka tja-kantjana, djhā' pèssēna sè èpatoro' ka Wirjo ampon èlang èkello' apoj sadhādja.

Katjatora sareng sè ghādhoeān mèreng berta bāb èngghānēka, sakalangkong sossana, atēna akadhiā sè ètombhak sareng ghentong. Dhinèng sè èkasamboe'-samboe' orèng, Wirjo mè' pas bhoeroeāna ambhākta kerrēssa kalowar dāri kampongnga, sarengngan pèssēna ma' ta' èbhākta sakalè, halla saeddjegghā ta' onèng ambhākta'an kerrēssa, sanarè ka'kamma'a, sabāb èngghi kerrès ghāpanēka sè andjāgā pèssēna. Mangkana rèng-orèng sè ghādhoeān obāng pas dhāmmang matoro' pèssè dā'ka Wirjo, èngghi amarghā ampon jākin, djhā' kerrès sangkolan èngghārowa onèng nolak kabhalāi tor polè sareng sè ghādhoeān ampon tanto ta' kēra èpakalowarè dāri tjompō'na. Kabidhān rèng-orèng sè ghādhoeān obāng manglo dā'ka Wirjo, amarghā pèssēna sè èlang, djhoeghā sareng èpèkkèr on-laonan, bekkasanna pas nēser, sarēna èlangnga pèssēna tanto ta' kēra klabān èma'a. Laèn dāri èngghānēka, bhārāngnga Wirjo tadā' sè katolongan sèttonga kanan, rāng-bhārāngnga dhibi' ghi' bānija' sè ta' èkello' apoj.

Ta' abit ladjhoe bádá orèng ambhákta pettè kennengngannèpon panjèmpennanna obàngnga Wirjo sareng tja-kantjana èngghàrowa. Sareng rèng-orèng nèngalé pettè bhoeroe, panjanana obàngnga tanto ghi' slamet, molana pettè ghápanèka pas èghàribbhoeng orèng bannja'. Djhoeghá rèng-orèng sè ghádhoeán obàng sadhádja padá karè angghàribbhoeng, pettèna ampon al-saèl, amarghá trè-pattèna lotjot sadhádja; pèssè kertassa ghemmet èkello' apoj, namong karè long-lolongnga bisaos. Pèssè potèna ngalèllè, dháddhi salaka lantaghán. Wirjo ngotja' dá' rèng-orèng sè pada angghàribbhoeng èghika'ijá: „Tang tja-kantja kabbhi, parkara èlangnga pèssèna djàrèja tadá' laèn sè sala, kadjhábhá sèngko', dháddhi sèngko' sè katempoan, molana sèngko' wádjib angghantè'è pèssèna bá'na djàrèja kabbhi.”

Èantarana rèng-orèng sè aghàribbhoeng ghella' bádá orèngtowa kasorang njambhidhi otja'na Wirjo: Wirjo, bá'na la djhá' sa-sossa mèkkèrè tang pèssè so pèssèna tja-kantja rèja kabbhi, sabáb èlangnga ta' krana ètengngèt. Molana tjè' ta' pantessa, mon sèngko' sakantja'an pas mènta'a ghantè ka bá'na. Edálem katjalaka'an arèja salana bá'na tadá' laèn, tjoma dári korang tè-ngatèna sè pas ngébá kerrèssa èntar akolemma ka dhisa laèn, laèn tadá'. Molana, Jo, engko' sakantja'an djhá' èngghán radjána pèssè sadjhámpel, sakètèng nèng-tonnèng ta' kèra mènta ghantè, sèdà la djhá' tek-potek parkara djàrèja. Tjoma sèngko' sakantja'an satèja andi' pamènta ka bá'na, ijá arèja: sakalè boedina bá'na sopadja amarèana sè ngébá'an kerrèssa djàrèja kalowar dári kampong dijá; pandá', Jo, la'-tella'ana sakalèan tèja bhái bá'na sè njèkep kerrèssa djàrèja, sanaddjhán èntara adjhálán kamma, sabáb ontong-kalèrra kampong dinná' báda è kerrèssa bá'na djàrèja!”

Wirjo ngotja' polè: „Pandá', tja-kantja, parkara djàrèja la djhá' palandjhäng polè. Sarrèna satèja ghi' bannja' sè èlakonana, kemma sè ghi' maddhegghá bengko, kemma sè ghi' maddhegghá dápör so lombhoeng, bhängo' madjoe dhoeli alalakon bhái mè' ollè lekkas kennèng kennengngè. Satèja ta' ollè dör-makendör lako, sabáb maddhek bengko sapolo koren rèja bännè pangghábáján dhá-kèndhá, sarta kodhoe marè dálem sabátara mènggoe. La'rijána sèngko' la bhoenga ngatèla' bá'na kabbhi sè alalakon ambhá' patè. Tjoma tang pamènta ka bá'na kabbhi, sènga', amboei sè mèkkèrè sèngko' bän pèssèna bá'na sè èlang; parkara djàrèja mo-tenmo èboedi, bilá bengko rèja la marè kabbhi.”

Saamponna Wirjo marè tja-ngotja' sapanèka, rèng-orèng sè bhoeng-ghàribbhoeng ladjhoe molaè apangghábaj polè, kantos ghi' lagghoe potè tèmor. Kalagghoeännèpon sak-rosaghánna tjompo' sareng dápör sè katonon ampon marè èpo'-tompo' sadhádja: è kennengngannèpon ampon kèngèng paddhegghi tjompo' anjar polè.

Dhinèng amboena rèng-orèng sè alalakon namong bádjána asa-

rabhan sareng neddha bisaos. È baktò neddha'a, sè alalakon sadhādja pas akompol, namong Wirjo kabidhanna ta' poron apolong, sabab abā'na ghi' sossa, djhoegha sareng epol-apol kalabān kalēboenna, pas poron noro' neddha. Saamponna marè neddha rēng-orēng ēngghānēka pas molaē alalakon polē.

VI.

Kaghātēan sareng kadjhoedjhoerān.

Katjatora rēng-orēng sè padā alalakon maddhek tjompo'anjar, sèjang-malem sasat tadā' amboēpon. Èlalem samēnggōe tjompo' sè sapolo koren kantos dā' daporra sasat ampon marè sadhādja, kennengngannēpon è telassa tjompo' sè katonon. Rēng-orēng sè padā nompēng è tjompo'na tatangghāna ampon padā ngallē sadhādja dā' tjompo'na sè anjar bang-ēbang. Namong binēna Wirjo ghi' taksè badā è tjompo'na tarētanna è Ghālaghā, sabab Wirjo ampon asangghoep ngonēana samarēna maddhek tjompo'na.

Ta' ella' saponapa arē kantos ka lombhoeng sareng pakarangan-nēpon ampon ranta sadhādja. Sarengngan lombhoengnga ta' kosong, ampon aēssē padī, baberri'na orēng Bāngkal sè slamet dāri apo'. Kalerressan rēng-orēng è kampung Bāngkal padā bānija' ollēna padī, mēlana ta' ēman sè lowanga ēkabhadhi sandhekkā sakadharrēpon. Dā-padā lombhoeng anjar sè nja'-bānija'an ēssēna padī, lombhoengnga Wirjo, amarghā ta' namong rēng-orēng Bāngkal bisaos sè padā ēnga', somēlē tja-kantjana è dhisa Ghālaghā padā noro' ater sakadharrēpon. Pakakassa tjompo'na ēngghi ampon badā doe ta' saē kadhī dhingēn, sabab kas-pakakas dhadhingghānnēpon māna ampon ghemmet ēkello' apōj sadhādja.

Sareng tjompo'ēpon ampon marè, Wirjo pas agher sè ngonēana ana'-binēna, sabab saabiddhā alaēn, ollē teddha dāri ghā-tatangghāna. Manabi terrosa sapanēka bisaos, abā'na ta' senneng; abā'na ēngghi arassa, djhā' ghā-tatangghāna sè aberri' teddha sareng ēhlassa atēna, djhoeghā tja'ēpon pēkkōrra Wirjo ghi' asennengngan neddha bādhalā (kasabbhā) dhibi'.

Sareng ampon ollē pa'bhellās arē abiddhā dāri sè katonon. Wirjo ladjhoe asoroan orēng ēntar ka Ghālaghā, abālā dā' sè binē', djhā' abā'na lagghoe' sè ēkonēana. Dhinēng è arē ghāpanēka Wirjo njabis dā' towan bessarra pabbrik ghoelā Soeko-Widi, bhādhi masēwa'a sabāna. Pokol sabellās abā'na ampon badā ēadā'na kantorān. Èghika'ija apangghi sareng rēng-orēng sè padā njēwa'aghia' sabāna djhoeghān, bānija'ēpon langkong dāri sēket orēng. Wirjo abit sè ngantos ghilirāna, sabab bānija' orēng sè dātengdjhāng dhingēnan.

Sareng ampon nattel da' ghilirannépon WIRJO, abá'na pas étem-
bháli kadálem kantoran. WIRJO lebbhoe sambí adijhalan nengkon.
Édalem kantoran éngghanéka báda Towanna (Balándhána) kadóe-
wá padá ngadá'i mēdjá, sé éattassa possa' sareng bang-dhaloelāng
polé pōssē. WIRJO sadjān ngangsek kaadā', ladjhoe njemāna.
Towan bessar pas maréksa: „Apa bá'na sé anjama ARMOEDIWIRJO?”

WIRJO: „Éngghi, Towan bessar.”

Towan bessar: „Sabāna bá'na la maré éokor, étemmolékhā
kabbhi nem bhāoe (4½ H.A.) lebbi bāloeng roe, apa ija?”

WIRJO: „Manabi éngghi, Towan bessar.”

Towan bessar: „Sarrēna sabāna bá'na kennengunganna djhāoe
dāri pabbrik, dhāddhi sēngko' ta' bangal njēwa larang. Apa
ébaghi so sēngko' éswā'á 180 ropēja kabbhi?”

WIRJO: „Bhoenten, Towan bessar, ta' éatorraghi, sabāb djoen-
nan-dhālem njēwa da' orēng laennépon 40 ropēja sabbhān sabbhāe,
dālem sataon, dhāddhi manabi nem bhāoe 240 ropēja. Djhoeghi
sarrēna sabā dhi-dhālem kennengungannépon nambhān dāri pabbrik,
sareng dhi-dhālem éatorraghiá 220 ropēja dālem sataon, djhoeghi
mabi perdjhāndjhian, Towan bessar”

Towan bessar: „Perdjhāndjhian apa?”

WIRJO: „Sabā dhi-dhālem épasēwā'á dālem tello taon abātrē-
pon, sarengungan manabi báda belāssépon djoenan-dhālem, dhi-
dhālem terro njo'ona séwāna masakalēan.”

Towan sé kadóewá sareng mēreng atorra WIRJO bhoeroe, pas
padá aghellā kak-ngalakak. Ta' abit Towan bessar atanja polé:
„Saeddjheggā sēngko' ghi' ta' tao ngēdangan pardjhāndjhian
mara djārēja. Apa bá'na ta' tao, djhā' pabbrik rangrang namēn-
nan tebbhoe terros dālem tello taon é séttong sabā, laēn djhākhā
mon sabā djārēja talébat langhoena?”

WIRJO: „Sabā dhi-dhālem, Towan bessar, saklangkong lan-
dhoeépon sarengungan kennengunganna semma' ka aēng.”

Towan bessar: „Ija, sēngko' partjadjá ka otja'na djārēja. Nan-
gēng apa sabābbhā, bá'na ma' pas mēnta séwāna sabāna
sakalēng adā', bāb djārēja édinna' ghi' ta' tao kadjhālanān.”

WIRJO pas adhoengēng dāri kabitdhan kantos da' bekkassanné-
pon bāb tjompo'na sé katonon, sareng kaparloanna obāng séwāna
sabāna éngghanéka.

Towan bessar: „Ó, mon bārijā'á bá'na laku orēng djhoedjhoer
ongghoe. Ija mara sēngko' atolonga. Nangēng mon dālem on-
sataonna dhibi'na mēnta 220 ropēja, sēngko' ta' bangal. Tang
kabāngalan sabbhān taonna tjona 200 ropēja, dhāddhi dālem
tello taon 600 ropēja, nangēng kodhoe ngangghoej pardjhāndjhian
kéja. Sarrēna dhibi'na ghi' kowat, saabiddhā sabāna épasēwā,
dhibi'na mostē ngoli ka pabbrik. Rassa sēngko' dālem ré-sarrēna
dhibi'na tanto ollé opa mon sabāloeng tji otabā sadjhāmpel
bhāi.”

WIRJO pas ngotja' „ëngghi" bisaos, sarrëna abä'na onëng, sanarë mënta'a tambä polë, sareng Towan bessar ampon tanto ta' kera ëberri'.

Sareng ampon dhaddhi, towan sëttonnga pas ambhadhi sorat pardjhändjhiän (kontrak) bäb parsëwä'an sabä ëngghänëka. WIRJO onëng nolës në'sakonë', mëlana sareng kontrak ampon marë, pas ëtëken. Saamponna, pas narëma obäng sëwäna sabäna, bännja'-ëpon 600 ropëja. Sareng ampon salëssë sadhdjä, pas palëman. Kabidhän WIRJO aromasa soghi ghädhoeän obäng sapanëka bännja'-na, djhögghä sareng ëmot, djhä' pëssëna ëngghänëka bhädhi tadä'ä dälem sabätara eddhäm agghi', abä'na pas sossa; sareng-ngan sabäna dälem tello taon abittëpon këngëng kotja' ta' noro' ghädhoeän.

Toro' djhālän WIRJO ngennes mëkkërë kabädä'ännëpon bhädhanna, së pas kadhi ghäpanëka; lantaranna namong däri ambhäkta kerrëssa akolemman ka dhisa laën. Dhingën sabelloenna mangghi kabhälai, abä'na ë Bängkal kabiläng örëng soghi, serrëng atatolong ka sasamana, mëlana ëadjhinë örëng bännja'; samangkën pas tabhalik sakalëng adä', ta' andi' pa-ponapa tor pas ngoli ka pabbrik; manabi ontong tjokop ëteddhä saana'-binëna sareng abä'na dälam rë-saarëna; mangka abä'na ghi' terro malessa dhädhä dä' tjä-kantjana, së ampon atatolong dä' abä'na kalana mangghi kakalëran. Bhärang dhädhingghälän däri örëng towaëpon ampon tadä' sadhdjä, kadjhäbhäna kerrës posakana. Engghi ontongnga abä'na ghi' ghädhoeän djikar sëtton sareng kerbhoej sapasang, së bhädhi nolongana njarë ëngonna dhibi' sareng ana'-binëna. Dhinëng parkara kerrëssa ghi' ta' ëpangghi pangaro bhoentenna, saamponna mangghi kabhälai.

Manabi së ghädhoeän ampon koko kapartjadjä'ännëpon ka kerrëssa, djhä' onëng nolak bala', tandhäna: sareng ëpakalowar däri kampongnga sakeddhjä' bisaos, tjompö'na dhibi' sareng tjompö'na tatangghäna pas ladjhoe katonon. Bäb panëka së mabhegghär atëna WIRJO. Pëkkërä: manabi obängnga ëngghänëka ampon marë ëdjärbädjarraghi ka tjä-kantjana, pas ngonëana ana'-binëna, saamponna ladjhoe ngabidhänä ngoli dä' pabbrik, kantos tello taon abittëpon.

Sarrëna abä'na kabit däri ghi' lagghoe mola ta' ëëlbhhoenë pa-ponapa, mëlana pas arassa lapar; ladjhoe todjoe' ë bäroeng ëseddhi'-ëpon pabbrik, neddhä. WIRJO së neddhä abäk bännja', amarghä ampon marë sossa, djhögghä manabi ëbhändhing sareng dhingënnëpon, sabelloenna mangghi kakalëran, tangë katangarannëpon pëkkerra sareng njamanna paneddhäna. Däri olattëpon bisaos nalkennalanna ampon onëng, djhä' WIRJO ghi' bhoeroe marë kasossa'an.

Saamponna marë madjäri kabellina teddhäna pas palëman; nattolla ka Bängkal ampon bädjä pokol empa' lem-malem. WIRJO pas terros ëntar angghäntë'ë së-pëssëna tjä-kantjana së ëkello'

apoj, mala kantos sè aroba bharang ghaliän ètempoè saarghana djhoeghan. Tja-kantjana sadhadjä padä tatjengnga', nengalè Wirjo sè pas ghadjhoeän obäng sapanëka bännja'ëpon. Bab panëka anjata' aghi, djhä' Wirjo dhäsar djhoedjhoer atëëpon, sabab saopama ta' angghantëana, sè ghadjhoeän ta' këra apa-panapa. Sarenggan polè pëssè sèwana sabäna ghäpanëka djhä' èangghoejä dhibi', sarrena abä'na mangkën ghi' ghadjhoeän bännja' kaparloan, ghoe ta' lan-kong saè. Djhoeghä ta' poron, sabab nempoè pëssëna orëng èngghänëka sareng Wirjo èangghiep wadjib. Rëng-orëng sè ghadjhoeän obäng ampon narëma parkara èlangnga obängnga èngghänëka, sabab akadhi Wirjo, èkotja'a nengnet matjalaka'a tja-kantjana, panëka ta' ollè dhaddhi. Mëlana sè ghadjhoeän obäng karebbha ta' nampanana bälina obängnga, djhoeghä kareppëpon Wirjo ta' këngëng pëllang. obäng masè ètarëma; tja'ëpon, manabi ghi' ta' ollëa mabäli pëssëna tja-kantjana sè tanoro' èkello' apoj, abä'na ghi' ta' marem. mëlana bekkasanna sè padä ghadjhoeän obäng ghellem djhoeghan nampanè bälina obängnga, nangëng mabi pardjhandjhiän sapanëka; manabi Wirjo mangghi kasossa'an pa-ponapa, tja-kantjana atatolonga soro djhä' tolak.

Rëng-orëng panëka tadä' sè onënga ka djhalanna Wirjo sè pas ollè pëssè 600 ropëja, sarrena abä'na ta' tja'-ngotja' ka tja-kantjana, djhä' èngghänëka ollëna masëwä sabäna; sabab tja'na pëkkërä, manabi tja-kantjana onëng, djhä' pëssè sè bhadli ghantë ghella' ollëna masëwä sabäna, ampon tanto padä ta' poron nampanè. Parkara panëka sè onëng namong SALE, djhoeghä ètjo-pattjo, sopadjä ta' alä'-bälä'a ka ra'pasëra'a, sabelloennëpon pëssëna marè èdhoe'oem dä' tja-kantjana.

Mëlana kalagghoeännëpon SALE pas akanthä dä' rëng-orëng sè padä ghadjhoeän pëssè, manabi Wirjo sè ollè pëssè 600 ropëja èngghänëka, margha masëwä sabäna ka pabbrik Soeko-Widi abittëpon tello taon. Tja-kantjana sareng mërëng báb èngghänëka sadjanè atambä nëserra ka Wirjo, sabab dä-padä orëng Bangkal abä'na dhiingën sè ghi-soghian tor èormadhi orëng, mangka samangkën pas ngoli ka pabbrik. Tja-kantjana ampon rodjoe', sè mabaliä obang èngghänëka, sopadjä këngënga angghoej Wirjo dhibi', djhoeghä Wirjo matëfteng ta' poron nampanè, otja'na sapanëka: „Ella, dhina, tja-kantja, parkara pëssè djrëja la tegghoe' bhäi, sabab sapa tao, pola paghi' dhibi'na mē' nemino alangan apa bhä'apa, ma' ta' posang rë-sarëan polè; ella, la tjëlëngë bhäi!”

Kalagghoeännëpon ghi' beng-rëbeng Wirjo ampon mangkat dä' Ghäläghä, ngonëana sè binè' sareng na'-ana'na. Sarrena djikar sareng kerbhoëjädä bädä è tjompo'ëpon èparra, abä'na adjarat bisaos. Pramëla mangkat èpapettengngë, sopadjä nattola ka' kassa semmo lagghoe. Toro' djhalän Wirjo njarè akal, kadhi panapa sè abälä'a dä' sè binè', báb sabäna sè èpasëwä kantos tello taon, sopadjä sè binè' ta' takerdjähdhä.

Pokol sanga' ampon nattol da' Ghalagha. Aba'na senneng nengalé ana'-binéna épangghi barás salamet tor ropá'pon ampon élang sossana.

Sareng ampon padja apolong sadhádja, Isla pas ngotja' ka trétanna: „Endjá', insja Alla bhárángna bá'na sè ékello' apoj lekkas báda ghánténa. Poe apa, bengko la andi', sabá báda ban polé ghi' andi' djikar sò kerbhoej. Dhinéng parkara padj bá'na ta' osa sa-sossa, sèngko' sè aberri'a. Paghi' bila padjina la dhaddhi ban bánnja' olléna apaanjé, sabágián pas djihoewal réléré, ollé padjoe larang. Padjoena djaréja ghoe ta' pas kennéng kabelli kas-pakakas? Laén dari djaréja kaka' ta' jja ghi' namenna bhako? Rassa sèngko' ngala'aghi ka olléna kroso' bhá, ráng-bhárángna djaréja masé la abália.”

Binéna Wirio senneng méréngngaghi otja'na trétanna, méléna sadjané addhireng sè palémána, sabáb agher nolongana sè laké' alalakon. Djihoeghá kabhoenga'annépon éngghánéka pas élang sakaléng adá', sareng Wirio atotoran, djha' sabána ampon éséwá'aghi ka pabbrik dalem tello taon, sarengngan séwana ampon tadja', maré édjár-bádjarrághi ka tjá-kantjana, ménangka ghánténa pésséna sè épatoro' ka abá'na. Wirio pas ngotja' ka sè biné': „Pon dhina na, sanaddjhan sabá épaséwa ka pabbrik, ta' dhaddhi napé, anggher boelé ollé angghantéle pésséna tjá-kantjana bhá até pon senneng.”

Saéstona sè biné' ghi' ta' onéng, manabi pésséna tjá-kantjana tanoro' ékello' apoj, méléna sareng méréng kabar bab ghapanéka abá'na sanget tapadjadja'pon. Djoeghá sanaré sabána ampon épaséwá ka pabbrik sareng lakéna, abá'na sabbhár bisaos.

Dhinéng pamangghina Isla, Wirio éangghép tadjihoedjihoer dhingén, sabáb sanaddjhan abá'na ta' angghantéana pésséna tjá-kantjana sè élang, ampon tanto sè andi' ta' kéra ménta balina, krana élangnga ta' klaban éma'a: sarengngan polé sanaré nempoana sakalé, lerressa éjtétjél ghan sakoné', sabáb paséra onéng ébingkèng aré abá'na pola ma' parlo ngangghoej élang.

Wirio ngotja' ka éparra: „Djha' sakénga boelé ta' mabáli péssé ghanéko, engghi ta' apé-napé, napé polé madjar njétjél sè ta' olléa. Nangéng, boelé pas ta' njaman neng-enneng mon ta' dhálá'a angghantéle. Mon sanonto boelé pon senneng, sabáb pon ta' andi' baberrá' ka oréng; dhigghál maské sabá boelé épaséwá kabbbi ka pabbrik, ta' ékanapé; parkara sè ékaéngona boelé ngoliá bhá. Namong néko' panjo'on boelé mandhár épa-réngana slamet, kowadhá alalakon, mé' ollé lekkas báda ghánténa ráng-bháráng sè empon katonon.”

Sè biné' sareng méréng otja'na lakéna sapanéka péndjha' ollé radjá até, ladjhoe ngotja' ka trétanna: „Ghi' Wirio réja' haal parkara élangnga bhárángnga, sèngko' polé. Sarréna satéja la naré', sedjdheng djha' mangkadhá mé' ollé éder-mabhen-der édjissa.”

Saamponna marè neddha' tor kerbhoelijá ampon marè ékai', WIRJO saana'-binéna pas paléman. Sabelloennépon mangkat WIRJO ta' loppa ngotja': tje' perragghá ka éparra laki'-biné' atas kasa'-annépon, sè ampon soddhi ngampé trétanna sareng kanponakanna.

VII.

Kampong Bångkal mangghi katjalaka'an polè.

Katjatora WIRJO saana'-binéna sè paléman, bádjá rop-sorop arè ampon nattel da' Bångkal. Sè biné' éngghál toron dári djikarra, amarghá tje' agherrá sè terro nengalana tjompo'épon sè anjar. Tjompo' éngghanéka sa', djhoeghá manabi étèmbhang sareng sè dthingén, tangé sè njapo'a. Pakakassa ghi' tadá', sarenggan ghi' ta' ékorap bhálaka. Edálem romana namong bádjá lèntjagghá dádóewa' sareng mèdjána sèttong. Dhinèng kas-pakakassa sè dthingén, akadhiá: pettè kadjoe, kennengannépon njèmpen obáng sareng bhäräng ghaliin, rëng-përéng kembhangan, kèrtjangkèrra sareng si-bási, sadhádjá ampon padá tadá' ékello' apoj. Sè biné' pas todjoe' é lèntjagghá. Sareng nengalé tjompo'épon sè kèngèng kotja' tadá' èsséna sama sakalè, pas arassa tje' mellassa, ladjhoe njaptjap aèng tèngal. Dthingén é romana bádjá lampoe ghántongnga sè tóra', samangkén aghántéan dbámar tjonglèt. Na'-ana'na éngghi sossa djhoeghá nengalé tjompo'na pas bännéan bän sè dthingén. Na'-kana' éngghanéka ta' ngarté apanapa räng-bhärängnga ma' pas aghántéan sadhádjá. Randjäng kadjoea, katédóengannépon na'-kana' ghellá', samangkén aghántéan lèntjak dádóewa', sè namong alaina' tóker salambär sareng abhántal sèttong ébäng, mangka dthingénna toman tédóeng é kasor. Bádjá ana'na kasorang atanja ka emboe'na: „Emboe', arapa bengko rëja ma' pas bännéan bän ghi' bilán?”

Emboe'na sè ghi' beng-rembeng aèng tèngal, njambhit:

„O, tjong. bengkona sè bilán, sè bhäghoes arowa bän kas-pakakassa kabbbhi la tadá', ékello' apoj, sèngko' so emma'na satéja talébat malaraddha.”

Na'-ana'na WIRJO tadá' sè ngartéa, panapa sè ékotja' „malaraf”, sabáb rëng-orèng é kampong Bångkal molaé dthingén mola tadá' sè malaradhá, sadhádjá padá kop-tjokop. Saamponna marè adon-djandon, na'-kana' éngghanéka pas padá tédóeng é lèntjagghá ékelloné emboe'na: dhinèng WIRJO ghi' neddha' kerbhoelijá é kanjhängnga. Sareng ampon marè, pas lebbhoe ka romana. Sa-

maré sè biné' ampon lèng-ngalèng sè nangès, tako' mè' èpangghi sè laké', djhoeghà WIRJO onèng, djhà' binèna sossa, nangèng neng-enneng bisaos. Sareng sè biné' nèngalè lakèna lebbhoe ka roma, pas djhaghà sarta ladjhoe ngala' sobbhhoeghan dāri tarak-taggha, bhādhi atana'a, djhoeghà sareng sè laké' ta' èbāghi, otja'na: „Empon dhigghāl djhā' atana', boelā so dhika sanonto èsoro ngakan è bengkona SALE. Naddhā djhā' kō'assa'a, mè' ollè sambī ngēlangngaghi sossa!”

Saamponna na'ana'na ampon padā njēddhā sadhādja, WIRJO sareng binèna pas èntar ka tjompo'na SALE. Sanattolla ampon mangghi teddhā'an maré èsadjihi, mèlana pas terros padā neddhā apolong. Sareng ampon maré, sè biné' ladjhoe ngrèngkessè rēng-perèngnga, dhinèng sè laké' ghi' asa-gessa sambī kō'roko'an. SALE pas ngotja' ka WIRJO: „Sèngko' la atotoran dā' rēng-orèng sè la padā narèna bālina pèssèna, djhā' pèssè sè èbādjarraghi djārèja, ollèna bā'na sè njēwā'aghi sabāna ka pabbrik. Tja-kantja kabbhi padā nēser ka bā'na bhāreng ngēding bab djārèja. Sanja-tana tja-kantja djārèja kabbhi sèttonga tadā' sè andi'a èngeddhān, mènta'a bālina pèssèna dāri bā'na, sabāb la padā tao, djhā' bā'na njandhāng kasossa'an kēja. Bā'na djārèja tadjhoedjhoer dhāiloe, Jo, sampé' èlakonè ngoli dhāghā tello taon”.

WIRJO njambhit: „Ella, ra, la djhā' ngā-ngènga'è parkara djārèja polè; noro' ghoelina tang atè sèngko' ta' ngennèng sè ta' bārija'a. Tebbāssa satēja sèngko' senneng, tjoma karè ngantos apa sè tebbā'a dā' sèngko' èboedi arè. Nangèng sèngko' partja-dja dā' basējaddhā mama', anggher ghi' bādā tang kerrès bhāi, sèngko' ta' kènè' atè. Emboe'na, dhābek djhā' molèa, pon malem! Ella, Lè, jā, sèngko' molèa, la malem; kaso'en dāri sèngko' sè èri-berri'l.”

SALE: „Ijā, sèngko' bārija kēja. Pola bā'na la-kala mè' parlo pa-apa, la djhā' ghoeng-tangghoeng dhoeli asoroan kanna', sapa tao pola sèngko' kabhenderrān ngennèng atatolong.”

WIRJO: „Endja', sèngko' la ta' sèkkō polè, djhā' mènta'a tolong pa-apa ka bā'na, sabāb bā'na, bārinna' kēja tja-kantja laènna la engangghèp rēng sorang.”

Saamponna maré apamēdhan, WIRJO sareng binèna ladjhoe palēman; sanattolla pas terros tēdoeng.

Kalagghoēannēpon ghi' petteng WIRJO saana'-binèna ampon padā ngēding sadhādja. Abā'na pas terros ka kandhāngnga, neddhāi kerbhoejjā, dhinèng sè biné' ngodi'i apoj, atana'a ghā-seggghāna lakèna sareng na'ana'na. Ra-kēra pokol ennem, WIRJO sareng ana'-binèna ampon padā asarabhān. Sanarè WIRJO ghi' ta' arassa lapar, djhoeghā sè neddhā èpabādānè, sabāb bhādhi alalakona è sabā kantos bheddhoeok. Saamponna maré asarabhān, WIRJO pas adjhālān ka sabā, sè ampon ètodhoeaghi mandoeer pabbrik, sambī nonton kerbhoejjā bhādhi anangghā'a. Ra-kēra

pokol sapolo bādā towan sinder kasorang dāteng, mariksa pangghābājānnēpon Wirjo. Towan panēka saklangkong senneng, nēngalē saēna klakoannēpon Wirjo sarta pas ēalem, mēlana abā'na sē apangghābāj sadjān bhādjheng. Bādjā bheddhoek binēna ngērēm nasē' ka sabā asareng ana' lakē'na sē wa'towa'an, ra-kēra omor sapolo taon. Mēlana kana' ghāpanēka ēbhakta, sopadjā laēn arēna, emboe'na ta' mambhoeā ngērēm dhibi', tjokop ana'na bisaos. Prappa'na neddhā, Wirjo atotoran dā' sē binē', manabi ēalem sareng towan sinder amarghā saēna kalakoannēpon, sarengngan abā'na kēngēng laot pokol empa', dhādhi ghi' ollē alalakon ē tjompo'na sakeddjhā'.

Sareng Wirjo marē neddhā, sē binē' sareng ana'na pas palēman, sabāb tako' sē andhingghālā ana'na sē laēn bit-abit, sanarē ampon marē ēpatoro' dā' tatangghāna. Pokol satengnga empa' kalakoannēpon Wirjo ampon marē sarta ladjhoe palēman. Sanattolla ka tjompo'na, sabelloenna alalakon laēna, abā'na ghi' ngrabdhi kerbhoejjā dHINGEN, sabāb kēbān ghāpanēka sē alalakon ē sabā satengnga matē, mēlana kodhoe ērabdhi bi' saē. Saamponna marē neddhāi sareng ngēnomē kerbhoejjā, bhoeroe Wirjo pas alalakon laēnnēpon, akadhiā: andhāndhānē kas-pakkas tanēna sē ampon rosak, angghāngsē arēna ana'na sareng salaēnna. Bādjā rop-sorop arē bhoeroe amboe sē njambhoet ghābāj. Saamponna marē neddhā, Wirjo pas tēdoeng; sakēng lessōēpon sē apangghābāj saarē bhentēng ambhā' patē patēdoengnga kadhi sē ēbhāntēngngaghi. Sapanēka kalakoannēpon Wirjo ē rē-saarēna. Djhoeghā sanarē abā'na sē alalakon abhāntēng abā', ropāēpon bheggār bisaos, sabāb opana tjokop ēteddhā sareng ana'-binēna dālem rē-saarēna. Sapanēka djhoeghā der-sinder pabbrik saklangkong senneng nēngalē kabhādjhengngan sareng kasāēannēpon kalakoanna Wirjo, mēlana serrēng ngalem, andhādhiāghi radjāna atēna Wirjo.

Sabbhān arē saplēmānnēpon Wirjo dāri kalakoanna bādjā pokol empa', sanattolla ka tjompo'na ladjhoe gher-mogher kadjoe, ēbā'-sēbā', ēkabhdhi kadjoe tono. Djhoeghā kennengngannēpon ka'-bhoengka'an sē ēpogher ēngghānēka ladjhoe ētamennē beltana wā'-boewā'an, sopadjā sapaghi'na kēngēng kala' asēlla; ta' antara abit ē pamengkangnga ampon bānnja' beltana wā'-boewā'anna sē ē-saē. Kadjhābhā dāri ēngghānēka Wirjo ambhādhi bhoen-kebbhoenan nē'-kēnē', ētamennē ngan-ghānganan, sareng ghāl-tongghālēpon. Sareng pakarangannēpon ampon ranta, pas molaē ambhādhi pakakassēpon tjompo'na, akadhiā: korsē sareng mēljā dāri eppak, djhāngka' dāri perrēng sareng erra'; saamponna pas ngorap tabingnga tjompo'na.

Katjatora bā-sabāna pabbrik sē bhādhi ētamennana tebbhoe ampon ranta sadhādijā, mēlana rēng-orēng lakē'-binē' pas molaē namen bibit ēghika'ijā. Ta' antara abit bit-bibit ēngghānēka ampon

paɔa tomboe sadhadja sarengngan paɔa loek-dhoe-loek. Sareng towan sinder ngoladhi tomboena bhit bhit bhit ē sabā gharabhanna Wirio saklangkong saena, pas ngotja' djiā' da-paɔa kebhoen tebbhoe ē bhāba pabbrik Soeko-Widi, kebhoen gharabhanna Wirio ongghanēka sē palēng saē.

Sareng ampon osom nebbang, Wirio pas ngangko' tebbhoe ka pabbrik, sē djiāoena rakēra pardjhalanan saeddjham. Ontongnga abā'na ghadhoean djikar sareng kerbhoelj, sē kēngēng ēka-sareng njarē kasappēpon. Leres kerbhoelja ongghanēka kabilang kawat, djihoegha djikarra ta' ēboewa' tebbhoe kantos sarat, sabab sē ghalāhoean aromasa nēser da' boe-obocannēpon; doe manabi ēbhāndhing sareng boewādhamnēpon kar-djikar laēna, djikarra Wirio sē nja' bānija'an boewādhamnēpon. Sarrēna Wirio ghi' bhoeroe sakalēan mangkēn sē mowa' tebbhoe ka pabbrik, melana sanget ghetton sareng mēreng, djiā' djikarra, kerbhoelja, boewādhamna, la-mala kantos ka rēng-orēngnga sakalē, bhādhi ētembhāng. Ta' abit kantjana ngotja' sapanēka ka Wirio: „La mara, bā'na maso' kaadā', nangēng djiā' pas terros, amboe eartas ghalādhak arowa ghalloe!”

Wirio ladjhoe materros djikarra, manāhek ē ghalādhak. Samangkēn abā'na onēng, djiā' ghalādhak bhoeroe bannē ghalādhak bja-sa, djihoegha saēstona tēmbhangan. Namong saparngēdhep abittēpon djikarra sareng saēssēna sadhadja ampon marē sē ētembhāng. Sambi matoron boewādhamna Wirio apēkkēr sapanēka: „Bārāmma sē ētemmoa djiā' bārāmpa berrāddhā tang boewādham arēja? Parlona djikar saēssēna kabbi sē ētembhāng, ta' ija' terro taoa bārāmpa berrāddhā tebbhoena? Mon barija bhāi masa ētemmoa, sabab berrā'na kerbhoelj sō djikar rēja sēttong bān sēttongnga la tanto ta' paɔa.”

Saamponna marē ambhoengkar djikarra, Wirio ladjhoe abāli, ēngghi lēbat ē ghalādhak sē ghellā' polē. Sareng, nēngalē djikarra ētembhāng, Wirio pas apēkkēr sapanēka: „O, ija', mon barija la tanto bhāi sē ētemmo berrāddhā tebbhoena.”

Sarrēna Wirio nētēnē ghoe-ongghoe bāb tēmbhangan ghellā', melana pas ngartē, manabi berrāddhā djikar sareng boewādhamna ēka' (ētjengklong) berrāddhā djikarra sē kotong, karē berrāddhā boewādhamna malolo, ēngghi panēka tebbhoena.

Sareng djikarra ampon marē ētembhāng, Wirio pas adjhalan terros. Toro' djihālan pēkkēra sapanēka: „Bhāghoes ongghoe pakakas arowa. Melana towan sē andjāgā tēmbhangan ghellā' pas tao bhāi, djiā' berrāddhā tang boewādham 20 pēkol, dhaddhi tjetjok moso tang pangēra: mon barija sēngko' ta' ētjo-kotjo.”

Sapanēka pangghābājannēpon Wirio, salandjhangnga arē mowa' tebbhoe ka pabbrik, melana lakona kerbhoelja sanget malarattēpon. Bāɔa djihoegha kebhoen tebbhoe sē nambhan ka pabbrik tor djihāanna lēbat ē djihālan dhisa sē rosak, njangsara manabi

èlèbādhi djikar; kerbhoej manabi lèbāt èghika'ijā, sè narèk djikar tjen-prettjennan, sabāb sapèsan dāri hērā'èpon boewādhān, doe kalèna amarghā rođāna djikarra assrèng tatjellèt ka tjellèt, kantos kettjem ghān to'ot. Dhjoeghā sadhādājāna kerbhoej bhoenten ta' èpanaròk ros-terrosan bisaos, bādā kalana dhjoeghā èpaamboe, èngghi panèka manabi nglerressè ngantos kar-djikar sè laèn, sè ghi' ètèmbhāng; sabāb bānnja'na sadhādājā korang langkong sèket djikar. Sabādājā djikar ghellā' pas boe-amboe èadā'èpon pabbrik. Ghādhoëāna WIRJO èngghi sapanèka dhjoeghān. WIRJO ta' loppa sè neđdhai kerbhoeijā tor sambi èènomè, sarengngan polè saandhina ètèngghā'i lala' ladjhoe èngala'aghi rantja' sè bādā dāoenna, èkabhādhi ghā-agghā. Dā-padā padjikaran sè mowa' tebbhoe, WIRJO sè tèn-paratènan ka boe-oboeānnèpon; èngghi dhjoeghā parkara panèka ta' angghettonnaghi, sarèna WIRJO apangrasa djhā' boe-oboeāna èngghānèka sè atato long abā'na njarè kasap sè ètèdđhā sareng ana-binèna. Djhā' sakèna abā'na ta' ghādhoëāna kerbhoej, ampon tanto kaclangan kasappèpon; mèlana abā'na saklangkong kaprotangan dā' boe-oboeāna èngghānèka. Rangrang WIRJO mòkolan kerbhoeijā, panapa polè kerbhoeijā dhibi' èngghi ampon toro' otja'. Anèna kerbhoeijā ghāpanèka, dhi-kadhiā sè ngartè dā' kareppèpon lorana. Engghān mèrèng kasa'na lorana bisaos. kopèngnga pas tek-kotegghān; dhinèng manabi lorana aberri' tandhā sakonè' bisaos, opama noddjhoenè èpasangana pangonong, kerbhoeijā pas adhekkong, terros nondoe'.

È nalèka sèttong arè bākto boe-amboe, WIRJO asa-gessa sareng tja-kantjana èadā'na pabbrik. Ta' abit pas bādā kantjana kasorang atotoran, manabi è dhisa Tjlorèng patana semmo nambhan dāri ghika'ijā, bādā kerbhoej ètjapo' panjakè' „salèkarang" *); panjakè' ghāpanèka sanget bhābhādājāna.

WIRJO semmo takerdjhāt mèrèng totorra kantjana bhoeroe, ladjhoe atanja sapanèka: „Apa èdina' bādā kerbhoej dāri dhisa Tjlorèng?"

Kantjana njambhit: „Bānnja', arowa ta' djikar dāri dissa."

WIRJO ngotja' polè: „Wa, djārèja lalodjā. Sènga' bi' tèn-ngatè bhāi bān djāgā, djhā' kangsè kerbhoeijā bā'na ngakan rebbhā rè-karèna kerbhoej djārōwa. Bā'na taoa, panjakèt djārèja talèbāt nolarè. Ontong sèngko' andi' tambhāna, pètodhoena mama' ghi' odi'na; nangèng tambhā djrèja mon terro njokodhā. kerbhoej sè èkennèng panjakèt kodhoe ètambhāi ghi' sabhoeroenna. Saopama kerbhoeijā sèdā ètjapo' panjakèt djārèja, li-dhoeli bhāi èntar ka bengko. La' bārijāna mandhār èdjhāoeaghiā bhāi, ta' ijā?"

Saamponna marè adon-djandon parkara panjakèt, ladjhoe teppa' dā' ghilirānnèpon djikarra WIRJO sè ètèmbānga. Mèlana WIRJO

*) Dālem bhāsa Blāndhā ènjamaè: *mond- en klauwzeer*.

bi' djkarra pas adjhālān ka ghalādhak tēmbhāngan. Sareng djkarra ampon marè èbhoengkar pas abāli polè dā' kenneng-nangnēpon orèng nebbāng, ngangko'a tebbhoe.

Bijāsaēpon WIRJO manabi palēman pokol empa' lem-malem. Sanatolla ka tjompo'na, kerbhoejjā pas ērabādhi kadhi sabbhān-nēpon, saamponna bhoeroe njambhoet lalakon laēnna; pandā' maskè è po'-tjompo' tadā' neng-ennengnga.

Prappa'na WIRJO alalakon pas katamojan SALÈ asareng Tjēna kasorang anjama LI A SIE. Tjēna panēka dhāghāng soghi, tjompo'ēpon è kottā. Dhiנגēnnēpon WIRJO serrēng adjhoewālān bhākona ka Tjēna bhoeroe.

SALÈ ngotja' ka WIRJO: „Jo, Tjēna rōja mellè paḍi dā' rēng-orēng la'ḍinna' sarta ella dhāddhi arghā; tjoma satēja karè angko'anna ka kottā; sarrēna tja-kantja laēnna satēja ghi' paḍā rēpot angghārāp sabāna, bā'na apa ta' kobher djhā' ngangko'-aghiā?”

LI A SIE ladjhoe njambhoengē sapanēka: „Sokkor dhika ghel-lem bhāi, embādjarā lebbi ḍāri pabrik.”

WIRJO pas mēkkèr: „Masè njaman, sabāb pabrik satēja ta' kakorangan djkar; dhāddhi mon ghoen sēngko' bhāi sè ta' ngangko' tebbhoe, ngara ta' kēra dhāddhi katēṭṭēranna lako. Laèn ḍāri djārēja, sarrēna satēja bādā panjakēddhā ēbin, mon tang kerbhoej ēḍālem sapolo arè ta' ma'-semma' dā' kerbhoej laēnna, tanto ta' kobātèr ètolare panjakèt.”

Saamponna marè apēkkèr sapanēka, WIRJO pas njambhit: „Èngghi, ba, kaelā poron, djhoeghān manabi sampējan dhām-mang, kaelā ngabidhāna lagghoe' ghi' agghoe sakalè.”

LI A SIE sakalangkong bhoenga, amarghā sè mangghi orēng sè ngangko'a paḍina. Saamponna marè nodhoeaghi kennengnang-nēpon paḍina sè bhādhi èangko'a. LI A SIE pas palēman mompa' ḍokarra.

Sareng WIRJO ampon amboe sè akon-lakon, pas èntar aḍon-djandon ka tatangghāna, todjoe' kong-nēngkong è pēnghir djhālān. Dhinēng sè èkadjandon èngghi bāb panjakēddhā ēbin èngghārowa. Sareng ampon ra-kēra ollè satengnga eddhām abittēpon sè asa-gessa, sadhā palēmāna, WIRJO pas ngotja' ka tja-kantjana: „Pola mi' kerbhoejjā sēḍā sakè', dhāddhiā sakè' apa, sēḍā la djhā' pasengka polè èntar ka sēngko'. Anggher ta' sampi' kasēp bhāi, insja Alla sēngko' tao nambhāi.”

Saamponna marè aberri' nasēhat sapanēka, WIRJO pas palēman. Na'-ana'na ampon ēpangghi tēḍoeng sadhādja, namong karè sè binè' ghi' tos-antosān ḍātengnga lakēna. Sareng WIRJO ampon ḍāteng, ladjhoe neḍḍhā lakè'-binè'.

Saamponna marè neḍḍhā, WIRJO ladjhoe abālā ka sè binè' bāb sè ngangko'a paḍina LI A SIE otja'na: „Boelā ngabidhi

lagghoena bhāngo' ta' alakoa ka pabbrik dhalloe, krana ghellā' lem-malem boelā ngēding berta, djhā' bādā kerbhoej ghering, dhāddhi mon kerbhoej boelā epakompol so kerbhoej ghānēko pon tanto sē ēallē'ē. Napē polē boelā pon adjhāndjhi ka bābā Li A SIE, bhākal ngangko'aghāi paḍina ka kotṭa sarta ombhāllā aradjān so dāri pabbrik."

Saamponna marē aḍon-djāndon Wirjo sareng binēna ladjhoe paḍā tēdoeng. Kōra doe eddjām Wirjo sē tēdoeng, pas takerdjhāt, amarghā arassa mēreng kasa'na kerbhoejjā, ta' pegghā' sē njē-monjēan. Pangrasana dhi-kadhiā sē amēmpē, djhoeghā saamponna marē tjek-kotjegghān tēngalla, ladjhoe djhāghā sarengngan pas terrang, djhā' monjē ēngghānēka monjēna kerbhoejjā. Pēkkēra sapanēka: „Monjēna apa bhā'nēngan arowa. Bāddhinna tang kerbhoej ēkennēnga panjakēt?" Ta' talangkē polē abā'na pas alontja' dāri katēdoengannēpon, terros kalowar, djhoejdjhoek dā' kanḍhāngnga kerbhoejjā. Sanattolla ka kanḍhāng. kerbhoejjā pas ēlos-ellos; kerbhoejjā atolē ka lorana, pas amonjē, monjēna dhi-kadhiā sē bādā ēkasakē'. Wirjo sanget kobātērra, atēna dēk-gūdegghān kantos ta' teppa' mandjheng, tako' kerbhoejjā mē' matē. E malem ghāpanēka kalerressan tjellep, Wirjo ngetter amarghā katjellebbhen. Sambī po'ngopo' kerbhoejjā, apēkkēr sapanēka: „Ngara tang kerbhoej la ētjapo' panjakēt salēkarang arowa. Nalēka apolong so kerbhoej sē bānnja' ghellā' ēadā'na pabbrik, ngara kerbhoej rēja ngennēng ngakan rebbhā rē-karēna pakanna kerbhoej sē la gherring. Djhā' rēja' rebbhāna ta' lowang bhār sakalē. Bāddhinna sēngko' la tjaka'a polē? Marēna bārāmma? Mon lakar kerbhoej arēja ēkennēng panjakēt, la tanto laēnna, ē kampong la'ḍinna' bhākal katolarana kabbi. Ngara katjalaka'an arēja katoro'anna tang okoman, sē ngēbā tang kerrēs akolemmān ka Ghālāghā arowa. O, Alla, mandhār ēngghālā ēlang kasossa'an bhādhān-kaelā, tor moghā ēngghālā aghāntē kabhoenga'an, Ghoestē! Sala tjompo' bhādhān-kaelā kantos saēssēna sadhādja ampon katonon, panēka' aboc-ēmboe kerbhoej ampon kēngēng panjakēt. Mandhār ēngghālā ēparēngē bārās ja Alla!"

Teppa'na modjhi sapanēka. Wirjo ngosap aēng tēngalla, sē ghāghhār ta' ēkarassa. Ta' abit sē binē' njosol ambhāktā dhāmar. Wirjo sareng njolōē djhilāna kerbhoejjā, njatā djhā' kerbhoejjā leres kēngēng panjakēt. Abā'na pas ngotja' ka sē binē': „Nadḍhā dhoeli ghābājjaghi djhāmo. Napē, praghina pon bādā, tjoma karē andhellāna bhāi. Lambā' mama' segghoet andjhāmoē kerbhoejjā sē sakē' bi' djhāmo ghānēko, robāna djhoejdjhoe bhāi."

Sē binē' pas ngodi'i apoī, sē lakē' ngaratjēk djhāmo. Sareng ampon marē ladjhoe ēandhel ēbādḍhāi tjētē. Sarrēna apoīja radja, sakeddjhā' bisaos djhāmona ampon ngalkal, bāoena njaregghā' dhāddhi sadāpor; saamponna ladjhoe ēsēlēn ka pennaj, ēpatjellep. E malem ghāpanēka djhoeghā kerbhoejjā ladjhoe ētjontangē djhāmo

kantos tello kaié. Saamponna marè édjhanoé, Wirjo pas ghoeck-magghoeck eseddhi'na, sambí kèr-pèkkèran, bhá' kadhi panapa kadhadhiannèpon, manabi kerbhoejjá pas matè.

Samalem bhentèng Wirjo sareng sè binè' ta' njèddhá tédòeng, noghoei kerbhoejjá è kandhàngnga, sabáb nèser sè édhhigghál-laghiá. Kettègghá atèna sapanèka: „Mon tang kerbhoej matè, makamma so sèngko' èkembhàngana sarta èobbhàràna mènjan. Nangèng endjá', mandhár èparèngana slamet landjhànga omor kanan. Sè ella kadjhàlànán lambá' ghi' bádjána mama', anggher ta' kasèp bhái, tambhá rēja tadá' bálina. Bân polè, mandhár kerrès rowa bhái ambherkadhiána, taoa nolak kabhàlái arēja, báramma sè ella kalakon.”

Saamponna marè kèr-pèkkèran sapanèka, ladjhoe njontàngè djhàmo kerbhoejjá polè. Ta' antara abít dheng seddhengnganna arè ampon njomar, djhoeghan sarrèna kalerressan ondem, arèna ta' katèngal, alam ropè kadhi atèna Wirjo. Gha-tatangghana ampon ngèra, djhá Wirjo tanto mangghi kasossan, amarghá sabbhannèpon, manabi ngèding ghi' lagghoe, pas terros apangghabáj è tjompo'na. Mangka è bakto ghapanèka è tjompo'na saklangkong seppè, Wirjo èpangghi bádjá è kandhàngnga kerbhoejjá sambí doe'nondoe', dhi-kadhiá sè sanget sossana. Pèk-kèrra tatangghána sapanèka: „Arapa bhá'nèngan Wirjo arowa? Apa sakè' amarghá sè alalakon mlarat, ma' kongsè tatèdoeng édissa? Koddhi édjhaghána on-laonan: „Wirjo, Jo!” Wirjo ladjhoe andjhengngat terros njandher ka tatangghána, sè djheng-mandjheng è paghàrrá. Tatangghána ngotja': „Tja' sèngko' sèdà mè' sakè', Jo.” Wirjo njambhit: „Endjá', nangèng tang kerbhoej satèja sakè'.”

Tatangghána: „Apa, kerbhoejjá sèdà, sakè'?”

Wirjo: „Ijá, bári' lem-malem sèngko' ghoe ta' adon-djandon parakara panjakèddhá èbin sè allèan arowa. Lã, malemma mè' dháddhi tang kerbhoej pas ètjapo' panjakèt djrēja. Ijá, dhoelat sèngko' dhoeli ngèding sarta pas dhoeli entambhá. Satèja la bádjá pèndhá'na.”

Ghá-tatangghána sè padá mèrèng báb èngghànèka, padá nèser dáka Wirjo. Saamponna marè adon-djandon, rèng-orèng bhoeroe ladjhoe adjhàlàn ka sabána. Sabannè, sè ghi' bhoeroe mèrèng kabhár, sabelloenna èntar ka sabána, njandá Wirjo dhingèn. È arè ghápanèka ampon tanto Wirjo ta' ngennèng èntar alalakon. Djhá' alalakona dhibi' èngghi kèngèng, nangèng ta' tégghá sè andhingghálá kerbhoejjá.

È bádjá lem-malem Li A Sie pas dáteng ka tjompo'na Wirjo. bhádhí nangrosa marghána Wirjo sè ta' neptebbhi djhándjhina. Dhinèng Wirjo sareng nèngalè Li A Sie dáteng, ladjhoe ngotja' ka sè binè', sopadjá atoghoeá kerbhoejjá è kandhàngnga, sabáb abá'na mangghánna tamojja. Ta' abít Wirjo pas maso' ka ampèrra, ampon

mangghi Li A SIE lang-nèlang kerrès sangkolanna, sè èpakaè' è tabingnga bengkona. Lie A SIE ladjhoe atanja ka WIRJO sambì semmo sedjhi: „Bärümma dhika ma' ghi' ta' ngangko' paði kèja?”

WIRJO njambhit sambì mandheng ka kerrèssa: „Djhā' dhāddhi ghālina saos, ba, mēlana kaoelā mangkēn ta' ngangko' kaghoeinganna paði, sabāb kerbhoej kaoelā ampon molaè malemna ghering. Antos bisaos sabātara arē agghi', ba!”

Baba: „Ngantosa sabātara arē agghi'? Njaman ghānēko. Anapè dhika mē' ta' ngoboe kerbhoej doe pasang?”

WIRJO: „Kaoelā ta' kowat sè mellēa. Kaoelā ta' ghādhoeān obāng.”

Baba: „Ta' andi' pēssē? Anapè ma' ta' kerrèssa anēko bhāi djhoewāl? Doe ghābājā napè dhika ngoboe kerrès nēko, sapēsān bānnē angghoejjā dhika, kapēng doe wā'na kerrès nēko ta' pantēs bādā ēko'into, patoddhā ēkaandī' orēng soghi. Pon naḍḍhā ēbelliā boelā bhāi, ēbāghiā brāmpa?”

WIRJO: „Ba, kerrès panēka sangkolanna mama' kaoelā, kaoelā sama sakalē ta' ghādhoeān ēngeddhān maondhoerā kerrès panēka. Sapēsān sangkolān, doe kalēna manabi kaoelā maondhoer kerrès panēka sasat matē'ē abā' dhibi', ana'-binē sareng ēssēna dhisa Bāngkal sadhādjā.”

Li A SIE: „Djhā' boelā'ā, bhāngō'an ēdjhoewālā bhāi, sabāb kerrès nēko tjatjat, tanghāna: kabidhān bengkona dhika katonon, sanonto nēko' kerbhoejjā ghering. Pon naḍḍhā bi' boelā ēkala'a saratos ropēja, sakēng boelā pon karē lēboer.”

WIRJO: „Sanarē bādā'ā nabar sēboe ropēja sakalē, sareng kaoelā ta' kēra ēdjhoewāl.”

Li A SIE: „Empon, na, djhā' dā'into, marēna mon kerbhoejjā ghānēko matē, pas napè sè ēkabelliā polē. Naḍḍhā bi' boelā ēkala'a 150 ropēja; ēbāghi napè enten. Kēra boelā orēng laēn ta' kēra bādā bāngal nabār saghānēko.”

WIRJO ladjhoe sedjhi amarghā sè èpaksa èsoro andjhoewāl kerrèssa, sambiddhā: „Pandā', ba, sanarē kaoelā sareng ana'-binē kaoelā matēa salang lompō sakalē, kaoelā ta' kēra andjhoewāl kerrès panēka.”

Li A SIE: „Mon, bārinto engghi empon, nangēng dhika sēnga' mē' kasta kaboeḍi. Tja'na pangrasa boelā, boelā pon sedjheng larangnga sè nabār kerrèssa ghānēko, doe dhika ghi' matēttēng ta' maghi bhāi. Bān polē boelā ēntar ko'anto nēko enten ta' parlo dā' kerrèssa ghānēko bhāi, boelā agher paði sè dhoeliā napa' ka kōtta; marēna bilā dhika sē mola'ana ngangko'?”

WIRJO: „Manabi kerbhoej kaoelā ampon saē sadhādjā.”

Li A SIE: „Marēna bilā ra-kēra kerbhoejjā sè bārāsā?”

WIRJO: „Ta' onēng, ba; doe kēra kaoelā masē ta' abidhā polē. Nara sapanēka bisaos: samangkēn arē Sēmōn, ta' ēngghi?

Ampon, pa'bheliás aré agghi' saos kaoela mola'ana ngangko' kaghoenganna paði."

Li A SIE: „Napè, pa'bheliás aré agghi'? Marèna barumma, sabáb kapal sè mowa'a paði ghanèko pon karè samènggoe sè datengnga."

WIRJO: „Parkara ghapanèka kaoela ta' onèng. Pandjā', korang dāri pa'bheliás aré, kaoelā ta' kèngèng ngangko', sabáb kerbhoej kaoelā manabi ta' tjè' saèna ongghoe, bi' kaoelā ta' èpalakoa rā'-berrā'."

Sarrèna Li A SIE ra-kèra bhākal ta' mangghia djikar laèn polè kadjhābhā djikarra Wirjo, dhādhi parmènta'anna Wirjo pas ètorodhi. Saamponna marè apardjhāndhiān, Li A SIE pas palèman nompā' dokar. Toro' djhālān pèkkèra sapanèka: „Endjā'na Wirjo arowa mè' djā-partjadjā ghālloe', djhā' kerrèssa djārèja sè tao masalamet abā'na. Nangèng orèng Djhābā la sasat kabbi sè partjadjā ka kerrès, lebbi-lebbi mon kerrès djārèja sangkolan. Tja' sèngko' mè' èkennènga belli dā-moḍā. Marèna sanaddjhān sèboe ropèja tja'na ta' èdjhoewālā. Nangèng elloe' so sèngko' èkalana laèn, sabāb sèngko' tjè' terrona sè ngaandjā' kerrès djārèja."

Sareng Li A SIE ampon palèman, Wirjo ladjhoe abāli ka kandhāngnga polè, andjhāmoe kerbhoejja. Abā'na sareng nèngalè kerbhoejja poron neddhā nè'-sakonè', saklangkong pèragghā, kantos abā'na dhibi' noro' arassa lapar sakalè, sabāb kabit mèreng kerbhoejja gherring. ta' èlebbhoenè pa-ponapa sakalè, mala aroko' saos èngghi bhoenten. Mèlana saamponna marè neddhā, ladjhoe aroko' bhoel-sebbhoelān. Bādjā lem-malem kerbhoejja ampon kèngèng njanaè saè, sè ghādhoeān lakè'-binè' sanget bhoengana sarengungan pas asokkor ka Ghoestè Alla. Ropaèpon djhāmo (tambhā) dhādhingghālān mama'na mandhi ongghoe.

Katjatora è bādjā malemma Wirjo njeddhā sè tēdoeng, djhoe ghā djā-ta' bādjā djhāghā, parlo andjhāmoe kerbhoejja. Kalag-ghoeānnèpon ghi' petteng Wirjo ampon ngèding, ladjhoe terros ka tegghāl, njarè oen-dāoenan sè èkabhadhiā ratjèghānnèpon djhāmōna kerbhoejja, sabāb tjadhānganna ampon tadā'; dhinèng sè noghœi kerbhoejja sè binè'.

Pokol sabellās Wirjo ampon dāteng. ollèna oen-dāoenan saghāroendjhoe. Sanattolla ka tjompo'na ladjhoe èdjhèmmor. Kerbhoejja ètèngalè ampon sadjān saè. Sareng tja-kantjana è bādjā lem-malem palèman dāri sabāna. sadhādja pas padā njepper ka tjompo'na Wirjo, terro onènga, kadhi panapa kabādā'annèpon kerbhoejja sè gherring. Sareng onèng, djhā' kerbhoejja ampon saè sadhādja, paplèmanna ladjhoe padā arasanān, djhā' tambhāna Wirjo èngghinèka sanget mandhina.

Ella' sabatara aré kerbhoejja ampon kèngèng èdthingghāl alalakon. Sanarè abā'na ta' bannja' ollèna opa, èngghi ta' apanapa, anggher kerbhoejja saos saè, sabāb opāna ghāpanèka tjokop ètèddhā saana'-binèna. È naèka sèttong aré bādja ghoe-lagghoe, kalana abā'na

alako ka kebbhoen tebbhoe, ladjhoe èolok kantjana kasorang: „WIRJO, Jo, kanna', ra, sakeddjhá', tang kerbhoej rēja' laghoena nè-bánnéan so kerbhoej laènna, bhá' arapa ongghoe?”

WIRJO takerdjhat, sabáb tja'na pékkerra, mon ètjapo' panjakèt, tanto sakèng kaalléan dári kerbhoejjá dhibi'. WIRJO pas èntar nèngalé kerbhoejjá kantjana bhoeroe, sarta atanja: „La kabit bilá sè kanta rēja?”

Kantjana njambhit: „La molaè ghi' kaðoemalemmanna rowa sè ta' endá' ngakan, tja' sèngko' mè' ta' apa-rapa.”

WIRJO: „Panjakèddhá kerbhoejjá arēja semmo sara; dhoelat pas dhoeli ètemmo. Dhálloe' antos sakeddjhá', sèngko' ghi' ngala'a tambhá.”

E aré ghapanéka WIRJO ta' tolos sè alako ka kebbhoen tebbhoe, sabáb sareng nèngalé dháng-kandháng laènna, njata djhá' bánnja' kerbhoej gherring. Mèlana ladjhoe asoro aghábáj tambhá sè abák báñan ka binéna, sabáb panjakèt èngghanéka asalla dári kerbhoejjá dhibi'. Kalagghoeännépon bhoej-kerbhoej è kampong Bångkal ampon sasat paðá gherring sadhádjá, kantos rèng-orèng sè gháðhoeán paðá kobàtèr. Manabi kerbhoej sè gherring ghápanéka pas paðá matè sadhádjá, ampon tanto sè gháðhoeán sossa radjá, amarghá èngghi ghápanéka kantjana alako è sabá, njaré kasap, èteddjhá sareng ana'-binéna. Lantaran ghápanéka WIRJO samangkèn saklangkong rèpot kantos ta' sempat alako dá' kebbhoen tebbhoe, mala djhándjhina dá' LI A SIE ènggharowa kantos sèsèp sakalé. Sè atalong ka tja-kantjana klabán ongghoe até, ta' ngètong lessona bháðháña, sabáb abá'na jakèn, djhá' kerbhoejjá tja-kantjana sè gherring èngghánéka amarghá katolaran kerbhoejjá dhibi'. Rè-saaréna WIRJO sasat taðá' tjokhána sè andjhámoe kerbhoejjá tja-kantjana. Sanaré bánnja'èpon kerbhoej sè gherring langkong dári sabidhák, djhoeghá sèttong taðá' sè ta' mèloa tambhá. Bhoententa' sadhádjána kerbhoej sè ollé tambhá dári WIRJO pas paðá saè, sè matè djhoeghá baðá, èngghi panéka kerbhoejjá kantjana kaðoewá, amarghá kasèp ta' dhoeli ètambhá'aghi. Dhinèng sè ta' matè, dalem pa'bhellas aré bisaos ampon bánnja' olléna. Kabit dári naléka ghápanéka tambhána WIRJO sadján atambá kalonta kamandhián-népon. Ampon tanto bisaos rèng-orèng sè paðá gháðhoeán kerbhoej sè ampon saè, sanget kaprotangannépon dá' WIRJO.

Kaotja'a kerbhoej è dhisa laèn, sè paðá ètjapo' ghágherring, sè matè aloesénan. Sareng WIRJO ampon baðá lagghángna sè ngaladhiné bhoej-kerbhoejjá tja-kantjana sè gherring, bhoeroe molaè ngangko' paðina LI A SIE. Ta' antara abít paðina LI A SIE èngghánéka ampon maré èangko' sadhádjá. Suamponnépon WIRJO ladjhoe ngabidhi alako ka pabbrik polé. Ébá sapanéka manabi LI A SIE mellé pa-ponapa è kampong Bångkal sè parlo èangko' sareng djikar, WIRJO djhoeghán sè mowa' ka kotja, sabáb LI A SIE

èngghänëka ampon alangghänan, sarengngan polë bängal madjär larang.

Katjatora è kampong Bängkal samangkën ampon para' osom anjè polë. Djhoeghä è bäkto ghäpanëka sasat tadä' mella'na arë. Sëjang arë malem odjhän bisaos, tadä' amboena, kantos bännja' paði sareng bhäko sè paði rosak, andhädghiaghì sossana sareng pakëboena rèng-orèng sè ghädhoeän. Sabäb: paðina èantossaghiä ka tadä'na odjhän tako' amë' bännja' sè rosak, èanjëa, paðina ghi' belloen konèng kontjo' kanan. Abä-tambä soksok è kangan katjërta bäsabäna, manabi kalerressan odjhän, aèngnga kantos ngampak, ngellebbhi paði sareng bhäko. Kabädä'än è nalëka èngghänëka bhidhä sanget, manabi ètëmbhäng sareng è taon sè tapongkor.

È nalëka sëttong arë bädjä ghoe-laggheoe lër-këlëran orèng lakë', binë' sareng na'-kana' sambì djhoeng-këdjhoengan, paði èntar ka sabä, anjëa. È bäkto ghäpanëka odjhänna ta' kadhih terrang, kantos bhäko sareng paði paði ronloe sadhädjä. Mëlana rèng-orèng sè ghädhoeän sabä paði ngëra, djhä' ta' bännja'a ollëna apaanjë.

Sareng arë molaë tëra', ondem molaë sërjang, di-paði è sabä saparo sè tërep; manabi tamennan bhäko robbhoe sadhädjä. Tja'èpon orèng wa-towana dhisa Bängkal saeddjheghä ghi' ta' onèng osom anjè kadhi è bäkto ghäpanëka apessa. Mangkën paði ollëna anjè djhä' engghän èdijhoewäl, tjokop èteddjhä sataon bisaos ampon ontong. Panapa polë bhäko. Ontongnga rèng-orèng Bängkal bädä sè ghi' naro pëssë, èngghi panëka ollëna adijhoewäl paði ghi' nalëka taon sè tapongkor. Djhoeghä sè loemra, manabi ta' osom anjè, ta' ghädhoeän obäng. Parkara panëka ampon adhättëpon orèng Djhäbä sè kabännja'an. Saëstona orèng Bhoemë panëka ta' patë ghädhoeän èman sareng ta' patë prëmpen, ta' patë ghellem kër-pëkkëran landjhäng. Dälem bab parkara panëka ampon dhi-kadhiä na'-kana' kënë'. È baktona mangghi kaontongan sareng kasennengngan, pas ta' mëkkër ka arë boedjina. Sënga' manabi pas mangghi kasossa'an, pas posang sè rë-sarëan. Sapanëka djhoeghä babätëghä rèng-orèng è dhisa Bängkal sè kabännja'an.

WIRJO ngotja' ka binëna: „Bärämma, lë', mon empon mara nèko kabädä'änna? Dhoelat boelä dhoeli angghantë'è pëssëna tja-kantja ghärowa, djhä' anoa bärämma? Èbä sabarinto sè andi' pëssë karebbhä ta' endä'ä narëma bälina pëssëna, sabäb tja'na pangrasana abä'na empon soghi. Sanonto rèng-orèng ko' ijä kabbhi paði njandhäng sangsara, sabäb osom anjè sanonto langngë' so bhoemë mon èbhändhinga so sè pon-empon. Djhä' sakënga boelä sampë' sanonto ghi' ta' angghantë'è pëssëna tja-kantja ghärowa, sëra tao, pola sè andi' më' pas angö'ngö'an sarta boelä pas èkotja' orèng djhoebä', sabäb sanonto paði nemmo kasossa'an

kabbhi. Èbä sabärinto boelä sanonto maskè ta' èpokol, djherrä'ä ongghoe ngèbä'än kerrès anèko, sanaddjân ko'amma'a; pandä' kerrès nèko èpadhädhiä patoghoena bengko bhäi, sabäb boelä ènga' ka bäsèjaddhä mama', bärinto: „Mon kerrès djärèja èsabä' è bengko bhäi, tjong, artèna ta' èkèbäi dä' ma-kamma, tanto beng-kona so dhisa dinna' terros ka èssèna kabbhi bhäkal kaparèngana kaontongan bän kaslameddhän.” Rassa boelä kampong ko'ijä masè sampè'a doe taon sè kakorangan, nangèng perkara ghänèko dhika ta' osa sa-sossa, anggher rèng-orèng ko'ijä bhä-djheng alalakon tor prèmpen bhäi, kèra boelä masè ta' èka-rassa'a, nangèng mon tadä' tjatjobjhän anjar dáteng polè. Dhika ta' engghi pon tao dhibi', napè marghüna boelä so dhika ma' sampè' mara nèko bädäna. Djhoeghä pon dhigghäl, nadhähä padä pasabbhär bhäi. Bhäli' dhika pabhänter panjo'onna ka Ghoestè Alla, malar mandhär kanèspa'an so kamlaradhanna boelä so dhika dälem tello taon nèko dhoeliä èparèngana ghäntè kamoldjä'än bän kasennengngan, sabäb dhika pon tao dhibi', djhä' Ghoestè Alla nèko ta' aotang parnjo'onanna omaddhä, nangèng bärintoa, lè', nadhähä sambi èchtèjarè apangghäbäj, sopadjä panjo'onna ghänèko èkabbhoeläna, djhä' pas neng-enneng bärinto bhäi.”

VIII.

Akal djhoebä'.

Kaotja'a WIRJO sè njarè èngonna ana'-binèna rè-saarè sasat ta' man-plèman è sabä. Rèng-orèng sè padä nèngalè, tanto ghädhoe-än atè nèser, sabäb abä'na dhingèn kabiläng soghi tor èormadhi orèng, samangkèn ladjhoe ngoli saarè bhentèng, sè alalakon ambhântèng abä'.

Ghi' taon sè tapongkor, sarrèna tja-kantjana padä adjhoeloe padä nè'sakonè' èbäng, dhädhi WIRJO ollè long-molong pèssè, èngghi panèka karèna sè èteddhähä dälem rè-saarèna, mèlana sè binè' ollè tè-ngotè pakakas tjompo', akadhiä: lampoe ghäntong, kasor pès-tèpès sareng èn-laènnèpon.

Djhoeghä è taon mangkèn sabäna ta' klowar hasèllèpon. Ar-ghäna padä sareng bherräs larang; bherräs sè djhoebä' kantos ennem otabä pètong ropèja sapèkolla. Tja-kantjana WIRJO è Bängkal kantos dä' Ghäläghä tadä' sè kobäsa'a njombhâng bher-räs otabä padä ka WIRJO polè, krana padä kakorangan dhibi'; sè èteddhähä dälem sataon ghi' ta' tanto djhä' mangghi. Bäländjhäna WIRJO è rè-saarèna sadjân atambä, mèlana mangkèn ta' kowat mellè angghoejjä ana'èpon sareng räng-bhäräng kaparloan è tjom-

po'na bhlāka. Djhoegha bāb panēka sareng WIRJO lakè'-binè' ampon ta' ēkasossa sama sakalè, tjoma modjhi ēbingkèng arè bisaos mandhār pangorèbhānnèpon ēparèngana tjokop. Podjhina panēka ēbingkèng ēngghi kabbhoel, djhoeghā sabelloenna abā'na mangghi kaontongan sareng kasennengnan. ghi' ēghāndjhār kasossa'an dthingen.

Ra-kēra ella' tello boelān dāri osom anjè, WIRJO sareng towan pabbrik ēpalako ē kebbhoen tebbhoe ēseddhi'na eppos (ebbra') Katapan, lerres ē ghir sèrèng. Kennengnan bhoeroe nambhāna dāri tjompo'na ra-kēra pardjhālānan saeddhām, mēlana sabbhān lagghoe, manabi mangkadhā dā' klakoannèpon, WIRJO ambhākta sango nasè'. Kabidhān WIRJO sè anangghālā ē kebbhoen tebbhoe ghellā' asareng orèng doe polo, sabab sabā ēghika'ijā lēbārrā langkong 40 bhāoe. È rē-saarēna rēng-orèng sè anangghālā korang ghān kaḍoewā katello. WIRJO hēran, mēlana lajihoe atanja po-napa sabābbhā. Kantjana atotoran, djhā' rēng-orèng sè amboe anangghālā, amarghā sakè' panas tjellep. WIRJO sareng mēreng otja'na kantjana, pas ngēra, djhā' kennengnan ēghika'ijā tanto ta' saē hāwāēpon, mēlana pas gāt-egghādhen, sabāb kobātèr takō' amè' anglo djhoeghā. WIRJO sanget terrona sè ngallēa dāri ghika'ijā, sabāb kabit alako ēghika'ijā manabi malem serrèng lo-njelloan tjètak.

È nalēka sèttong arè sapalēmanna dāri kalakoannèpon, WIRJO arassa ta' njaman abā'. Karebbhā abā'na ta' tja'-ngotja'a ka sè binè', djhoeghā binēna onèng, djhā' lakēna ta' dhāmmang, sabāb rangrang djandonna tor tēngalla abāk tjelkong. mangka ghi' ri-bāri'na ta' sapanēka.

Sè binè' semmo sossa, lajihoe atanja: „Dhika napè ta' dhāmmang, engghi, Jo?”

WIRJO takerdjhāt mēreng patanjana binēna. amarghā abā'na terro ngalēnga; djhoeghā pas njambhit: „Engghi, tjètak boelā njello, ngara polana ghellā' alalakon ē panassa. Nangèng enten ta' apè-napè; kēdi' ēghibā tēdoeng bhāi, insja Allah ēlang.”

WIRJO ampon ta' njaman ēber sarengnan takō' sè njeddhinga aèng. È malem ghāpanēka abā'na ghi' bhāri' ampon mapan tēdoeng, mēmpēna ta' ro-karoan. Kalagghoēannèpon sadjhāghāna tēdoeng, abā'na ghi' arassa gheddhoer, djhoeghā ēpaksa bisaos ēntar anangghālā ka Katapan, sopprēna sopadjā porona kalowar pello sabāb tja'na pèkkèrra, manabi ampon mello, tanto pas dhāmmang.

Sanattolla dā' Katapan WIRJO mēreng kabhār, djhā' kantjana kaḍoewā, sè anangghālā ghi' mēnggoe sè ampon, malemma matè, lantaran anglo panas tjellep. WIRJO lajihoe apèkkèr: „La bhender ongghoe totorra orèng, djhā' kennengnan dinnā' rēja ta' bettjè' hāwāna. Djhā' rēja', orèng rās-bārās ghi' ta' tahan alako ēdinna', djhā' la sēngko' polē kowadhā. Nangèng dhina, arè tēja ēdjā'-kadjā'ā bhāi. Lagghoe' sēngko' njo'ona ngallē ka kenneng-

ngan laèn bhāi. Eh, sèngko' mandhar ta' gherringa bhāi, marèna mon sèngko' matè, pas sapa sè njarèaghiā èngouna sang ana'-binè."

Pokol sapolo towan sinder dateng, marèksa pangghabājannèpon WIRJO. WIRJO ladjhoe èntar, sabāb bādā sè èatorraghiā. Towan sinder sareng nèngalè WIRJO, pas atanja: „Bādā apa, WIRJO?"

WIRJO ngotja': „Moghā ta' dhāddhiā dhoekana pandjhenneng-ngan, towan, manabi sareng pandjhennengngan èédhinè, molaè lagghoeèpon kaoelā ta' anangghalā'ā èka'into polè, sabāb kaoelā mangkèn saki' panas tjellep. Dhinèng manabi ghi' èpaksa alako èka'dinto, ta' bhoenten polè panjakèt kaoelā sè atambā sanget; pasèra onèng, manabi andhāddhiāghi taladjāna, pas pasèra sè mèjara'a ana'-binè kaoelā, towan."

Towan sinder: „Bā'na noro' sakè' sakalè, Jo! sèngko' ta' ngèra sama sakalè, sabāb bhādhāna sedqheng barāssa. Mon bārijā Katapan rèja lakar ta' bettjè' ongghoe hāwana. Ghi' pa'bellās arè-anna sè alako èdinna' doe polo orèng, mangka sè bāras satèja tjoma karè kaennem. Mon dā'ijā tana rèja sakalè boedjina la ta' ètamennana polè."

Saamponna atodhoe kennengngan laèn ka WIRJO towan sinder pas ka kebbhoen laènnèpon. È arè ghāpanèka WIRJO sakalang-kong njello, tjètakkèpon akadhiā sè bhengka; kolè'na panas tor ta' poron kalowar pello. Sareng ampon pokol empa' lem-malem abā'na palèman ka tjompo'na. Toro' djhālān pèkkèrra sapanèka; „Dhoelat sèngko' la ta' osa abāli ka lèboenna panjakèt arowa polè. Mon kèdi' sèngko' njèddhā tèdoeng, tanto lagghoe' dhāmmang tor nge-nèng alako ka kebbhoen è paghoenongan. Edjissa hawana la tanto bhāi sè bhāghoes."

Djhoeghā èbādja' malem WIRJO ta' poron njèddhā tèdoeng, mèm-pèna ta' ro-karoan sarta ta' pegghā' njaramtjam. Sè binè' kantos takerdjhat, ladjhoe djhāghā atanja: „Apanè, Jo?" WIRJO pas noro' ngèding.

Abā'na amèmpè, apangrasa nèngalè bhādja' saklangkong radjā-èpon, tjolo'na anganga, ngolteggā abā'na. Polè apangrasa nèngalè matjan sanget nako'è, njarp kerbhoejja, pas èghidhing ka alas romboe. Saamponna marè kèr-pèkkèran mèm-pèna, pas ngotja' ka sè binè': „Lè, boelā ghi' bhoeroe amèmpè talèbat nako'è: dhoelat dhika pas ghā'-djhāghā'an djhā' anoa boelā atambā sara. Sanonto tjoma karè tjètak ghi' tjè' njellona, rassana masè bhengka bān gherroengan kerrèng, sabāb talèbat ardjhāng. Mèngkèn, ngala'aghi aèng, boelā terro ngènom!"

Sè binè' pas djhāghā ngala' ghendhi. Sareng WIRJO ampon marè ngènom, sè binè' ladjhoe aghāghā tjètaggā lakèna sambi ngotja' sapanèka: „Adoe, mè' tjè' panassa kolè'na dhika, Jo. Marèna bāramma?"

WIRJO: „Engghi boelā lakar arassa tjè' panassa. Kastana boelā sè endā' èpalako è Katapan. Djhā' sakènga boelā ta'

anangghälä öko'issa, tanto ta' kera saké' bärinto. Sakalé boedjina boelä ta' ghellemna mon ésoro alako ko'assa polé."

Ta' abít Wirjo pas njédjhá polé. Djhoeghá pas njarantjam, mala sambí atèng-bhántèng sarenggan njabána ngangsor. Sè biné' sanget kobätér, kantos ta' njédjhá tédjoeng; sè laké' ladjhoe ésapo'é mabi edjèk, érangkebbhi sarong, soepadjá porona metto pello. Sanaré ampon kandhel sapo'épon, Wirjo ta' kadhih metto pello sakalé, pagghoen bisaos ngobhállä kollé'na.

Kalagghoeannépon Wirjo djhaghá, pas kalowara, saddjhána èntara alalakon ka kebbhoen tebbhoe, djhoegha bettèssa arassa tadá' ora'na sarenggan tjétagghá kapèlengnen, mèlana ladjhoe marobbhoe polé. Abá'na sè saké' ampon ollé samènggoe, djhoeghá ghi' ta' saé, sè biné' sanget sossana, sabab lakéna takó' mé' maté. Ngabidhi robbhoe kantos pan-saponapan aré sè étedjhá è rè-saaréna tjokop bisaos, djhoeghá abít-abít, sarréna Wirjo ta' ngennèng alalakon, dháddhi ta' atampa pèssè sakalé, sèmpennanna tadá'; tja-kantjana padá nèsér mèkkèrè Wirjo sabhálana, djhoeghá ampon karé nèserra bisaos, sabab ta' ngennèng adjhoeloe pa-ponapa, amarghá padá kakorangan dhibi'. Wirjo dhibi' ta' dháddhi sè atampa'a loe-djhoeloea tja-kantjana, sabab abá'na onèng, djhá' kabádá'annépon èngghi ghi' dà-padána abá'na; otja'na ka sè biné' sapanéka: „Sènga', lé' pattjoan, dhika sama sakalé addjhá' nampané báberri'na tja-kantja nèko, sabab sanonto padá ta' ka-tjokobhán; napé polé ghi' bádjá bhäräng sè épaghádhiá, maské tadá' èngghi' djhá' tampané."

È kala sèttong aré badjá ghi' agghoe binéna èntar ka kottá, maghádhiá ghoej-angghoejjá. Sadátengnga dári kottá, pèssè olléna adhi-ghádhi ladjhoe ékabäländjhá, djhoeghá ta' kantos saponapa abid-dhá ampon tadá'. Saamponna pas maghádhi odhengnga sè laké', ladjhoe sarengnga dhibi', pas kalambhi tjellengnga na'-ana'na. Wirjo sè gherring ghi' tadá' pèndhá'na. Lerres panassa bhádhánna ampon èlang, djhoeghá manabi pa'bhelläs aré agghi' bisaos ma-sè ghi' ta' kèngènga alalakon, sabab bhádhánna ghi' gheddhoer, mala manabi terro ka' tèngka'ana, kodhoe atongkeddhán. Wirjo tjé' èmanna mèkkèrè ghoej-angghoejjá, bi-lebbi angghoejjá na'-ana'na, sè épaghádhi, sabab ghápanéka olléna tèngoté, saamponna tjompo'na katonon. Räng-bhärängnga ampon tanto èlang sadhádjá, sabab sanaré Wirjo saé, èngghi ta' kera sè kowadhá nebbhoes. Sarréna pèsséna olléna adhi-ghádhi ampon karé satji, mèlana abá'na pas maté akkal. Sè biné' ghádhoen èngeddhan maghádhiá tjetjo'na, djhoeghá aténa arassa berrá', sabab tjetjo' èngghánéka dhádhlingghálán dári emboé'na. Nangèng manabi ampon tadá' sè étedjhá' polé, doe kadhiá panapa, tanto lastaré djhoeghá sè épaghádhi.

Katjatora è kala sèttong aré badjá lem-malem prappa'na Wirjo tang-ghentangan è lèntjagghá sambí ètoghoei sè biné', ladjhoe

katamojan Li A Sie òngghàrowa. Li A Sie panèka sè negghoe' ghādhīān è kotta, mèlana onèng. djhā' WIRJO serrèng maghādhī ghoej-angghoejja, tja'na pèkkèrra: „Satèja sèngko' nemmo djhālān sè ngaollèa kerrès sangkolanna WIRJO rowa. WIRJO satèja la tanto bhoeto pèssè Dhalloe', so sèngko' èakalanna bi' sèlè'.” Li A Sie ladjhoe atanja ka WIRJO: „Napè dhika sakè', Jo? Wa, marèna bārāmna, sanjatana boelā sè èntar ko'anto nèko parlo ka dhika èsoroa ngangko' paḍi ḍāri Litjin.”

WIRJO njambhit: „Kadhi ponapa djhā' kaelā ghi' anglo; ampon saboelān langkong ka mangkèn sè ta' kèngèng apangghābāj sakalè, ba. Èbingkèng arè bisaos manabi kaelā ampon ghāngghāng.”

Li A Sie sareng mèrèng otja'na WIRJO sapanèka, pas masossa, sambhiddhā: „Nèserra, pon tanto dhika ta' ngennèng njarèaghi ègonna ana'-binèna. Marèna sè èkakan è rè-saarèna saabiddhā gherring napè?”

WIRJO: „Adhi-ghādhī, ba. kantos rang-bhāring kaelā ghemmet; manabi kaelā terros sapanèka bisaos, ampon tanto rang-bhāring kaelā èlang sadhādjā.”

Li A Sie: „WIRJO, dhika ta' osa tèr-kobātèr ka èlangnga bhāringnga ghānèko, kraua sè negghoe' ghāghādhīn boelā. Maḍdhā so boelā ètèmpoana doe taon. Laèn ḍāri ghānèko pola dhika sanonto ma' parlo ngèndjhāma pèssè, maḍdhā nèko' bādā. Parkara serrana, bilā dhika ngennèng apangghābāj ko'ijā!”

WIRJO: „Anggher pandjheunengngan kasokan rè-lèrè bisaos, èngghi saè, ba. Manabi èparèngè, kaelā terro njo'ona njambhoet sapolo ropèja saos.”

Li A Sie: „Engghi, nèko'. Nangèng dhika kodhoe aberri' sorat tandhā otang ka boelā. Enten, bānnè pè-napè, tjoma sorat ghānèko mènangka saksè, djhā' dhika bhender andi' otang sapolo ropèja ka boelā. Dhika ghoe ta' tao nolès, ta' engghi? Maḍdhā dhika nèken èko'into!”

Saamponna marè nèken sorat tandhā otangnga, WIRJO pas nampanè pèssè sapolo ropèja. Abā'na sareng binèna saklangkong bhoenga, amarghā mangkèn pas ta' parlo maghādhī tjotjo'na binèna, djhoeghā ta' ngartè, Li A Sie mèlana powa aberri' èndjhāman pèssè. djhā' bādā sopprèna laèn. Sareng ampon marè nampanè pèssè sè sapolo ropèja, WIRJO pas ngotja' kaso'on ka Li A Sie, otja'na: „Atas partolonganna sampèjan panèka, ba. kaelā mator sèboe doe èboe saklangkong. Moghā-moghā èbingkèng arè kaelā onènga males kasaèanna sampèjan. Torè, manabi kaelā ampon dhāmmang ongghoe, dhiggghāl kaelā sè ngangko'a kaaghoenganna paḍi ḍāri Litjin ka dhālemma. Pandā', ba, molaè mangkèn djikar kaelā ampon prasasat kaghoenganna baba.”

Li A Sie njambhit: „WIRJO, pèssè sapolo ropèja ghānèko dhāddhiā bārāmpa arè, sakeddjhā' agghi' tanto pon taḍā'. Nangèng dhika djhā' tèr-kobātèr, mon taḍā', asoroan bhāi ka bengko.

Nèko' dhika so boelä edhina'ana sorat otang pa' mëgghi', èssèna ghân sapolo ropèja. Mon dhika parlo ngëndjhama pèssè polè, sorat nèko tèken dhälloe, saemponna pas soro aterraghi ka bengko, dhika karè nampa pèssèna bhäi. Pandä', Jo, sarrèna abä'na dhika ghi' ghedddhoer djhä' man-ëman sè lowanga pèssè, ngakan kakanan sè makowat bhädhän mè' lè pas bäräs ongghoe. Bän polè mon ta' tjè' sèhadhdhà ongghoe, dhika djhä' endi apangghabäj." Saemponna marè ngotja' sapanèka, Li A SIE pas palèman.

WIRJO sè sakè' ghi' ta' poron saè ongghoe, serrèng matkomadhen bisaos, sabäb ta' onèng ngontal eppil. Doe boelän abittèpon WIRJO sè anglo, otangnga ka Li A SIE ampon dhäddhi 40 ropèja. Djhoeghà abit-abit èngghi èparèngè bäräs djhoeghà. Sareng ampon kèngèng alalakon, WIRJO pas ngabidhi njètjèl otangnga ka Li A SIE samènggoe saropèja. Pèkkèrra sapanèka: „Li A SIE la tanto endä' nampanè tang panjerra samènggoe saropèja, sabäb abä'na masè tjè' bettjè'na ka sèngko'." Pangèrana WIRJO sè sapanèka kalèro.

Sareng WIRJO ampon samènggoe abittèpon sè alako ka LIE A SIE, LIE A SIE pas ngotja' sapanèka: „WIRJO, sarrèna pon samènggoe abiddhà sè alako ka boelä, dhika ollè bädjārān nem ropèja. Nangèng otangnga dhika ko'abbhi 40 ropèja; bädjārānna sè nem ropèja ghänèko bi' boelä èpotongngaghiä ka otangnga, dhäddhi sanonto karè tello polo empa'."

WIRJO ta' njana bhär sakalè, djhä' Li A SIE andi'ä pola sapanèka. Sareng WIRJO tja'ngotja'a, Li A SIE pas adhoelloei ngotja' sapanèka: „Pandä', Jo, parkara nèko dhika ta osa nja'-bännja' djanḍon, mala dhika kodhoe asokkor, krana bi' boelä dhika ta' èpèntaè boedoe'. Dhinèng mon dhika ta' narèma parkara bädjārānna sè èserra'aghi kabbhi ka otangnga, pon madhdhà lonasè sanonto kèja'."

WIRJO: „Djhä' engghän èkabhdhähä madjar otang kaeelä sè andi'ä, ba, bädjārān kaeelä tjokop èteddhä rè-arè bisaos, ampon ontong'."

Li A SIE: „Mon dhika ta' kellar, kerbhoejjä ghärowa bhäi djhoewäl'."

WIRJO semmo seddhi mèrèng otja'na Li A SIE bhoeroe, pas njambhit: „Kerbhoej, èdjhoewälä ba? Doe mon ghäpanèka tadä', ta' parsasat kaeelä kaclangan kasap, sapanèka. Bhoenten, sanarè kadhiä ponapa, bi' kaeelä ta' èdjhoewälä."

Li A SIE: „Mon dhika ta' ghellem andjhoewäl kerbhoejjä, kerressa ghärowa bhäi, madhdhà so boelä èkala'a 150 ropèja."

WIRJO: „Ba, kaeelä dhimèn ta' ampon mator ka sampèjan, djhä' kaeelä ta' ghädhoeän nèjat sama sakalè sè andjhoewälä kèrrès èngghärowa, sanarè èpondhoehdhà saponapa sakalè."

Li A SIE: „Pandä' boelä pon ta' tao napè, Jo, boelä nèng taoa

ghenna'na pèssè sè èndjham dhika ghàrowa bhái. Sarrèna dhika ta' kowat madjár, dalem nem mænggoe dhika kodhoe alako ka boelá, opana ghábáj ra-serrana otangnga. Lagghoe' dhika mastè däteng so djikarra ko'anto!"

WIRJO: „Marèpon kaolá sareng ana'-binè' kaolá ta' neqdhá'a sapanéka, ba?"

LI A SIE: „Parkara ghánéko la dá'ránma tja'na dhika, sabáb boelá pon sedheng sè atatonlong sopadjá dhika nemmoa panjandhaghán pèssè, sakèng dhika dhibi' sè ta' ghellem atoro' otja' boelá. Molana boelá pas ta' tao sè tja'-ngotja'a polè." |

Saamponna marè ngotja' sapanéka, LI A SIE pas lebbhoe ka romana.

WIRJO ladjhoe ngac', kerbhoejjá, terros palèman. Pèkkèrra toro' djhálán sapanéka: „O, báddhinna LI A SIE rowa dá'rijá bábbategghá! Mon bárijá la bhender totorra mama'. Kabidhinna abá'na tjè' njamanna djanðonna, akanta sè nèser ongghoeán, marèna ta' tao djhá' njekkella."

Sanattolla ka tjompo'na, sareng sè binè' nengalè lakèna ropàpon sossa, ladjhoe èsangka saké'. WIRJO pas atotoran sapanéka ka sè binè': „Pa empon, lé', boelá èkellè'a Tjèna bangsat ghàrowa. Boelá èsoro alako abiddhá nem mænggoe ta' klabán ollè bádjáran sakètènga, mènangka ra-serrana otang ghàrowa. Nangèng boelá ta' lola sè pas alakoa ko'assa ta' kalabán èopaè.

Lagghoeana boelá alakoa ka pabbrik polè. Parkara otang boelá ètjètjèla sabbhán mænggoe ghán doe ropèja, endá' engghi, ta' endá' empon. Dháddhi abá'na bilán sè lás-mabellás ka boelá ghàrowa, andi' karep laèn, terro ka kerès boelá, nangèng ko'imma, na, djhálánna boela sè maondhoerá kerrès."

Kalagghoeannèpon WIRJO pas molaè alako ka pabbrik, ampon ta' mardoeli dá' ka otja'na LI A SIE sama sakalè. Katello arè-anna LI A SIE sareng Tjèna kaðowá, padá tokang boedjoe', èntar ka tjompo'na WIRJO, asaddjá nanaghiá. WIRJO è bákto ghápanéka tadá' è tjompo', bádd ètengnga sabá. Molana namong sè binè' sè mangghi'i.

LI A SIE ngotja' ka sè binè' sambí ngo'-marongo': „Boelá èntar ko'anto parlo nanaghiá ka lakèna."

Sè binè' njambhit: „Ba, kaolá samangkèn ghi' ta' gháðhoeán obäng, mangkèn, pana, antos dhingèn; bhoenten, ba, è mænggoe däteng ka'ijá WIRJO ampon bádd njabis ka'kassa; tja'èpon ngatorana ghán doe ropèja samænggoe, kantos lonas."

LI A SIE: „Napè, doe ropèja samænggoe, boelá ango' ta' èserra'ana sama sakalè. Boelá ta' parlo li-bálián ko'anto tjoma parlo pèssè doe ropèja ghánéko. Pandá', andi'a ta' andi'a, WIRJO sanonto mostè anglonasè otangnga sè tello polo empa' ropèja!"

WIRJO sè binè': „Marèna ka'imma sè ollèa, ba; djhà' engghän radjäna pèssè saengghänèka, saringgit saos kaolèa mangkèn ta' ghadhoeän.”

Li A SIE: „Mon bärinto madhä epörraghi bhäi.” Sè ngotja' sapanèka Li A SIE pas lebbhoe ka bengkona WIRJO, ngala' kerrès sangkolanna WIRJO sè ètjangkè'aghi è tabingnga, terros èbhoendhoe' sareng raming. Dhinèng WIRJO sè binè' sareng nèngalè Li A SIE ngala' kerrèssa, èngghäl aranran, djhoeghä kala, sabab Tjèna kaðoewäna sarengnga Li A SIE pas nadjhä' WIRJO sè binè', kantos doettjol däri Li A SIE pas terros ongghä ka doekarra. Dhinèng Tjèna kaðoewäna ladjhoe noro' boentè'; sareng ampon padä ongghä sadhädjä, sè katello terros palèman ka kotja, doekarra ètjongklang bisaos.

Katjatora WIRJO sè binè' nangès rit-djherridhän, mèkkèrè kerrèssa sè èkèbä boeroe Li A SIE, kantos ghä-tatangghäna padä njandher sadhädjä. Djhoeghä padä taða sè onènga marghäna WIRJO sè binè' sè nangès; èngghi sanarè onènga, ta' kèra bāngal apa-ponapa, sabab Li A SIE Tjèna soghi.

Bädjä lem-malem WIRJO palèman däri kalakoannèpon, mangghi sè binè' sanget sossana. Sambì sèghoemen sè binè' atotoran ka WIRJO, djhà' kerrèssa èkala' Li A SIE. WIRJO sareng mèrèng totorra binèna, sanget anaksona, mowana mèra kadhi däri. Djhà' sakènga Li A SIE katjapo' ka abäna kalana sè ngala' kerrèssa, ollè dhaddhi mè' èpatè'è. Sareng èlang seddhina, WIRJO pas sanget sossana, sabab tako' kerrèssa mè' terros ta' abäli. Pèkèrra sapanèka: „Marèna bärämma akalla sèngko' sè ngaollèa tang kerrès polè. Sabab mon sèngko' ta' madjäri, la tanto tang kerrès ta' kèra èbāghi. Mangka satèja sèngko' ta' negghoe' pèssè sakalè. Ngèndjhäma ka tatangghä èdlinna', sèngko' tako' ta' kel-lar njerräc. Pasang nemmo pèssè, nangèng mon Li A SIE pas ngotja' ollè mellè, sarta Tjèna kaðoewäna pas njaksè'è, djhà' bhender mellè ka tang binè, sèngko' pas ngotja'a apa?”

WIRJO ampon matè akal mèkkèrè parkara èngghänèka. Dhinèng rèng-orèng è Bāngkal sè mèrèng bab èngghänèka, sadhädjä padä kobätèr, tako' kampongnga mangghi katjalaka'an polè. Manabi ta' mangghia pètolongan däri perdjäddi Bäländhä, ampon tanto kerrèssa WIRJO ta' kèra èkaollè, sabab Li A SIE Tjèna soghi. Djhoeghä kadhi panapa djhällänna sè pas bädä'a pardjäddi Bäländhä kasokan atatolong. Ampon tanto mlarat. Kamalemmanna WIRJO lakè binè' padä taða sè njèddhä tètòeng, kèr-pèkkèran kerrèssa bisaos, Tjèna pangèrana, ampon tanto ta' kèngèng arep bälina polè. Sarèna kerrèssa samangkèn ampon taða' è tjèm-po'na, dhaddhi WIRJO ta' onèng rangèra kadhi ponapa ontongkalèrra bhädhänna èbingkèng arèna. Orèng sadhisa Bāngkal padä noro' sossa sadhädjä.

IX.

Partolongan sè ta' èkèra sakalè.

Samalem bhentèng WIRJO ta' poron ngèddhā tēdoeng, njarè akal kadhi ponapa kerrèssa sè èkaollèa polè. Dhinèng sè èkako-bàtèrè, takò' LI A SIE pas mongkèr. Sanarè abā'na njo'ona partolongannèpon towan sinderrā pabbrik otabā towan Pètor (1) sakalè, masè ghi' tadā'ā ghoenana, manabi LI A SIE pas ngako mellè, panapa polè manabi sambi asaksè Tjèna kaḍoewāna. Laèn dāri ghāpanèka, panapa kèrana towan sinder otabā towan Pètor kasokan atatolong ka abā'na, orèng mèsken, bān sè èghoeghāt Tjèna soghi? Sarengngan ollè dhāddhi LI A SIE bānnja' kennalan-nèpon djā-pangradjā.

Kalagghoeānnèpon sadjhāghāna tēdoeng WIRJO ghādhoeān ènged-dhān terro èntara ka tjompo'na LIE A SIE, mèlana ladjhoe adhāndhān. Angghoejā ta' bhidhā sareng angghoejā koli, sabāb ghoej-angghoejā sè dhingèn, sè èangghoej akolemmān ka Ghālāghā ampon marè èpaghādhi sadhādja; tjoma pangalemmanna bhersè. Ra-kèra pokol pètto' ghi' agghoe, bākto WIRJO para' mangkadhā pas katamojan tja-kantjana, sè dhāddhi pangadā'na SALÈ. Saamponna moj-tamojja padā todjoe' sadhādja, SALÈ ngotja' ka WIRJO: „Sèngko' so tja-kantja rèja kabbhi, Jo, sè èntar kanna' parlo njan-dā'ā sèdā, amarghā kerrèssa sè èkala' LIE A SIE. Nangèng endjā' ta' malolo djārèja bhāi; sèngko' sakantja'an padā kobātèr, takò' amè' kampong dinna' nemmo kasossa'an polè mara bilān arowa, krana kerrès la tadā' èdinna'. Molana sopadja èlopottaghiā dāri kabhālāi sèngko' so tja-kantja rèja mapolong pèssè sakonè' èbāng, èghābājā sombhāngan ka sèdā, mè' kennèng èpanebbhoes kerrèssa ka LIE A SIE. Rèja' pèssèna. Dhinèng mon sèdā ta' ghellem nampanè, sèdā njamana matjalaka'a tja-kantja èla'dinna' kabbhi. Masa sèdā andi'ā, èngeddhān kanja djārèja, la tanto endjā'.”

WIRJO njambhit: „Kabhenderrān djārèja, Lè, karana sèngko' satèja lakar èntara ka bengkona LIE A SIE; mon sèngko' sambi njambi pèssè, rassa sèngko' tang kerrès tanto pas èbāghi. Sarrèna parkara djārèja sapèsan dhāddhi ontong-kalèrra sèngko', kapèng ḍoewā'na ontong-kalèrra tang tja-kantja kabbhi, dhāddhi pèssè rèja so sèngko' èkebā'ā bhāi, embādjarraghiā ka LIE A SIE, nangèng sabārijā kèja, sèngko' adjhāndjhiā, dhoemèn sèngko' andi' tja-kantja rèja enserra'ana kabbhi.”

SALÈ bhoenga atèna amarghā WIRJO sè ghellem nampanè pèssèna sarta ladjhoe njambhit: „Parkara djārèja, Jo, mo-temmo èboedi, anggher otangnga sèdā la lonas bān kerrèssa djārèja la èkaollè polè, sèngko' sakantja'an la senneng.”

(1) Towan Asistèn-Rèsidèn.
Sangkolan.

WIRJO: „Mon bārijā sèngko' saēboe doe ēboe kaso'on atas partolonganna bā'na so tja-kantja laēnna rēja. Nangèng sèngko' ghi' mangmamg mon ta' ollēa pètolongnga pardjadji Bālandhā, masē ghi' ta' ēkaollēa.”

Saamponna moj-tamojja palēman, WIRJO pas mangkat ka kotṭa. Sareng rē-kèrra ollē saprapat eddhām sē adjhālān lerrēs ē lāndjhālān tēko'an, WIRJO pas nēngalē Bālandhā kasorang djheng-mandjheng ē pēngghir djhālān. WIRJO ngēra, djhā' ēngghānēka towan pangradjā, katara dāri pētjiēpon, pēngghirā mabi plēpēt pasmēn; mēlana abā'na ēngghāl nēngkong. Towan sareng ngoladhi bādā orēng nēngkong ēseddhi'na, pas atolē, sarta marēksa: „Man, apa bā'na tao, dīmima dhisa Bāngkal rēja?”

WIRJO: „Ka'into, kandjeng towan, semma'. Ghān tjongabhān ēadā' ka'dinto ampon katēngal.”

Towan: „Pola bā'na orēng dāri Bāngkal?”

WIRJO: „Ēngghi, kandjeng towan.”

Towan: „Apa bā'na kennal dā' orēng njama WIRJO?”

WIRJO: „Dhi-dhālem dhibi', kandjeng towan, sē ēsambhāt WIRJO.”

Towan: „Mon bārijā kabhenderrān. Sèngko' ngēding berta, tja'na bā'na andi' tambhāna panjakēddhā ēbin, apa ijā?”

WIRJO: „Ēngghi, kandjeng towan; dhi-ngēn nalēka ē Bāngkal bādā lalarannēpon kerbhoej, dhi-dhālem sē nambhāi, ēngghi bherkat djoenan-dhālem, bānnja' ollēna, kandjeng towan.”

Towan: „O, bāddhinna! Bārāmna sèngko' satēja djhā' mēllēa tambhāna djārēja, mon bādā sèngko' mēnta'a satos bhoetol, apa bā'na asangghoe? È kampong lao' dissa bānnja' kerbhoej ghering sampē' rēng-orēng dhisa sossa kabbi, amarghā la ta' nemmo boekona tambhā.”

WIRJO: „Ēngghi, kandjeng towan, djhā' ēngghān namong satos bhoetol, sanarē langkong sakalē, dhi-dhālem asangghoe ngatorana dā' djoenan-dhālem, anggher dhid-dhālem ēparēngē kopē kotong bisaos. Djhoeghā djoenan-dhālem ta' mabi mon-dhoet, kandjeng towan, sabāb dhi-dhālem sē ambhādhi tambhā ka'dinto ta' abhāndhā sakētēng.”

Towan: „Bā'na satēja ēntara kamma?”

WIRJO: „Dhi-dhālem ka kotṭa'a, kandjeng towan, bādā parloēpon.”

Towan: „Djhā' ēpanjorodhā ka lagghoe' bhāi kaparloanna djārēja bārāmna, apa ta' ēkenneng, sabāb sèngko' terro mēnta'a satēja kēja tambhāna djārēja. Endjā', mara bi' sèngko' ēbellā.”

WIRJO: „Marēpon kadhi panapa, kandjeng towan, dhi-dhālem smangkēn sanget parloēpon sē ka kotṭa'a. Ēngghi djhoeghā manabi djoenan-dhālem kasokan atatolong dā' dhi-dhālem, kaparloan dhi-dhālem kēngēng antossaghi dā' lagghoe'pon.”

Towan: „Parkara apa, koddhi kabälä, pola sèngko' mè' ngen-nèng atatolong.”

WIRJO pas mator tok-lantogghä bisaos, djhä' kerrès sangkolan-nèpon èkala' Tjèna sè anjama Li A Sre, kantos abä'na sareng rèng-orèng è dhisa Bångkal sadhädjä sanget sossaèpon.

Towan: „Kaparar ongghoe Li A Sre djäreja. La dhina, tello arè agghi' kerrèssa djäreja la arep bälina polè; sèngko' ijä kennal ka orèngnga. Apa kerrèssa djäreja bhäghoes ongghoe? Bäramma robäna?”

WIRJO ladjhoe njarèta'aghi kabädjä'annèpon kerrèssa.

Towan: „Mon ta' klèroa sèngko' lambä', nalèka ghi' kana', ta' kanta'a sè la tao ngatèla' dä' kerrès djäreja.”

WIRJO: „Ollè dhäddhi djhoeghã, kandjeng towan. Kerrès ka'dinto sangkolan däri mama' dhi-dhålem, sè ampon onèng aolongan man-ka'kamman, ghi' nalèkana dhäddhi djongos. Mala kerrès ka'dinto serrèng èoladhi towanna sareng para wan-towan laennèpon. Ropaèpon somèlè para towan-towan senneng ngoladhi kerrès ghäpanèka.”

Towan: „Mama'na sèdä sapa njamana?”

WIRJO: „MOESTARI, kandjeng towan.”

Tawan: „MOESTARI, MOESTARI. Pola mama'na lambä' tao ngaboelä dä' towan rèsidèn MAARTEN, jä?”

WIRJO: „Èngghi, lerres, kandjeng towan.”

Towan: „Pola bä'na WIRJO, jä! Dhålloe', sèngko' atanja'a, bä'na bhä' ghi' ènga'a, djhä' towan rèsidèn MAARTEN kaghoengan pottra lakè', anjama sinjo Nico?”

WIRJO: „Èngghi, èmot, kandjeng towan; ka'dinto reng-sarengngan dhi-dhålem amaèn. Dhi-dhålem serrèng èpanaè' djhåmbhoe sareng pao; manabi padjhoedhoenna dhärana kotor, dhi-dhålem djhoeghån sè ambhersè'è. Sinjo ka'dinto saklangkong lèboerrä dä' mano'. Ta' karè na'kana', kandjeng towan bessar sinjo Nico ka'dinto, nakallèpon poko'.”

Towan: „WIRJO, bä'na apa partjadjä, djhä' sèngko' pottrana towan rèsidèn MAARTEN sè dä'ngodä'ån, sè anjama sinjo Nico djäreja? Djhädjhäl sèngko' djhelling patètè. Bäddhinna bä'na tang reng-bhärengngan ghi' lambä' rowa! Sèngko' safèja djhoemenneng Aspiran Kontellir.”

WIRJO sareng ngèding totorra sapanèka sakalangkong bhoengana, djhoeghã abäk tako', amarghã sè ngotja' nakalla poko', mèlana ladjhoe mator sambi njembhä: „Kandjeng towan, ta' langkong dhi-dhålem njo'ona sapura, däri dhi-dhålem sè tor-mator ta' pantes ghi' bhoeroe mongghoe dä' slèrana djoenan-dhålem. dhi-dhålem ta' onèng ongghoe, sarrèna tjè' ta' èmoddhä manabi djoenan-dhålem, pottrana Kandjeng Towan Rèsidèn MAARTEN.”

Aspiran: „O, endjä', WIRJO, ta' dhäddhi apa, mala sèngko' senneng mon noddjhoenè ènga' dä' tang klakoan nalèka ghi'

kana'na. Bă'na è bākto djārēja ta' ijā la atowa'an so sèngko', sarta bi' papa bă'na èsoro noro' sèngko' dā'kamma'a bhāi. Ta' bă'na lambā' sè tokang ngèbā'aghi tang boekoe so lèi, mon sèngko' ka sakola'an, sarta mon la pokol sabellās bă'na ngambā' sèngko' kalabān dōkar. Apa bă'na ghi' ènga', kalana èn-maènan so sèngko' è pamengkang sè lèbār rowa, mon mama so papa prappa'na asarè? Bă'na lambā' ghoe ta' la tao otja' Bālāndhā nè'-sakonè', ta' ijā, Jo? Apa satēja ghi' bādā ènga'na?"

WIRJO: „Èngghi bādā nè'-sakonè'."

Aspiran: „Dhālloe', sèngko' terro anja'-tanja'a ka bă'na; nalēka mama'na amboe sè ngèrèng papa tja'na bānnja' ro-tarona pèssè. Rassa sèngko' mon bhender kanja djārēja, bă'na satēja tanto soghi, apa endjā?"

WIRJO: „Doe, kandjeng towan, soghi ponapa. Lerres nalēka mama' dhingèn andhingghāl dhoennja, bānnja' dhādhingghālān-nèpon qā' dhi-dhālem. Djhoeghā sapanēka, kandjeng towan, dhi-dhālem pas kakalèran, tjompo' dhi-dhālem sareng kas-pakakassa sadhādja ghemmet èkello' apoj, kantos dhi-dhālem kapaksa njēwa'-aghi sabā dhi-dhālem ka pabbrik, engkabhādhi ghāntēna pèssēna tja-kantja dhi-dhālem è Bāngkal, sè pađā èpatoro' dā' dhi-dhālem; sabāb obāng èngghānēka tanoro' katonon sakalè."

Aspiran: „Ijā, sèngko' la ngèding kēja. Mon bārijā'ă bă'na la noron ka mama'na onghhoe."

Sapa sè njana'a djhā' sèngko' taoa atatemmo polè so bă'na. Rowa' tang dōkar la dāteng, madjoe' sèngko' aterraghi ka bengkona; sèngko' parlo ka tambhāna kerbhoej djārēja, Jo. Bă'na la djhā' tēr-kobātēr parkara kerrēssa djārowa. Dhina, sèngko' sè mēnta'-aghiā bālina ka Li A Siē, lagghoe' otabā sađoemalem. Pađā' parkara djārēja sèngko' tangghoeng."

WIRJO: „Kandjeng towan, saghoenong anak bhoengaèpon atè dhi-dhālem, sabāb kerrès ka'dinto sanarè bādā'ă mellè saponapa bisaos, sareng dhi-dhālem ta' èdjhoewāl. Mēlana dhi-dhālem sanget ghoe-matēna ka kerrès ghāpanēka, kandjeng towan, sarrēna dhi-dhālem ampon jakèn, djhā' kerrès ka'dinto sè maontong dhi-dhālem."

Aspiran: „Madjoe, ka, djhā' mangkadhā, sabāb sèngko' nèser dā' rèng-orèng sè pađā gherring èbinna, tanto tè'-dāntē'an dātengnga tambhā."

Saamponna marè adon-djandon, sè kađoewā pas adjhālān soko terros ka Bāngkal. Toro' djhālān pađā ngēnga'è nalēkaèpon pađā ghi' kana'; sè asa-gessa saklangkong rapa'.

Katjatora WIRJO sè binè' sareng nēngalè lakēna abāli sarta ngèrèng Towan pangradjā kasorang, tor ropāèpon dhi-kadhiā sè ampon kennal abit, sanget ghettonna. Sanattolla ka tjompo'na WIRJO pas abālā ka sè binè', djhā' Towan èngghānēka towan Aspiran Kontellir, asmaèpon towan MAARTEN; pottrana towan rēsi-

dèn MAARTEN, tëlas lorana mama'na. Dhinèng kasokanna bhādhi mondhoe dhā tambhāna kerbhoë gherring. Sè binè' sareng mèrèng otja'na lakèna sapanèka, pas tak-kètòk nolongè ambhādhi tambhā. E bāktò ghāpanèka towan Aspiran aghi-lèngghi è bengkona WIRJO. Towan Aspiran saklangkong nèserra ngoladhi romana WIRJO sasat tađā' paponapana sama sakalè; mèlana pas kaaghoengan nòjat bhādhi atatolonga klabān ongghoe atè ka WIRJO, panapa polè serrèna salèrana ngaghāli djhā' WIRJO orèng djhoe djhoe bābā-tègghā.

Ta' antara abit WIRJO sè ambhādhi tambhā ampon marè, ollè doe bellās bhoetol; ghāpanèka namong èkabhadhiā partjobhā'an bisaos dlingèn. Manabi njokot. WIRJO namong njo'on kèrèmè bhoetol kotong, bānnja'na sakasokanna towan Aspiran. Sareng tambhāna ampon marè èbādhiā, sareng towan Aspiran ladjhoe èpakon sabā' ka dokarra; WIRJO sareng towan Aspiran èparèngè persèn doe bellās satengnga ropèja, sambì adhāboe sapanèka: „Rèja', kala' bā'na kennèng ghābāj kabellina roko'.”

WIRJO: „Bhoenten, dhigghāl, kandjeng towan, sabāb dhi-dhālem ta' toman adjhoe wālān tambhā.”

Aspiran: „Ella, ra, Jo, la tampanè bhāi! Bā'na sanjatana tabettjè' dhālloe, bān bā'na ta' ija' tao dhibi' tja'-otja'anna orèng: „Pa-sapa'a tadjhoe djhoe dhālloe, di-boedina matè ngondjoe.” Bhender bā'na ta' toman adjhoe wālān ka orèng mèskèn, nangèng mon ka Naghārā apa djhoe bhā'na. Naghārā aparèng obāng bānnja' ka sèngko', èdhika' aghi kabelli tambhāna èbin sè gherring. Dhādhi bā'na satèja prasasat pardjādina Naghārā; pèssè djārèja mènangka gādji par-mola'anna. Mon tambhāna bā'na njata djhoe dhoe, ella tanto sèngko' mellè bānnja'.”

Saamponna towan Aspiran marè adhāboe sapanèka, WIRJO pas magghoe kakeddjhā'; pèssè doe bellās satengnga ropèja ghellā' pas ètampanè. Pèkkèrra sapanèka: „Djhā' rèng Naghārā la tanto ta' kèra kakorangan obāng. Sarrèna towan Aspiran adhāboe mon-dhoe dhā tambhā bānnja' sokkor la njata djhoe dhoe, bettjè'na sèngko' satèja long-mapolong oen-dāoenan, sè parlo èangghoej, pola ma' pas djhoe dhoe ongghoe tang tambhā.”

Sareng WIRJO marè nampanè pèssèna. ladjhoe mator kaso'on dā' towan Aspiran; pas èterrossaghi mator polè bāb parkara kèrèssa.

Towan Aspiran adhāboe: „Ella, ra, dhina, parkara djārèja sèngko' tangghoeng. Mon ta' lagghoe', doe malem, sèngko' ngara bādā napa' kannā', ngaterraghiā kèrèssa djrèja, sabāb sèngko' ghi' terro arembhāghāna so bā'na, bārāmra bā'na èboedi arè sè sen-nengnga pangorèbhāna saana' binèna. Sanjatana, WIRJO, sèngko' ta' tèghā adjhelling bā'na so ana' binèna malarat mara rèja, sabāb rèng towana bā'na lambā' ta' dā'ijā. Bā'na apènterran bān tja-

kantjana sè laèn, sabāb dhāddhiā nè'-sakonè' bā'na tao matja bān nolès; molana ta' pantes sakalè bā'na sè pas ngoliā, alalakon saarè bhentèng ambhāntèng abā'; bā'na tanto nemmo, djhā' sakè-nga njarè pangghābājān, sè djhāng addhoeān dā' abā'na bā'na."

Saamponna towan MAARTEN marè aboe-dhāboe sapanèka, pas bhoebhār, djhoeghā ta' pas djhoedjhoek ka dhālemma, ghi' terros ka dhisa kennengngannèpon kerbhoej sè gherring.

Katjatora rèng-orèng sè ghādhoeān kerbhoej, sareng nèngalè towan Aspiran raboe, saklangkong bhoengana, sabāb laku ampon abit sè èrep-arep raboena, amarghā èbin sè gherring ampon bān-nja' matè. Dhinèng laènnèpon, manabi ta' ollèa pètolongan tam-bhā, masè ta' kèngènga arep odi'na polè.

Saraboena towan Aspiran dā' ghika'ijā, ladjhoe aparèng pètodhoe dā' rèng-orèng sè ghādhoeān èbin gherring, kadhi ponapa ang-ghoejāna tambha ghellā'. Salèrana tjo-mattjo sanget dā' kalèboen-na, sopadjā ngatorana reppot, kadhi panapa kakauna tambhā bhādhhianna Wujo ghapanèka.

Saamponna marè aparèng nasèhat nja'-bānnja', towan Aspiran pas bhoebhār, raboena ka dhālemma ampon rop-sorop arè.

X.

Partolongannèpon Pangradjā.

Katjatora towan Aspiran saklangkong lessona, djhoeghā ta' èpèkkèrè sama sakalè, amarghā ampon karè adjhāndjhi dā' WIRJO, djhā' mangaollèaghiā kerrèssa dālem saarè doe arè. Saamponna marè asèram, towan Aspiran pas adjhāndhān, terros mèjos ka tjompo'na Li A SIE. Djhoeghā ta' pas terros, ghi' per-sepperran dgingèn. Kalana nattol ka bengkona Li A SIE ampon semmo malem. È ampèrra tjompo'na Li A SIE bādā lampoe ghāntongnga nem mēgghi'. padā èsomet sadhādja, tèra'na tar-kentaran. Tēm-bo'na èrengghā sareng ghāmbhārrā orèngana-bārna. È dālem romana bādā mèdjā sadhiānnèpon (ettoe'), sè bānnja' dhāmar lilinna ana-bārna. Lerres è kangan-katjèrra sadhiān bhoeroe bādā artjana KONG HOE TOE, èngghi panèka podjhāngghā bhāngsa Tjèna, sè bitjaksana. Bāktō towan Aspiran raboe, è ampèrra tadā' orèng sakalè, mèlana towan Aspiran pas lat-ngoladhi èssèna ampèrra bengkona Li A SIE dgingèn. Sareng ampon sabātara abiddhā sè bādā è pèr-ampèr ghi' tadā' orèng ngalèmbā' djhoeghā, ladjhoe aologhān: „*Spada! Spada!*” (1) Ta' abit ladjhoe bādā orèng kaso-

1) Djhā' tjara'a Madhoerā dhi-kadhiā: *pangapora (ghlānon)*.

rang kalowar, ropana nakabánna Li A SIE. Towan Aspiran maréksa báda-tadá'na sè ghádhoeán tjompo'. Sareng nakabán mator báda, ladjhoe épakon ngelok lorana. Sakeddjhá' agghi' Li A SIE pas kalowar. Saamponna maré atabi' towan Aspiran pas éatorè lèngghi.

Ta' antara abit ladjhoe báda nakabán katello, sè kasorang ambhácta roko' manéla, kasorangnga ambhácta korék sareng báddhána lolong, kasorangnga polé ambhácta etté, éatorraghi ka towan Aspiran.

Saamponna padá njomet roko'na (towan Aspiran sareng Li A SIE), towan Aspiran pas adháboe sapanéka: „Ghellá' ghi' agghoe báda oréng kasorang dári dhisa Bángkal angghoeghát sampéjan.”

Li A SIE: „Báddhiina, angghoeghát parkara ponapa, towan?”

Aspiran: „Tja'na sampéjan ngétjo' kerréssa oréng éngghánéka, panapa bhender?”

Li A SIE: „Kaoelá éghoeghat ngétjo' kerrés? Maréépon, pandjhennengngan panapa partjadjá? Pandjhennengngan ampon ngagháli dhibi', towan, djhá' kaoelá somalé ta' soghi, nangéng ta' kakorangan; panapa sè ékaterroé, kaoelá masté katekkan. Kasapakakas é ampér panéka bisaos, towan, djhá' édjoewalá ampon langkong doe éboe ropéja. Kadhi ponapa sè olléa dháddhi djhá' kaoelá ngétjo' kerrés.”

Aspiran: „Éngghi, kaoelá partjadjá ka otja'na sampéjan éngghánéka. Bhoenten pola sampéjan mè' sakéng mellé kerréssa oréng éngghárowa?”

Li A SIE: „Lá, éngghánéka sè éngghi, sarengngan báktona kaoelá mellé, báda sakséna. towan, éngghi panéka épar sareng sapopo kaoelá. Manabi pandjhennengngan kasokan maréksa'a, nara éologhá.”

Aspiran: „Ampon, ta' parlo. Kaoelá éngghi partjadjá ka otja'na sampéjan. Saponapa sè ébelli? Manabi sapanéka sampéjan bári' lem-malem éntar ka tjompo'na ARDJODIWIRJO.”

Li A SIE: „Kerrés éngghánéka sareng kaoelá ébelli satos séket ropéja. Djhoeghá sarréna sè ghádhoeán ghi' andi' báberra' ka kaoelá 34 ropéja, dháddhi kaoelá namong madjár 116 ropéja.”

Aspiran: „Obáng sè 116 ropéja ghápanéka ta' éngghi WIRJO dhibi' sè nampané; saamponna kerressa bi' sampéjan pas étampané ta' énggini?”

Li A SIE: „Éngghi, lerres kadhi dháboena ka'into.” Li A SIE ladjhoe mésean, sabáb bhoenga, ékéra parkara éngghánéka ampon saé djhalánna. Tor sama sakalé ta' arassa. djhá' kèngéng tjan-ghák otja'na. Towan Aspiran ladjhoe njentak sakaléan, dháboena: „Li A SIE, sampéjan oréng djahat, sampéjan ngétjo' kerréssa WIRJO, katara dári otja'na dhibi' ghi' bhoeroe.”

Li A SIE: „Kadhi panapa, towan, pandjhennengngan mè' pas bángal ngarané, kaoelá oréng djahat?” Sè ngotja' sapanéka para' ta' mettoa swara.

Aspiran: „Lakar èngghi; kaoelä kan bängal ngaranè sampèjan orèng djahat, polana sampèjan lètjèk otja'na. Éparra sareng sapopona èngghärowa pađa nerrangngaghi dā' kaoelä ghellä', djhä' naléka sampèjan mellè kerrès èngghänèka. Wirjo taďä' è tjompo'na. Sè nampanè pèssèna tja'na sè binè'. Mangka sampèjan ghellä' ngotja' Wirjo dhibi' sè nampanè pèssè ”

Tjèna: „Èngghi, djhoeghä”

Aspiran: „Djhoeghä, djhoeghä panapa? Pandä', kerrès ghäpanèka parèng dhoeli pakalowar, mon bhoenten, samangkèn djhoeghän sampèjan sareng kaoelä èmaso'aghiä ka seppir.”

Li A SIE sareng mèrèng dhäboena towan Aspiran bhoeroe, olattèpon pas potjet, ta' kèngèng tja'-ngotja' ponapa polè.

Aspiran: „Parèng, dhoeli pakalowar, sabäb kaoelä ta' parlo bit-abit èka'into'!”

Li A SIE pas lebbhoe ka romana padjhälänna laonan, ngala' kerrèssa; saamponna pas èsabä' è mèdjä, sambi ngotja' sapanèka: „Panèka' kerrèssa, towan, djhoeghä manabi kèngèng, kaoelä terror-matora polè; èďälem parkara panèka kaoelä sama sakalè ta' aromasa sala. Kadhi panapa sè ollèa dhäddhi, kaoelä, Li A SIE, Tjèna sè ghi-soghiän kadhibi' è kotta ka'ijä èghoeghät ngètjo' kerrès, sè namong arghä 150 ropèja. Saponapa'a, towan, obäng 150 ropèja ghäpanèka mongghoe ka kaoelä. Pandjhennengngan ta' ampon ngaghäli dhibi' djhä' kaoelä ta' namong èadjihinè rèng-orèng kènè' bisaos, nangèng kantos dā' Towan Pètor èngghi toďoes ka kaoelä. Kaoelä ango' èlanga pèssè langkong sèboe ropèja, towan, ètèmbhäng sareng kaoelä ètarka tjo'-ngètjo'. Manabi pandjhennengngan ta' partjadjä, njara kaoelä bängal sompa, djhä' kaoelä sakontjo'na oboe' ta' aromasa ghädhoeän sala sakalè ďälem parkara panèka. Dhinèng rèng-orèng sè andjhoeroekkaghi kaoelä ghäpanèka ampon tanto sakèng bädjhi' ka kaoelä otabä sakèng ta' kellar nangalè kasoghiän kaoelä ”

Towan Aspiran Kontellir pas mondhoet kerrès ďäri mèdjä sambi aďhäboe sapanèka: „Parkara pèssèna sè sèboe ropèja èngghänèka pon tegghoe' sampèjan dhibi' bhäi, ba, sabäb parkara panèka sareng kaoelä ta' èbhäďhiä radjä. Djhoeghä manabi sampèjan èbingkèng arè atèngka kadhi panèka polè, sareng kaoelä pas èbhäďhiä radjä, mèlana sampèjan marè'è sakalè boedina.”

Bätara saparapat eddjhäm ďäri bākto bhoeroe towan Aspiran ampon bädä è dhälemma, alèngghi èďälem kamarra sambi lang-nèlang kerrèssa Wirjo, sabäb saklangkong lèboerrä; panapa polè salèrana pas èmot dā' nalèkana ghi' kana'na. Djhä'-sakeddjhä' mèsèm, sabäb arassa bhäddjhrä sè kèngèng ngaollèaghi kerrèssa Wirjo ta' klabän mlarat. Orèng sè ghädhoeän dhiďďhi'ä pèragghä, manabi nèngalè kerrèssa ampon èkaollè polè, kantos matè rassana ta' kèra loppä dā' towan Aspiran, sè ampon onèng atatolong ka bhädhänna. Ghälina towan Aspiran sapanèka: „Lagghoe' ghi'

agghoe kerrès arèja èaterraghiä ka Bångkal, sabäb WIRJO tanto sè rep-arebbhän, krana sèngko' la karè asomadjä. Nangèng bettjè'na opas bhäi èsoroa ngaterraghi, sèngko' èntara lem-malemman, sabäb sèngko' ngantosa reppoddhä kalèboeni Tjlorèng, parkara tambhä rowa. Rassa sèngko' kalèboenna kennèng arep dätèngnga sabelloenna pokol doebelläs."

Saamponna marè kèr-pèkkèran sapanèka, kerrès pas èbhoendhoe' mabi dhäloebång koran, sarta èsabä' è rok-soroghänna mèdjä panjerraddhänna. Sareng towan Aspiran ngèntebbhä rok-soroghän bhoeroe, pas ngoladhi sorat nompang èattassa bång-dhäloebång bännja'. Sorat èngghänèka dāri kantjana sè anjama towan DE JAGER. Saamponna marè èmaos, towan Aspiran pas adhāboe: „Ijä ongghoe, sèngko' ghi' ta' malesse towan DE JAGER sè mènta orèng, èpadhāddhiä mandøer bhäko. Marèna ðimma sè nemmoa? Ó, dhälloe', mon bārijā, WIRJO bhāi so sèngko' èadā'aghiä, sabäb la pènter alako bhäko. Laèn dāri djārèja rassa sèngko' masè malarat sè nemmoa orèng kanā WIRJO bettjè'na bān tjakangnga. Tjoma sossana ghi' ta' karoan djhā' ghellem, sabäb abā'na tjè' takō'na sè andhina'a dhisa paðøempa'anna dārāna. Doe ètarèa bhāi, sapa tao, pola mè' powa. Dhinèng paghi' saopama terro molèa polèa bengkona, kèra sèngko' towan DE JAGER ta' kèra nglanglang."

Saamponna marè ambhādhi serrat bāngsolan, towan Aspiran pas asarè. Sabelloenna njèdjhā, ghi' kèr-pèkkèran bāb kerrès sè èkala' LI A SIE, sareng pangghābjānnèpon dhibi' èdālem saarè ghellā'.

Kalagghoeännèpon ghi' agghoe towan Aspiran pas makon opas kasorang nompā' djhārān ka Bångkal, ngaterraghi kerrès. Sanat-tolla konkonan, WIRJO èpangghi ghi' bhoeroe dätèng njarè oen-dāøenan, sè èkabhādhiä tambhä, saklangkong bānnja'èpon. Saamponna opas marè andjhoeloeaghi bhoendhoe'än, sareng abālā, djhā' towanna raboeā mangkèn lem-malemman, ladjhoe palèman.

Katjatora bhoendhoe'än bhoeroe sareng WIRJO pas èbhākta ka romana sarta ladjhoe èboekka'. Sabelloenna mokka', abā'na ampon ngèra, djhā' bhoendhoe'än bhoeroe tanto aèssè kerrèssa. Djhoeghā sareng èmot dā' somadjāna towan Aspiran, djhā' kerrès èngghānèka èaterraghiä dhibi, atèna pas bādā mangmangnga. Frappa'na mokka' bhoendhoe'än, ana'-binèna pas lebbhoe ka romana, terro onènga èssèna bhoendhoe'än ghellā'. Sareng bhoendhoe'än ampon èboekka', njata djhā' ta' aèssè bhārāng laèn, kadjhābhā kerrès sangkolanna, sè èrampas LI A SIE èngghārowa. WIRJO sareng ana'-binèna sanget pèragghā, kerrèssa ètjèjom, èso'on èsabā' ka tjèttagghā, otja'na: „Djhā' bānnèa kandjeng towan sè atatolong ka sèngko', la tanto kerrès rèja ta' kèra èkaollè polè. Eh, sanja-

tana la belläs ongghoe kandjeng towan dä' sèngko' so dä' tja-kantja dinna' kabbhi."

Ghā-tatanghāna WIRJO paḍā èntar ka tjompo'na (WIRJO), amarghā èghika'ijā rammè orèng aghellā'ān. Sareng ghā-tatanghāna onèng, djhā' kerrès sangkolanna WIRJO èkaollè polè, ladjhoe atotoran ka laènnèpon, kantos berta èngghānèka sakeddjhā' bisaos ampon bāratta dhāddhi sa-Bāngkal. Sadhādjana orèng paḍā bhoenga, djhoeghā ta' loppa tjo-mattjo ka WIRJO, sopadja kerrèssa ta' èbhakta'a man-ka'kamman polè, sabāb salameddhā dhisa Bāngkal sareng saèssèna sadhādja bāḍā è kerrèssa èngghānèka. WIRJO ladjhoe asalameddhān nangghā' tabbhoeān, ngormat kerrèssa. Dhinèng rèng-orèng sè ghi' bhoeroe palèman dāri sabāna ghi' dāri djhāoeān ampon mèrèng monjèna tabbhoeān, djhoeghā taḍā' sè onèga djhā' pasèra sè asalameddhān. Djhoeghā sareng nèngalè labāng lowarra tjompo'na WIRJO èpasangè oen-dāoenan ana-bārna, pas ngèra, djhā' tanto WIRJO sè asalameddhān, tja'na pèkkèrra: tanto kerrèssa la èkaollè polè. Saamponna marè di-mandi sareng adhāndhān, rèng-orèng bhoeroe pas èntar ka tjompo'na WIRJO, noro' anga-bhoenga djoeghān. Dhinèng sè èkadjanḍon taḍā' laèn, kadjhābhā namong ngalem kasacannèpon towan Aspiran Kontellir, sè kasokan atatolong klabān ongghoe atè ka WIRJO, kantos kerrèssa abāli polè.

Katjatora kalèboen sè èdhika'aghi areppot bāb tambhā, ampon njabis dā' towan Aspiran. Sanattolla ka adjoenanna, pas mator nja'-bānnja' dā' towan Aspiran bāb ollèna tambhā sè doebelläs bhoetol. Towan Aspiran ladjhoe marèksa: „Dhāddhi djhoedhoe njamana tambhā djārèja?"

Klèboen: „Èngghi, kandjeng towan, djhoeghā dā' èbin sè ghi' bhoeroe gherring. Rèng-orèng ka dīssa sadhādja paḍā mator kaso'on dā' djoenan-dhālem sarenggan njo'on, moghā-moghā djoenan-dhālem kasokana aparèng tongghāllèpon, sè langkong bānnja'."

Aspiran: „Ijā, djhā' kobātèr: lalla bā'na la molè kaadā', sèngko' satèja èntara ka Bāngkal, ngonèana tambhā polè; kabālā dā' tja-kantjana, djhā' sèngko' lagghoe' ghi' agghoe makèrèma tambhā polè dā'kassa."

Towan MAARTEN neptebbhi ongghoe kawādjhānnèpon kaan-tennaranna, ta' mèkkèrè kamalaradhānnèpon salèrana, tor-ta' ngètong lessò: sè èghali sèjang arè malem namong kasalameddhānnèpon orèng doemè'na bisaos. Sabelloenna mangkat dā' Bāngkal towan Aspiran ampon makon koli sabātara, ambhākta bhoetol koṭong kaadā' sè èkabāddhā'ā tambhā. Pokol doewā' sèjang ampon mèjos dā' Bāngkal, nètènè dōkar. Ghi' dāri djhāoeān towan MAARTEN ampon myarsa ongella tabbhoeān, ghālina sapanèka: „Ngara WIRJO asalameddhān, sabāb kerrès sangkolanna la èkaollè polè. Nangèng la ta' manglò sè talèbādjhā bhoenga sampè' nangghā' tabbhoeān, sabāb abā'na so tja-kantjana tjè'

partjadjana ongghoe, djhâ' kerrèssa tao nolak kabhâlâi sè bhâkal dâtengnga. Dhâddhi sanjatana tjê' ghâmpangnga pasennengnganna atèna orèng dhisa rèja! Djhâ' rèja', parkara kanta rèja bhâi bhoengana dhâghâ akanta sè kaghâghhârân mertjo. Orèng dhisa rèja bhoedhoe, doe sapa sè ngaobhâna kadjhâbhâna antennarra Naghârâ. Mon tadâ' ngaobhi la tanto èkaèn-maènan bân orèng sè djhâng pènterran bân bhângsa tèghâ'an atèna." Towan Aspiran talèbât sennengnga ghâlina, amarghâ sè ngennèng atatolong bân mabhoenga orèng sadhisa Bângkal.

Ta' antara abit towan Aspiran ampon nattol dâ' tjompo'na WIRJO. Katjatora sareng rèng-orèng sè bādâ' èghika'ijâ nengalè towan Aspiran raboe, pas saklangkong rammè'pon, sabâb sareng towan Aspiran lebbhoe ka tattarop, ladjhoe padâ asorak, sabânnè bādâ sè pa'kopa'an, sakèng dâri bhoengana. Rèng-orèng ghâpanèka robâna ampon ta' mèkkèrè tako' sè èdhoekanana, sabâb bijâsana, manabi bādâ pangradjâ raboe dâ' dhisa pangormaddhâ rèng-orèng doemè' ta' sapanèka. Marghâèpôn tadâ' laèn, namong sabab towan Aspiran mapalèman kerrès sangkolan sè pangaro èngghârôwa, dhâddhi prasasat aparèng kaontongan dâ' rèng-orèng Bângkal sadhâdjâ. Towan Aspiran èngghi ta' dhoeka, sanarè èormat kadhi èngghânèka, mala rèng-orèng èdhika'aghi terros sè anga-bhoenga. Sareng ampon alèngghi, ladjhoe èatorè dhâ'ar djhâdjhân ana-bârna èsoghoeaghi dâri kangan-katjèr djhâng ghântjangan. Salèrana pas èmot ghi' nalèkana ghi' kana', sè toman adhâ'ârân djhâdjhân kadhi ghâpanèka. Sarrèna towan Aspiran ghi' kaaghoengan parlo laèn ka WIRJO, mèlana pas ngadjhâk WIRJO, arembhâghân è pèr-ampèrra wâ' doewâ'an. Towan Aspiran ladjhoe alèngghi è lèntjak, dhinèng WIRJO asèla è tana, ta' djhâoe dâri ghika'ijâ. Towan Aspiran pas adhâboe ka WIRJO: „WIRJO, sèngko' aberri tao ka sèdâ, parkara tambhâna arowa njata bhâghoes, nangèng dâ' èbin sè ghi' bhoeroe gherring. Molana satèja sèngko' mèn'ta'a polè ka bâ'na lebbi bânja'. Sèngko' la makèrèm bhoetol kotong dâ'anna', mènangka bādghâna. Sarrèna sèngko' ghi' bânja' orosan sè laèn, ijâ parkara dînes, dhâddhi ta' ngennèng bit-abit èdijâ."

WIRJO: „Parkara pamondhoet tambhâ dhi-dhâlem ta' mator bhoenten, mator èngghi, sabâb doe ponapa polè kadhi dhi-dhâlem sè èbhâdhiâ les-bâles dâ' djoenan-dhâlem, sarrèna dhi-dhâlem ta' ghâdhoèân pa-panapa polè, kadjhâbhâ tambhâ ka'dinto. Djhâ' èngghân namong èngghânèka, kandjeng towan, klakoan ta' saponapa, sanarè dhi-dhâlem èpakona alalakon sèjang-malem, anggher bādâ dhâboe djoenan-dhâlem bisaos, dhi-dhâlem ampon ta' atangghin polè, sarrèna djoenan-dhâlem ampon aparèng kabhoenga'an dâ' dhi-dhâlem sareng dâ' ana'-binè dhi-dhâlem, sè ta' dâ-mandâ. Parkara tambhâ dhi-dhâlem ampon asa'dijâ, mala kaboelâna mangkèn ghi' prappa'na ngandhel ka'dinto. Lagghoe' ghi' petteng

dhigghāl dhi-dhālem dhibi' sè ambhākta'a dā' kotta, èboewā'a djikar. Otabā manabi djoenan-dhālem ngèdhinè, dhi-dhālem dhibi' sè madāpa'a dā' Tjlorèng."

Aspiran: „Bā'na la ngala' ongghe dā' bābāteggā orèng towana. Mama'na MoESTARI, ijà bārijā, opama bādā orèng ta-mènta ka abā'na, lā, rēja ghi' loen-belloen la bādā apa sè èkaparlo orèng djārēja. Mon sēdā ngennèng ngaterraghi dhibi' dā' Tjlorèng djārēja lebbi bettjē', sabāb rēng-orèng la'dissa tjē' kabhoeroena sè ollēa tam-bhāna èbinna. Pa' arē agghi' dhibi'na ollē aghābāj sampē' pa' polo otabā sēket bhoetol polē. Pandā', Jo, parkara djārēja apa tja'na bā'na, lebbi dāri sadjārēja, ijà bhāghoes. Bān mon marē, pas aterraghi kassa kēja."

WIRJO: „Èngghi, saē, kandjeng towan."

Aspiran: „Sēngko' mon ta' klēroa la adjhāndjhi ka sēdā, djhā' tam-bhāna embellīā ghān saropēja sabhoetolla. Rēja', tampanē dhālloe sēket ropēja, dhinèng sakarēna mo-temmo èboedī."

WIRJO: „Panēka tabānnja' dhlngèn, kandjeng towan, sabāb kla-koan dhi-dhālem tadā' laèn kadjhābhāna njarē oen-dāoenan, manabi mangghi pas èandhel. Sakētēnga dhi-dhālem ta' abhāndhā."

Aspiran: „Endjā', Jo, tampanē ella! Bhender bā'na ta' malarat bān ta' abhāndhā, nangèng kabhoenga'anna orèng sè andī' èbin gherring pas bārās, djārēja ta' èkennèng belli saēket ropēja. Sam-bi'anna sēngko' ta' la ngotja' ka dhibi'na, djhā' djārēja bānnē tang pèssē dhibi', nangèng Naghārā sè aparèng, Goepmèn apa-rèng pèssē bānnja' ka sēngko', èdhika'aghi kabelli tam-bhāna èbin gherring djārēja. Ella, ra, la kala' bhāi dhāddhiā tang pamènta, sambī' mē' kennèng ghābāj bān-lambāna brāghāddhā slamed-dhāna arēja; karēna tebbhoessaghi dā' rāng-bhārāngnga bā'na sè èpaghādhi."

WIRJO: „Èngghi, kandjeng towan, dhi-dhālem mator saēboe doe èbce kaso'on dā' djoenan-dhālem, moghā-moghā dhi-dhālem ghi' onēnga males kasaēannēpon djoenan-dhālem, langkong dāri tam-bhā èngghānēka."

Aspiran: „Djārēja tabhālik. Jo; sabhenderrā sēngko' sè mostē aberri' panarēma ka sēdā, sabāb Goepmèn la tanto sè ngalem tang pangghābājān, sabāb bin-èbin sè gherring pas bānnja' bārās. Bārijā kēja rēng-orèng sè andī' èbin, la tanto radjā kaprotanganna ka sēngko', dhāddhi sēngko' ollē alemman doe kalē: sapēsān dāri Naghārā bān doe kalēna dāri orèng doemē'. (1)

Satēja sēngko' terro tja-ngotja'a bāb laèn. Bāri' sēngko' la ngotja', djhā' sēngko' ta' senneng ngatēla' kabādjā'anna bā'na sè pas mara rēja. Sēngko', Jo, mon ènga' lambā' kalana ghi' kana', ghi' boer-lèboerrā èn-maēnan so bā'na, pas ta' dhāddhi sè nga-

(1) Tjarēta panēka ampon dhingèn ghi' sabelloenna bādā atcran dokter hēwan sareng matrē hēwan *Red*.

tèla'a bă'na alalakon rat-malarat ghälloe dhāghā ènga' sapè; krana bă'na djhā' sakènga njarè kasap laèn sè lebbhi dhāmmang tor sè aradjā'an bādhalā dāri klakonna sè satēja, kèra sèngko' tanto nemmo. Molana salè-ollè sèngko' atatolonga ka sèdā. Mon ghellem mara toro' sang otja': „Neng bhābā Djember sèngko' andi' kenalan, njamana towan DE JAGER, djārēja dhāddhi towan bessarra bhāko. Ghi' roe-bhoeroe rēja abā'na mēnta orèng ka sèngko', sè pēnter alako bhāko, bhākal ēpadhāddhiā mandoer goedāng. Towan djārēja endjā' ta' ngotja' addhoe aqā' ka sèngko', tapè asoradhān. Soraddhā djārēja bhoeroe bāri' sè ètemmo, bhāreng sèngko' njabā'ā kerrèssa sèdā ēdālem rok-soroghānna mēdjā tolès. Dhoe-mēn sèngko' marè matja sorat djārēja, mē' pas ènga' ka bă'na. Bă'na ta' ijā la pēnter alako bhāko? Marēna bārāmna satēja, ghellem, apa endjā'?”

WIRJO: „Wa, marēpon kadhi ponapa, towan, saēstona dhi-dhālem sanget berrā'ēpon sè andhingghālā dhisa ka'into, sabāb mama' adhingghāl dhoennja ēka'into, sabā dhi-dhālem sè èsèwā pabbrik èngghi bādā ēka'ijā djhoeghān. Panapa polè tja-kantja dhi-dhālem, kandjeng towan, ampon tanto ta' rembhāk, manabi dhi-dhālem pas njēngla'a dāri dhisa Bāngkal.”

Aspiran: „La bhēder tang pangèra, tanto bă'na ngotja' mara djārēja. Nangèng mara, ra, pèkkèr, Jo, bă'na andi' tangghoengan ana'-binè. Mon ghi' atoghocā ēdijā bhāi, bă'na so ana'-binèna dālem tello taon bhākal malaradhā oqī'na; bān polè sarrēna bă'na alalakon dāri metto arè sampè' tjompet arè, la tanto kakowadhānna sadjān abit sadjān korang. Nangèng mon pas dhāddhi mandoer bhāko, è persilla towan DE JAGER, la tanto senneng, sabāb klakoan ta' berrā' kanṭa è sabā, bān sèngko' bāngal nantogghi, djhā' bă'na bhākal andi'ā lora bhāghoes atēna. Apa, gādji ēdissa radjā, tjokop mon engghoenna ēkakan bă'na so ana'-binèna bhāi. Saopama bă'na ghoe'-agghoe' andi' ēngeddhān terro molèa kanna' polè, rassa sèngko' towan DE JAGER ta' kèra njekkadhi. Parkara sabāna djrēja, ghārāp bilā bă'na molè kanna' polè. Dhāddhi klabān djhālān bārijā, kabādā'anna bă'na lekkas abāli onè kanṭa lambā' polè. Bān polè bă'na djhā' loppa, djhā' sèngko' sè nemmo soraddhā towan DE JAGER djārēja prappa'na njabā'ā kerrès sangkolanna bă'na djārowa.”

WIRJO: „Lerres dhāboe djoenan-dhālem, kandjeng Towan. Sa-ēstona dhi-dhālem ta' kèngèng atoghoe ēka'dinto sabit-abiddhā, manabi dhi-dhālem ghi' akarep njarēa kasap sè langkong radjā. Panapa polè sarrēna djoenan-dhālem ampon adhāboe, djhā' serrattēpon towan DE JAGER ghi' bhoeroe ēpangghi sareng djoenan-dhālem prappa'na njabā'ā kerrès sangkolan dhi-dhālem kaqālem rok-soroghānnēpon mēdjā djoenan-dhālem. Ghoe ta' ampon njata, kandjeng towan, manabi kerrès èngghānēka sè nodhoei djhālān- nēpon kaontongan sareng kaslameddhānnēpon dhi-dhālem saana'-

binè, lerres akadhi bāsèjattèpon mama', nalèka para' èpondhodhā omor. Melaèpon dhi-dhālem ator'a bisaos sapètodhoena kerrès dhi-dhālem "

Aspiran: „Dhāddhi bā'na ghellem, WIRJO?"

WIRJO: „Èngghi, kandjeng towan, doe matora kadhi ponapa polè. Sanarè dhi-dhālem aromasa berrā' sè adhingghālā dhisa Bāngkal sareng tja-kantja dhi-dhālem sadhādjà, djhoeghā dhi-dhālem mostè ngèrèng dhāboe djoenan-dhālem. Bilāpèon dhi-dhālem sè èdhika'aghiā mangkat, towan?"

Aspiran: „Dhālloe', antos ghālloe, sabāb sèngko' ghi' asoradhāna dā' towan DE JAGER, bilā-bilā bā'na sè mangkadhā èberri'āna kabār. Bān polè mon panjakèddhā èbin ghi' ta' èlanga, bā'na djhā' endi mangkat. Sarrèna parkara arèja la salèssè, ella, sèngko' molèa."

WIRJO: „Èngghi, kandjeng towan. Abdhi-dhālem mator saklang-kong kaso' on atas kabellāsannèpon djoenan-dhālem."

Toro' djhālān ghālina towan Aspiran sapanèka: „Bhender kanta tang pangèra bāri' rowa. WIRJO so tja-kantjana la tjè' partjadjàna ongghoe, djhā' ontongnga bhādhāna taghāntong ka kerrèssa rowa. Ngara djhā' sakènga WIRJO ta' partjadjà dā' ka pangaroanna kerrèssa, amè' sèngko' sè ghoeing-ngoghoengan ghellā' rowa tadā' parlonā."

Katjatora rèng-orèng sè anga-bhoenga, sareng towan Aspiran ampon bhoebhār, ladjhoe ngarèbbhoeng WIRJO, padā terro mè-rengnga panapa sè èdhāboeaghi towan Aspiran. Sareng rèng-orèng ghāpanèka mèreng kabhār, djhā' WIRJO bhāddhi ondhoeā dāri kampongnga, sadhādjà pas padā sossa. Dhinèng laènnèpon sè tadā' èghika'ijā, sareng mèreng bāb èngghānèka, ladjhoe padā èntar ka WIRJO, anjata'aghi lerres-bhoentenna berta èngghānèka. Sè èkasossa rèng-orèng Bāngkal amarghā kerrès sangkolanna WIRJO, sè bhāddhi tadā'ā èghika'ijā sareng sè bhāddhi kaèlangana orèng ngartè sè serrèng aberri' rembhoek sareng pètodhoe dā' orèng dhisa Bāngkal. Pèkkèrra sapanèka: „Bilān djhā' engghoenna èkèbā akolemma sakeddjhā' kanan, èdinna' la nemmo tjalaka' radjà, bhā' bāramma dhāddhina, mon kerrès djārèja pas ondhoer terros dāri dinnā? Sanjatana WIRJO takabhoeroe dhālloe' sè pas mator èngghi dā' kandjeng towan Aspiran Kontellir. Djhā' sakènga mator ghi' arembhāghāna so tja-kantja rēja dhālloe, endjā'. Mon satèja doe bāramma'a polè, sabāb la dhāddhi otja."

Rèng-orèng ghellā' ladjhoe padā ngoman ka WIRJO, sopadjà maboeroenga karebbhā sè dhāddhiā mandoe bhāko, sarengngan padā adjhāndjhi, bhāddhi atitolonga bāb pangorèbhānnèpon. Pandā', karebbhā tja-kantjana. WIRJO ta' osa alalakon, ngakan tēdoeng, anggher abā'na ta' aghindhjegghān dāri Bāngkal.

Dhinèng WIRJO èngghi sanget terrona sè norodhāna pangoghoengnga tja-kantjana, djhoeghā ta' kèngèng, sabāb ampon karè

mator èngghi dǎ' towan Aspiran; panapa polè sarrèna ampon jakèn, djhǎ' kerrèssa sè nodhoeaghi djhālanna kaontongannèpon. WIRJO ladjhoe akanthǎ bǎb towan Aspiran sè mangghi sorat èadǎ'na orèng bǎnǎja', bekkasanna pas ngotja' sapanèka: „Mara pèkkèrè, tja-kantja, apa sèngko' ngennèng nolak parkara djārèja, sabǎb lakar tang kerrès dhibi' sè abherri' djhālanna kaontongan ka sèngko'?”

Saamponna WIRJO marè sè akanthǎ, pas bǎdǎ haddjhi towa kasorang, njellat katengnga, ngotja' kadǎ sapanèka: „Tan-trètan! bǎ'na kabbhi tanto padǎ ngèding otja'na WIRJO ghi' bhoeroe, sarta tanto la padǎ ngartè kabbhi karebbhǎ. Molana, tan-trètan, bǎ'na kabbhi ta' ngennèng mellang kakarebbhǎnna WIRJO djārèja, sabǎb la klabǎn takdirra Ghoestè sè amorbhǎ djhǎghǎt, abǎ'na sè ondhoerǎ dǎri dhisa dǎnna', njarèa kasap ka naghǎrǎ laèn. Apa polè ghellǎ' abǎ'na la angghellǎrraghi, djhǎ' mostè noro' djhālàn sè ètodhoeaghi kerrès sangkolanna, sabǎb bǎsèjaddhǎ rèng towana, ontongnga bhǎdhǎnna taghǎntong ka kerrèssa djārèja. Pandǎ' èdǎlem bǎkto satèja, kerrèssa WIRJO ghi' kodhoe njèngghǎ dǎri dhisa Bǎngkal ghǎlloe. La kanta djārèja bǎngsèddhǎ ka sè andi'. Djārèja, tan-trètan, mastè ètorodhi. Krana mon kerrès sangkolan djrèja èpaksa ètahan èdǎnna' bhǎi, dhisa Bǎngkal bǎn saèssèna kabbhi, mastè kadǎtengngan kasossa'an polè. Molana bǎ'na kabbhi la djhǎ' kèr-pèkkèran WIRJO sè ondhoerǎ dǎri dǎnna'; bhǎli' madjoe' podjhiaghi dǎ'ka sè Aghoeng, moghǎ-moghǎ abǎ'na saana'-binèna bǎdǎna è naghǎrǎna orèng, èparengana bǎrǎs salamet landjhǎng omor èpastèa atemmo so tja-kantja rèja bǎn mandhǎr taoa ako-bengko èdǎnna' polè. Sarrèna kerrès sè pangaro djārèja satèja la para' tadǎ'ǎ dǎnna', madjoe ormat klabǎn kabhoenga'an, sabǎb djārèja la klabǎn kasokanna Alla Ta'ala, sè tao aberri' djhālanna kaontongan bǎn kaslameddhǎn dǎ' ka sè andi', bǎn ka sèngko' kabbhi èdǎnna'.”

Saamponna haddjhi bhoeroe marè tja'-ngotja', rèng-orèng sè padǎ mèrengngaghi pas bheggǎr sakalèng adǎ' sarta ladjhoe padǎ modjhiaghi WIRJO, moghǎ-moghǎ èlastarèaghiǎ mangghi kanog-grahanna Pangèran, alantaran dǎri kerrèssa ka'rowa. Kantos malem rèng-orèng sè padǎ jǎk-ghijǎghǎn è tjompo'na WIRJO. Dhinèng WIRJO, sanarè ampon rèpot sè ngaladhinè tja-kantjana, ghi' kobher bisaos sè sambǎ nolongè binèna sè ambhǎdhi tambhǎ; sabǎb: sapèsan tako' sè lètjèghǎ dǎ' towan Aspiran, krana ampon karè adjhǎndjhi, kapèng doewǎ'èpon krana terro ollèa atatolong dǎ' rèng-orèng Tjlorèng, sè ghǎdhoèǎn èbin gherring.

Kalagghoeǎnnèpon sabelloenna tja-kantjana djhǎghǎ tètòeng, WIRJO ampon marè ngàè' kerbhoejjǎ, sè ngaterraghiǎ tambhǎna dǎ' dhisa Tjlorèng. Dhisa èngghǎnèka sèdgheng nambhǎnna dǎri tjompo'na. Saplèmannǎ dǎri Tjlorèng, abǎ'na njepper dǎ' ghǎdhin sakeddjhǎ', nebbhoes ghoèj-angghoejjǎ sè binè' sareng na'-ana'na.

Sareng ampon nattol ka tjompo'na, bit dhäboena towan Aspiran, ladjhoe ngella tambhä polè pan-saponapan polo bhoetol. Sakèng mandhina tambhäna èngghänèka, panjakèt èbin è dhisa Tjlorèng dälèm pa'bhelläs arè ampon bännja' korangngèpon.

Ta' abit saponapa ampon bädä sorat däri towan DE JAGER, njebhhoettaghi manabi Wirjo tolos èpadhädhi mandoer, sarengngan salè-ollè sopadjä èngghälä mangkat. Gädjina kabidhän 40 ropèja saboelän tor polè ollè tjampo' prèi (tjampo' kongsi).

Sareng Wirjo narèma kabhär èngghänèka, pas andjhoewäl: kas-pakakassa tjompo'èpon, kerbhoejjä, djikarra sareng pakakas tanèna. Abä'na sanget berrä'na sè maondhoerä kerbhoejjä, amarghä ampon bännja' pètolongnga dä' abä'na, langkong-langkong èdälèm bākto abä'na malarat. Èngghi ontongnga kerbhoejjä èbelli kantjana, sè dhäsar pratèn dä' èbin, dhädhi atèna Wirjo pèndhä bädä bhoengana.

Wirjo lakè'-binè' ta' kellar rassana sè andhingghälä kampongnga, ponapa polè tja-kantjana, sè ampon pan-saponapan taon lāng-saghoeloeng sèjang arè malem sareng abä'na, padä tjè' ta' tēghāna.

Sareng ampon nattol dä' bāktona sè mangkadhä, para' sadhädjāna orèng Bāngkal padä èntar ka tjompo'na Wirjo, njangoè podjhi slamet sareng bhädhi ngaterraghia.

Katjatora sareng Wirjo saana'-binèna ampon mangkat, bännja' tja-kantjana sè padä nangès. Dhinèng sè ta' ngater, kantos djhäoe sè mandheng sarengngan modjhiaghi moghä-moghä Wirjo saana'-binèna kaparèngana bāräs slamet tor onènga apangghi polè. Sareng ampon ta' katèngal, rèng-orèng èngghänèka bhoeroe padä palèman.

IXI.

Persil bhäko „Rabä-Tanto”.

Samangkèn kaoelä bädä è kotta Djember. Katjatora kotta panèka 50 taon sè tapongkor ghi' dhisa. È sakalènglèngnga possa' sareng alas sè djhrembhen. Orèng Bhoemè sè ambhähbät alas èkabhädhi sabä otabä tegghäl, namong kasorang kaðoewä tor kennengnganna tja-njalattja, ka'ijä sakonè', ka'issa sakonè'. Djhoeghä sareng è tana Djhabä sadjan abit sadjan kakorangan tana sè èkabhädhiä persil kopi, bhäko sareng laènnèpon, para Bäländhä persil ladjhoe molaè noro' ambhähbät alas è bhäbä Djember, èbhädhi persil. Saamponna las-alas sè djhrembhen èngghänèka marè èboekka' sadhädjä, èpadhädhi persil kopi sareng bhäko, pas bännja' para Bäländhä persil sè aengghoen è bhäbä Djember. Sadjan abit sadjan bännja' para sodhaghär sareng dji-pardjädji

sè apo'-tjompò' èghika'ijà. Èdàlem sèket taon abittèpon Djember ampon dhàddhi kottà, sarengnan sadjān abit sadjān atambā rammè, panapa polè saamponna bādā seppoer, sè mowa' hasèlla tana èngghādijā dā' Sorbhādijā otabā dā' Panaroghān. Dhinèng kottā Djember ghāpanèka kennengnangnèpon lerres è tana rampa. Bā-sabā è kangan-katjèrra para' sadhādijā' ètamennè paḍi sareng bhāko, namong è tana paghoenongan sè bānnja' tamennan kopina. Samangkèn kaelā terro èntara dā' persil bhāko, sè ta' djhāoe ḍāri kottā. Dāri Djember kaelā nompa' eppir, mangkattèpon ghi' agghoe. È bāktò ghāpanèka samèlè ghi' lagghoe, kaelā ampon arassa panas, panapa polè manabi ampon bheddhoek otabā lèngsèr masè ta' kowadhā panassèpon. Eppir sè ètompā' kaelā djhārānna ros-koros, djhoeghā paboeroena bhānter, amarghā djhālānna lapang tor è kangan-katjèrra bānnja' bhoengkana asemma sè rampa', ngaobhi lorong. Toro' djhālān monjèna ghoengsèngnga djhārān ghāpanèka ta' pegghā' sèng-karèngsèngan. Djhā'-sakeddijā' koesirra ngettègghi djhārānna, sopadja' paberka'na sadjāna santa'. Sè katèngal è kangan-katjèrra djhālān ghellā': sabā saklangkong bānnja', sabānnè ètamennè djhāghoeng otabā tebbhoe, sabānnè ètamennè paḍi, djhoeghā sè nja'-bānnja'an ètamennè bhāko. È sabā sè ètamennè bhāko èngghānèka ta' rang-korang koli sè alako. para' sadhādijā' orèng Madhoerā, èadjengngè mandòerra. Ta' katjatora der-sinderrā bhāko sè nompa' bēndi èntara ngomèsi, bādā sè njalèp kaelā, paberka'na djhārānna tjē' ghantjangnga. Manabi ampon nattol dā' kennengnan sè èntarana, bēndina èsabā' è èmbong èbābāna ka'-bhoengka'an, sè noghoel koesirra; dhinèng towanna pas so'-njalosso' ka ko-bhāko ngomèsi tanemman ngèras sambi no'-ngono'è doer-mandòer otabā li-koli sè males. Èdhi'-seddhi'na bhāko èngghānèka bānnja' dāng-goedāng panjēmpennanna karoso' ngangghoej ata' kadjhāng. Manabi ḍāoenna bhāko ampon èpettèk, ladjhoe èsoddjhin, pas èdjhoemmor kangsè kerrèng. Dhoemèn ampon kerrèng, pas ènjamaè kroso'; ladjhoe èrempos, saamponna pas ètampè. Manabi ampon marè ètampè, pas èboewā' djikar dā' goedāng essèng, èngghi panèka kennengngan-nèpon maḍdhāi kroso' ghāpanèka mabi ghālāngsè. Ta' djhāoe ḍāri dāng-goedāng ghellā' bādā tjompò'na nē'-kennè' pan-sapona-pan mēgghi', èngghi panèka tjompò'na doer-mandòerra goedāng. Ta' abit kaelā ampon napa' ka „Rabā-Tanto”. Dāri djhāoeān kaelā nēngalè tjompò' gheddhoeing sèttong, tja'èpōn ghāpanèka tjompò'na sinderrā bhāko. Dhinèng dhālemma towan „besarra” persil radjā tor djhembhār. Njamana towan bessar èngghānèka towan DE JAGER. Sanattolla dā' seddhi'na dhālemma towan bes-sar, eppir pas èsoro amboe, sabāb kaelā terro djār-klēndjārā èghika'ijā. Kadjhābhā kasorang kaelā ta' ghādhoen kennalan polè, èngghi panèka ana' sarèjangnga WIRJO, orèng dhisa Bāngkal Sangkolan.

ëngghärowa. Sapalëmanna (saamboena) WIRJO däri Rabä-Tanto, DOERAHMAN, ana' sarëjangnga, ëd hingghäl ëpangabdhì dä' towan DE JAGER. Sakëng temmenna tor pënterra, bhoeroe omor bälloebelläs taon ampon ëpadhädhi manðoer goeðäng sareng towanna, tjompo'na ëseddhi'na kabessaran.

Samangkën kaoelä ngabidhänna akan dhä kabäðä'ännëpon WIRJO, saabiddhä dhädhi manðoer goeðäng è persil Rabä-Tanto. Sanat-tolla ka'kassa, WIRJO pas ngadhep dä' towan besser, saamponna ladjhoe molaè apangghäbäj. Ta' antara abit ampon katara kapënterrannëpon bäb miðing bhäko, sapanëka djhoeghä bäb pandjägäna kroso' ëðälem goeðäng ngalangkongè däri tja-kantjana sè laèn. Saabittëpon WIRJO ta' onëng doettjol däri kër-pëkkëran, panapa sè ëlakonana ëpëkkër sè klabän massa' dhi ngën, saamponna bhoeroe ëdjhälännaghi. Abä-tambä bäbategghä djhoedjhoer tor bhäðjheng, mèlana abä'na pas dhädhi kapartjadjä'ännëpon towan DE JAGER. Li-koli sè ëorëngë WIRJO sadhädjä padä lëboer dä' abä'na, nglangkongè däri li-koli laënnëpon dä' manðoerra bäng-sëbäng, sabäppëpon ëngghi bäðä. Lerres abä'na kerras parëntana dä' li-kolina, djhoeghä djhoedjhoer ta' onëng merressan bhäbäna; bhidhä sareng doer-manðoer laënnëpon, serrëng njetjot ombhällä bhäbäna, ëghäbäj tambäna pangasëlanna dhibi'. Mëlana li-koli ghäpanëka pas sakè' atè dä' manðoerra, djhoeghä les-bälëssa pas tèbhä dä' persil. Sarrëna WIRJO ëkalëboeri sanget sareng li-kolina, mèlana doer-manðoer laënnëpon pas bäðjhi'. Panapa polè sareng nëngalè WIRJO serrëng ollè alemman däri towanna, salo'è atambä somengngët ka manðoer sëttong ëngghänëka. La-mala serrëng WIRJO ëghoeghät (ëkella) dä' towan besser, djhoeghä ta' meðdhäs, sabäb sareng towan besser ta' ëangghep. Sakëng däri bäðjhi'na tja-kantjana, kantos bäðä manðoer kasorang sè mëtenna ka towan besser, sopadjä WIRJO ëleppasa däri pangghäbäjännëpon. Panëka djhoeghä ta' akakan. Bäðä tja-kantjana WIRJO sè anëjat ngambä'ä WIRJO è boeng-soboengnga, ëtokolana ëpakongseä lëtja'; nangëng bännja' sè ta' bängal, lantaran ampon mërëng djhä' WIRJO ghä-dhoeän kerrës sangkolan sè talëbät maladhi dä' orëng sè asaddjhä sala. Abit-abit sarrëna pëtennana orëng sareng towan besser ta' ëettjosë sakalè, pas tadä' orëng sè la'ngella'an WIRJO polè. Dhinëng bäb bertana kerrës sangkolannëpon WIRJO, sadjän abit è Rabä-Tanto sadjän misoewoer, mala kantos bärätta dhädhi sa-Djember.

Sareng sabätara abittëpon WIRJO sè dhädhi manðoer è persil Rabä-Tanto, ladjhoe molaè osom bhäko. Sanarè tamennan bhäko è-saè, panapa polè è bhäbäna WIRJO, kantos andhädhiaghi sen-nengnga towan besser, djhoeghä di-boedina lako saamponna marè osom bhäko, ondernëmeng ghi' maksa rogi. Panëka mar-ghäna, sabäb è bäkto osom kroso' bännja' goeðäng katonon. Däri

segghoeddhā katonon, kadhāng dālem sataon bādā goeđāng sē kantos èobāi tello kalè. Namong goeđāngnga WIRJO èparèngè lopot dāri apoj. Towan bessar sareng der-sinder laènnèpon sanget ghettonna, mèkkèrè bāb èngghānēka. Dhinèng manabi noro' pangèrana tja-kantjana, mèlana goeđāngnga WIRJO èparèngè salamet dāri apoj, sabāb WIRJO ghāđhoeān kerrès pangaro. Sadjān abit WIRJO sadjān èadjhinè sareng tja-kantjana.

È nalēka sèttong arè bādā ghoe-lagghoe, lerres kalagghoeāna bādā goeđāng katonon, bādā manđoer towa kasorang njabis ka towan bessar, mator onèng bāb kapangaroannèpon kerrèssa WIRJO; djhoeghā towan bessar ta' ngangghèp sama sakalè dā' atorra manđoer bhoeroe, mala èkalā'-ghellā'. Tja'na ghālina towan DE JAGER, mèlana goeđāngnga doer-manđoer laèna serrèng katonon, sabāb li-kolina bānja' sē sakè' atè ka manđoerra, djhoeghā towan bessar ta' mangghi djhālān sē ngorosa. manđoer sē ka'kemma sē èkasakè'è atè li-kolina èngghānēka. Ta' abit pas bādā sinder mator dā' towan DE JAGER, sopadjā WIRJO èallèa dā' kennengngan, sē goeđāngnga serrèng katonon. Atorra sinder bhoeroe èngghi èkabbhoeli, mèlana ta' antara abit WIRJO ladjhoe èallè dā' ghika'ijā onghhoe.

Sareng sabātara mènggoe abiddhā WIRJO bādā è kennengngan sē anjar, karoeseoēn sadjān abit sadjān ollè korang, abit-abit èngghi pas salamet, tađā' goeđāng èsoleddhi orèng kadhi dhingèna; bāb panēka andhādhiaghi ghettonna orèng bānnjā'. Doer-manđoer laènnèpon sadjānè jākèn, djhā' kerrès sangkolanna WIRJO pangaro onghhoe, djhoeghā towan bessar ta' partjadjā sakontjo'na oboe' bhālāka'a. Pamangghina towan DE JAGER: manabi goeđāng è bhābāna WIRJO tađā' sē katonon, ghāpanēka ta' sakèng dāri kerrèssa, nangèng dāri orèngnga dhibi'.

Djhoeghā è nalēka sèttong arè towan bessar nèmbhāli WIRJO, djhoeghān, marèksa'a parkara èngghānēka. Sareng WIRJO ampon ngadhep, towan bessar ladjhoe marèksa: „WIRJO, apa bhenderdhibi'na tja'na rēng-orèng rēja andi' kerrès sangkolan sē pangaro kowa?”

WIRJO „Èngghi, towan bessar. Manabi djoenan-dhālem kasokan ngoladhāna, sareng dhi-dhālen èkala'a; bhoenten ta' sakèng karanā terro èèdhirraghiā, towan bessar, sabāb bāb panēka èpamangghi abdhi-dhālem ta' saè, tjoma djoenan-dhālem ma' ollè ngaghāli.”

Towan bessar: „Ella, la dhina, laèn arè bhāi. Satēja sèngko' terro atanja'a ka bā'na, tja'na orèng, kerrèssa djārēja tao masalamet dhibi'na, sanaddjān bā'na bādā'ā dīmma. Apa bā'na partjadjā, Jo?”

WIRJO: „Èngghi, towan bessar, sabāb dhi-dhālem ampon serrèng nètènè, tor ampon onèng rassana bādā bhoektèèpon, djhā' onèng maslamet dhi-dhālem. Bhoektè sē njata, èngghi dhi-dhālem sē pas mangghi kalakoan èka'into panēka.”

Towan bessar: „Apa bá'na sè pas dháddhi mandoer èdinna' rēja ta' alantaran dári partolonganna towan MAARTEN? Dháddhi mon tja' sèngko' bännè dári kerrèssa djàrēja. Nangèng apa bá'na partadjá cngghoe, Jo, djhá' dāng-goeđāng sè ètegghoe' bá'na kan tađā' orèng njomet, alantaran dári kerrès sangkolanna djàrēja?”

WIRJO: „Parkara panēka dhi-dhālem ta' bāngal mator, towan bessar, djhoeghā dhi-dhālem jākèn, manabi kerrès dhi-dhālem ka'dinto njellebbhi dā' ondernēmeng kaaghoengan dhālem.”

Towan bessar: „Kèra-kèra apa sè dháddhi lantaranna è pan-bārampan kennengngan ma' segghoet kadháddhiān goeđāng katonon, WIRJO? Pola dhibi'na mè' tao sabábbhā?”

WIRJO: „Èngghi, onèng, towan bessar, djhoeghā dhi-dhālem tako' sè tor-matora dā' djoenan-dhālem, tako' mè' ta' èangghèp. Sarrèna samangkèn djoenan-dhālem dhibi' marèksa bāb ka'dinto, dháddhi dhi-dhālem bāngal mator salerressa. Saèstoèpon towan bessar, parkara katononna dāng-goeđāng ka'dinto sè sala man-djoerra.”

Towan bessar: „Mandoerra? Apa marghāna bá'na mè' pas andi' panarka bārijā bhāi?”

WIRJO: „Djoenan-dhālem ollè dháddhi ta' ngaghāli. towan bessar, manabi sè kabānnja'an djoer-mandoer ka'dinto ta' djhoe-djhoer. dhoedjan merressan sareng njettođhān bādjarānnèpon likolima.”

Towan bessar: „Doe ma' dháddhi ghellem ères-perres bārijā so mandoerrā?”

WIRJO: „Marèpon, sè ta' porona kadhi ponapa. djoenan-dhālem ngaghāli dhibi'. Manabi djoenan-dhālem kasokan mondhoeđhā katerrangngānnèpon. sapanēka: „Opama bādā koli arao tamennan bhāko. Lā, panēka manabi ampon marè tor sanarè ampon rēdjik raoānnèpon, mandoerra ghi' maksa ta' poron narèma. bādā saos sè èpēddhoeaghi. Dháddhi, sarrèna likoli ka'into bhoedhoe, towan bessar, kobāter bādjarānnèpon tako' mè' ta' èparèngngaghi. pas sè sabāgiān èdjhoeloeaghi ka mandoerrā, anggher klakoānnèpon ètarèma bisaos. Manabi sapanēka, bhoeroe mandoerrā poron narèma. Kalabān djhālān sapanēka, towan bessar, ampon tanto bisaos likoli sè ères-perres bādjarānnèpon bhoeroe, pas sakè' atè. mèlana pas terro makalèra mandoerrā klabhān djālān marogi ondernēmeng; è bakto malem goeđāngngèpon mandoer sè dhoedjan merressan koli pas èobbhār. Sabāb tja'èpon sè koli ampon tanto mandoerra ollè dhádhoekean dári djoenan-dhālem otabā mon ta' kalerressan pas èleppas. Èngghi ta' manglo, towan bessar, likoli ka'into sè pas sakè'a atè, amarghā sè alalakon saarè bhentèng akatang è panassa, mangka sareng ampon narèma bādjarān, ta' onèng narèma ghenna'. Ghi' bānnja' tongghāllèpon, towan bessar, bāb sè kadhi ka'dinto.”

Towan bessar: „WIRJO, otja'na bá'na djäreja bädä mäso'na ka tang akal, nangèng sènga', bá'na mèsètè tao dhibi', mon sèngko' anjata'aghi parkara djäreja, mangka pas ta' nemmo bhoektè pa-apa, otja'na bá'na djäreja mastè makan towan! Ngartè!”

WIRJO: „Sae, towan bessar; manabi dhi-dhålem mator lètjèk dā' djoenan-dhålem, djhā' engghān polè épaođi', épātè'è sakalè dhi-dhålem ta' mator bhoenten. Djhoeghā manabi djoenan-dhålem bhādhi anjata'aghiā ator dhi-dhålem, kasokana djoenan-dhålem ngangghoej kaadhilān, sopadjā tadā'ā è tongka' tadā'ā è dāi. Manabi djoenan-dhålem ampon marèksa klabān adhil, dhi-dhålem bāngal keftoghān lè'èr, djhā' bhādhi mangghia bhoektè sè njata.”

Towan bessar: „Parkara djäreja sèngko' la tanto marèksa sè kalabān adhil; bá'na ta' osa tēr-kobātèr. Ella, kassa, nangèng sènga', djhā' tor-totor ka orèng parkara djäreja!”

Sareng WIRJO ampon njerot, towan bessar ladjhoe tjengngeng padā'na mēdjā tolèssa, ghālina: „Parkara rēja mohal sèngko' sè ta' ngēdīng kabhār. Bārijā kēja der-sinder laēnna, ta' ollè dhādhi sè ta' taoa, djhā' 'èdālem ondernēmeng la'dinna' bānnja' doer-mandoe sè djahat. Nangèng sèngko' satengnga partjadjā ka otja'na WIRJO ghellā'. Satēja sè ékasossa sèngko' sè ngorosa parkara djäreja bārāmma, sopadjā doer-mandoe laēnna ta' anđi'ā atè tambhoeroēān. Pa, la dhina, ka, sèngko' ta' sa'sossa'a parkara djäreja. Pandā', sèngko' njareā bhoektè sè njata, sampè' nemmo, bān pa'sapa'a éantarana doer-mandoe sè apangghābāj ta' djhoedjhoer, kanđa otja'na WIRJO arowa, djādijā lalakan!”

Saamponna marè kēr-pèkkèran sapanēka towan DE JAGER pas terros mējos ngomēsi pabhakoan. Kabidhān sè éparèksa li-koli sabātara, épèlè wa-towana, saamponna ladjhoe laēnnēpon, kantos para' sadhādijāna li-koli sè éparèksa. Sè éparèksa dā'-adā'na ngalèng, dāri tako', djhoeghān di-boedjina ngako, otja'na: „Lerres, towan bessar, dhāboe djoenan-dhålem. Dhi-dhålem kodhoe alalakon abhāntèng abā', djhoeghā manabi ampon bādjarān, ta' onèng narēma ghenna', bādā bisaos sareng mandoeerra sè épotong, épotong ka'dinto, épotong ka'dinto; korang parèksa panapa marghāna. Dhinèng manabi dhi-dhålem sakantja'an bāngal mamadhoel bāb panēka dā' djoenan-dhålem, dhi-dhålem sakantja'an ta' kera salamet, alalakon ta' mangghi era saharè ampon rēdjik, panapa polè manabi sala. Dā-padā mandoe towan bessar, namong WIRJO sè è-sačan sareng djhoer-djhoedjhoerān.”

Towan bessar kantos malem sè ngoros parkara èngghānēka. Bekkasan kanjata'an, manabi atorra WIRJO èngghārowa lerres sadhādijā, sarengngan doer-mandoe sè atèngka ka'dhi èngghānēka ampon épangghi sadhādijā. È bādā lem-malem towan DE JAGER pas ngompollaghi sadhādijāna doer-mandoeerra ka dhålemma. Sareng ampon apolong, towan bessar pas adhāboe sapanēka: „Doer-

mandoer, sèngko' la anjata'aghi dhibi', djhā' èantarana bā'na kabbhi, bādā sè ta' djhoedjhoer atēna, dhāddhi tokang boedjoe', dhoedjān merressan bādjarāna li-koli, sampè' li-koli rēja bānnja' sè sakè' atē, pas ngobbhār goedāng, aghābāj rogina ondernēmeng. Bān sèngko' la tao doer-mandoer sè kemma sè atēngka mara djārēja, ijā arēja: sèttong Astro, doewā' KARTODJONO bān tello' SOEKIMAN. Doer-mandoer sè katello rēja satēja kēja so sèngko' èleppas sarta mastè dhoeli ondhoer dāri dīnna', sabāb sèngko' ta' terro ngatēla'a mowana polè." Sè adhāboe sapanēka sambī nodhing dā' doer-mandoer sè katello bhoeroe, sopadjā èngghālā ondhoer. Doer-mandoer panēka pas kalowar on-laonan klabān kasossaen, amarghā kasta, sè apangghābāj ta' klabān sadjhoedjhoerrā. Dhinèng doer-mandoer sè laèn, nondoe' bisaos, sabāb tako' èlep-pas djoeghā. Namong WIRJO sè bāngal onga' mandheng bisaos dā' towan bessar, djhā' matora, sapanēka: „Kadhi panapa, towan bessar, lètjèk ator dhi-dhālem ghellā' ghi' agghoe èngghārowa?”

Saamponna doer-mandoer sè katello ondhoer, towan bessar pas adhāboe ka sè laèn: „Doer-mandoer sè laèn! bā'na kabbhi taoa, molana bā'na ta' èosèr sakalè dāri dīnna', endjā' ta' krana kanjata'an djhoedjhoer, endjā', sakèng sèngko' ghi' aparèng ampon ka bā'na. Molana bā'na kabbhi bi' tē-atē apangghābāj, sèngko' ghi' lèk-nèlèghāna klakoanna bā'na. Laèn arè, bilā bādā goedāng katonon polè, mandoer sè andi' tangghoengan djārēja la tadā' saporana, so sèngko' mostè èleppas. Molana kènga'è ongghoe tang otja' rēja. bān djāgā, djhā' sampè' bādā goedāng katonon polè. Dhinèng mandoer sè ella njata djhoedjhoer dālem pangghābājāna, ta' osa tēr-kobātēr. Ella, mara satēja la abāli polè dā' klakoanna bāng-sèbāng!”

Saamponna marè èdhāboei sapanēka, doer-mandoer ghāpanēka pas kalowar dāri kantorān, terros palēman. Nasèhattèpon towan bessar bhoeroe ètoro' ghoe-ongghoe sareng doer-mandoer, tandhāna kabit dāri nalēka ghāpanēka saterrossèpon pas rangrang, mala kèngèng kotja' tadā' goedāng katonon sakalè, sarengngan polè li-kolina pas padā ta' angghāndhoe' atē ka doer-mandoerra.

WIRJO saklangkong bhoengana, amarghā atorra dā' towan bessar bādā bhoektēna, dhāddhi bānnè ghābājān. Sarrēna samangkèn tadā' goedāng katonon polè, dhāddhi towan bessar sanget kaprotangan dā' mandoer WIRJO, sè ngatorè djhālān lantarāna kaslameddhan. Mēnangka tandhā kaprotangannèpon, gādina pas èpaongghā 20 ropēja, dhāddhi 60 ropēja saboelāna; lantaran ghāpanēka abā'na ollè long-molong sabāgiān dāri gādina. Saamponna notop taon. WIRJO ghi' ollè persèn polè dāri towan bessar sakalèng adā' bānnja'èpon 300 ropēja. Sanarè doer-mandoer laèn-nèpon èngghi padā ollè persèn, djhoeghā ta' bānnja' kadhi WIRJO, amarghā goedāngnga WIRJO èngghānēka sè palèng bānnja' ollèna

kaontongan tor ta' onèng rassana katonon sama sakalè. WIRJO sanarè ollè alemman, panapa polè persèn bännja' dāri towan bessar, bhoenten ta' pas males, sadjānè atambā bhādjheng. È osom kroso' doe kalèna Rabā-Tanto talèbāt bännja'na ollèna kroso', abhādhi ghettonna ra-lorana, sabāb saeddjheghā ghi' ta' onèng rassana ollè bhāko bännja' sapanèka. Bännè namong goe-qlāngnga WIRJO bisaos sè possa' sareng kroso', terros ka sè laèn-nèpon èngghi sapanèka djhoeghā. Ghi' taon sè pon-ampon li-koli sareng doer-mandøerra ondernèmeng Rabā-Tanto padā les-males sadhādja; samangkèn sareng WIRJO dhāddhi mandøer èghika'ijā, kabādā'ānnèpon pas aobā, sadhādja ladjhoe padā nèroè kabhādjhengnganna WIRJO; sarrèna mandøer sè sèttong ta' poron kala ka sèttongnga è bāb pamèjarana bhāko, dhāddhi pas kadhi sè areb-bhoe' djhoeng saèan.

Katjatora ondernèmeng laènnèpon, sè abātessan sareng persil Rabā-Tanto, padā aèrè nèngalè radjāna kaontonganna persilla towan DE JAGER, halla kaontongannèpon ondernèmeng sè laèn èngghānèka ampon kabilāng saè.

Tadā' orèng sè onènga ka sabābbhā persil Rabā-Tanto ma' pas madjhoe sapanèka, kadjhābhāèpon towan bessar. Èngghi marghāna dāri WIRJO, sabāb mandøer panèka sè ngobā kabādā'ān sè ta' saè. Mèlana towan bessarra saklangkong kaprotangan ka mandøer WIRJO ghāpanèka.

Sarrèna doer-mandøer ampon ta' merressan koli, sè koli èngghi pas ta' onèng ngobbhārān goedāng. Sapanèka djhoeghā WIRJO, bhoenga atèna, sabāb saeddjheghā abā'na dhāddhi mandøer èghika'ijā, pas bännja' probhā'ān sè è-saè, kantos andhāddhiaghi madjhoena ondernèmeng; doer-mandøer sareng li-kolina padā rokon. Parkara panèka nambāi kokona kapartjadjā'ānna WIRJO dā' kerrès posakana, djhā' lerres tjellebbhān ongghoe, mèlana pas èmot dā' bāsèjaddhā mama'na, sapanèka: „Arèja kerrès sangkolan, tjong, djhā' paondhoer dā' man-kamman, sabāb mon kerrès rèja bādā è bengkona bhāi, bā'na bhākal ollèa kaontongan bān kaslameddhān.”

XII.

Malèng katello.

Katjatora WIRJO sè dhāddhi mandøer è persil Rabā-Tanto, ka mangkèn ampon ollè doe taon, tor ampon èangkat dhāddhi hop mandøer. Saamponna marè osom bhāko, abā'na pas ollè lagghāng, mèlana ladjhoe ghādhoeān ennjet terro aparmèsia ka towan bessar, njapodhā tja-kantjana è Bāngkal. Sareng towanna WIRJO èparèngè parmèsi saboelān. Sarrèna ampon abit sè andhingghāl

kampongnga, dhāddhi samangkèn abā'na sareng ana'-binèna ampon paḍā kerrong. Tandhāna manabi kalerressan ra'-tèra' boelān, Wirjo lakè'-binè' pas djoe'-todjoe' è tanèjanna, sè èkagessa taḍā' polè, kadjhābhā tja-kantjana è Bāngkal, mèlana pas terro sè palèmana. Èḍālem doe taon èngghānèka abā'na sè long-molong pèssè ollè 1000 ropèja, djhoeghā sabbhān boelān ghi' ètambā bisaos; mèlana ta' sossa bāb parkara sango.

Sareng ampon para' mangkadhā, Wirjo pas njabis ka towan bessar, parlonā sapèsan terro njo'ona paamèdhān, kapèng doewā'-na terro matoro'a kerrèssa, sabāb ta' èbhākta'a. Sanattolla dā' kantorān, Wirjo ladjhoe ngala' kerrèssa sambī mator sapanèka: „Manabi ta' andhāddhiaghi rēmbheddhā pangghāliānnèpon towan bessar, abādhi-dhālem terro matoro'a kerrès panèka èka'into, kantos dhi-dhālem palèman ka'anto polè.”

Towan bessar: „Ijā, la dhina, nangèng sèngko' hèran, arapa ma' ta' èangghoej bhāi, sabāb la bijāsana orèng Djhābā, mon èntara adjhālānan èmostèaghi njongkèl kerrès.”

Wirjo: „Kappraèpon kadhi ka'ḍinto, towan bessar, djhoeghā dhi-dhālem takō' kasta kadhi ḍhingèn polè. Ghi' ḍhingèn kerrès panèka onèng èbhākta akolemman ka dhisa laèn sareng dhi-dhālem. Mangka prappa'na rèng-orèng aneng-sennengngan, dhi-dhālem pas èsosol, tjompo' dhi-dhālem katonon. Dhi-dhālem èngghāl palèman. terro anjata'aghiā dhibi' bāb èngghānèka. Sanattolla ka Bāngkal, njata, djhā' bānnè tjompo' dhi-dhālem dhibi' bisaos sè katonon, djhoeghā tjompo' laènna, kantos sapolo koren sè èabi' apoj. Kabit ḍāri nalèka ghāpanèka dhi-dhālem pas malarat, kapaksa ngoli ka pabbrik, sabāb rāngbhāráng dhi-dhālem ampon ghemmet sadhādja, sabā dhi-dhālem èsèwa'aghi ka pabbrik ghoelā Soeko-Widi sadhādja èbhādhi ghāntèpon pèssèna tja-kantja sè èpatoro' dā' dhi-dhālem krana obāng bhoeroe tanoro' èkello' apoj sakalè. Djhā' sakènga kerrès ka'ḍinto ta' èbhākta'a akolemman, tanto dhi-dhālem ta' kèra mangghi kabhālāi kadhi bhoeroe, towan bessar. Panèka marghāèpon, mèlana dhi-dhālem samangkèn takō' sè ambhākta'a kerrès ka'into polè, sabāb dhi-dhālem ampon arassa, èka'ḍinto masè pas bādā'ā kakalèran, manabi dhi-dhālem maksa ambhākta kerrès panèka. Dhāddhi sareng dhi-dhālem èpatoro'a èka'into bisaos.”

Towan DE JAGER pas kasokan myarsa atorra Wirjo bhoeroe ladjhoe aḍhaboe sapanèka: „Mon bārijā ijā la dhina, sabā' ḍinna' bhāi. Ella, mara mandhār paḍā'ā salamet, jā!”

Saamponna marè apaamèdhān, Wirjo sareng ana'-binèna pas mangkat dā' Bāngkal.

Samangkèn bhādhi èkandhā'aghiā, panapa sè ampon kadhādhiān è persil Rabā-Tanto, saabiddhā Wirjo aparmèsi ka Bāngkal.

È nalèka sèttong arè bādja pokol pètto' bhāri' èadā'èpon kantoranna towan bessar rammè sareng li-koli, sè paḍā narèma'a

bădjărănnèpon. Towan bessar sareng sinder kasorang saklangkong rèpoddhā sē madjāri li-koli bhoeroe, abittèpon kantos saeddhām, bhoeroe marè. Sabānnēna saamponna narēma bhădjārān, li-koli bhoeroe bădă sē pas palēman, sabānnē bădă sē ghi' adjhădjhān ē băroeng, mellē kopi sareng ghoeringnga gheddhāng, sabānnē bădă sē lē-mellē kaparloannèpon ē tjompo'na. È băkto ghăpanēka ē lorong saklangkong rammēèpon sareng li-koli. sē padă anga-bhoenga, amarghă ghi' bhoeroe narēma bădjārān.

Katjatora prappa'na towan bessar atjemeng sē madjāri koli, bădă malēng katello lebbhoe ka pakarangannèpon, maso' dāri bingkēng, naē' ē paghār alassa dhălemma. Sarrēna ē băkto ēngghănēka petteng, dhăddhi tađă' orēng nēngalē. Sareng bă-tara 20 mēter nambhănnèpon dāri kennengnganna towan bessar sē madjāri li-koli, malēng sē sēttong ladjhoe nēngkong, ngērrem ēboedina kadjoēān, kantos ra-kēra sapolo mennēt abittèpon. Kađoewāna ēngghi noro' pato djhoeghă. Malēng sē đă' adă' ladjhoe adjhălān rangka', maso' dāri labāng boedi, terros maso' ka roma, pas ngētek ēbăbāna đifan. Dhinēng malēng kasorangnga ghi' ngētek bisaos, ngantos lobărra bădjārān. Ta' abit sē kasorang ladjhoe ngangsek kaadă', ngērrem ē bhoen-kebbhoe-nan, ēbăbāna krotong.

Saamponna towan bessar marè madjāri koli, ladjhoe adhă'ār asareng sinderră. Sē adhă'ār padă semmo kasoesoe, krana towan DE JAGER ghi' njerradhă sorat, sē parlo ēpadjhălān kalagghoeān-nèpon ka eppos, towan sinder ghi' ngongghă'aghia bădjărănnèpon koli ka boekoena, mēlaèpon saamponna marè adhă'ār, towan sinder pas palēman; ē băkto ghăpanēka ra-kēra ampon pokol sanga'. Towan bessar pas lebbhoe đă' kantoranna, njerat sorat. Ra-kēra pokol sabellās ghi' bhoeroe marè. Sareng ampon djhăghă dāri korsēna, ladjhoe nēngalē kerrēssa WIRJO, sē ēpakă' ē tēmbō' ēattassa đifan. Ghălina sapanēka: „Hērān ongghoe sēngko' đă' WIRJO arowa, mē' dhăddhi tjē' partjadjana ka kerrēs arēja, kotja' abă'na pēnter sarta la toboek lāng-saghoeloeng so Bălāndhă. Djhă' sakēnga orēng laēn sē ghi' bhoedhoe. sēngko' la ta' kasamboē'. Nangēng parkara djārēja ta' dhăddhi apa, sē parlo ka sēngko': abă'na djihoedjhoer tor bhădjheng, tang ondernēmeng saddjhek andi' man'oeer djārēja pas sadjanē atambă madjhoe.”

Saamponna marè kēr-pėkkērān sapanēka sareng towan bessar kerrēs ēngghănēka pas ēdjhāngngo, terro ētēngalana bi' băsăbă; teppa'na andjhāngngo sapatoena ladjhoe arassa kadhi sē ngennēng andhoempak orēng, sarengngan sē ēkennēng dhoempak pas aērsēt dhibi' kadălem. Towan bessar tjengngeng sakeddjhă', ta' abit kerrēs sē ēdjāngo ladjhoe ēlaboeng. Sambī ngastanē băi'na kerrēs, ghălina sapanēka: „Dhina, mon satēja sēngko' ta' kērēs; ēbăbāna đifan arēja tanto bădă orēngnga. Lomrana malēng la'dinna' ta' njēkebbhān sandjhăta apoj, mon kerrēs, iđă. Bān polē tanto bădă

bhärengnga. Molana entè-atèa bhäi, sabäb mon malèng djrèja taproppongan, ta' boeroeng njojto. Dhälloe', sèngko' kalowara bhäi, mènta'a tolong ka tang reng-bhäreng."

Saamponna marè kèr-pèkkèran sapanèka, towan bessar ladjhoe kalowar, lèbät è labäng boèdi sarengngan pas aorak kadja sapanèka: „SIDIN, AMAT! kanna' ghäntjangan, rèja' bädä malèng!"

Ta' abit pas bädä orèng kasorang njongop dāri bhāroemana dīfan, ta' aodhengngan, ta' aklambhiān. Sareng towan DE JAGER ngoladhi bädä tjetagghā orèng ngongol è bhāroemana dīfan, èngghāl ètjandhāk oboe'na sarengngan sambī rak-oraghān: „Ma-ling, maling!" Malèng bhoeroe adjheng-ghoedjheng, karebbhā njotjoa, djhoeghā towan bessar èngghāl ngala' kerrèssa WIRJO, dhāboena: „Mara paterros, njojto! Nangèng sènga', mon bā'na ètjapo' kerrès rèja, ta' kèra njambhāt emboe' polè." Sanarè malèng èngghānèka ampon ta' kèngèng aghoeli sama sakalè, djhoeghā sareng towan DE JAGER ghi' ètjekkadhī bisaos oboe'na. Ta' abit salèrana pas palasdhā dā' malèng èngghānèka, èngghi panèka ASTRO, mandoe sè èleppas èngghārowa. Sareng ASTRO ta' kowat sakè', kerrèssa pas èpaghāghhār, sambī ngotja' sapanèka: „Kaoelā njo'ona saporā, towan bessar, otjollaghi!" Sè ngotja' sapanèka .li-bāliān. Towan bessar njambhit: „Ija antos sadātengnga reng-bhäreng dhälloe, so sèngko' pas èotjola."

Saamponna SIDIN sareng AMAT njandher, ASTRO pas èngghāl èrèkkep sarta pas èpèngkot soko-tanangnga, kantos ta' kèngèng abhimbhā polè. SIDIN sareng AMAT mator ka towanna, djhā' nalèka pakalowarra, nèngalè orèng kadoewā padā boeroe. Pangè-rana, tanto ghāpanèka malèngnga, mèlana pas ètabang, djhoeghā ta' ètjapo'. Dhinèng ASTRO sè ètlèkong ghi' ta' amboe sè ngotja' njo'ona saporā sambī ngotak bhādhānna. Towan DE JAGER pas marèksa: „Sapa bhärengnga kadoewāna arowa?"

ASTRO: „Korang prèksa, towan bessar, kaoelā ta' onèng."

Towan bessar: „Apa bā'na ta' ngakoa, bangsat? Ijā, mara paterros sè mongkèr, kèdi' bā'na ètjapo' kerrès arèja, ta' boeroeng bhāngka; ella, bā'na ta' ngakoa?"

ASTRO: „Bhoenten, towan besar, kaoelā ngakoa. Sareng kaoelā kadoewāna: KARTODJONO sareng SOEKIMAN. Ghellā' ngètek è bhoen-kebbhoenan èbābāna krotong. Djhā' sakènga dhi-dhālem ta' èdhina'-aghi boeroe, sareng dhi-dhālem ta' èkabālā njamana."

Towan besar: „Bangsat! Bāddhinna sèdā sè njotjoa sèngko', ngètjo'a sang pèssè? AMAT, djāgā, jā, èdijā, sèngko' ghi' arep-podhā ka poelisi è kotja, bangsat arèja ma' èghiring ka seppir bān kantjana ma' èsarè è kèja."

Saprapat eddjhām agghi' towan bessar ampon mangkat dā' kotja, nètènè dōkar. Toro' djhalān èmot dā' atorra WIRJO sè sapanèka: „Dhi-dhālem ampon arassa, djhā' è persil Rabā-Tanto panèka bhādhi bādā'ā kakalèran, manabi dhi-dhālem maksa am-

bhākta kerrès panèka." Towan bessar pas apèkkèr sapanèka: „Mon bārijā, apa kerrès arowa laku pangaro onghhoe, apa, sampè' tao nolak kabhālāi bān maontong ka sè andi'?" Sanarè ampon sapanèka, djhoeghā towan DE JAGER ghi' matètteng ta' partjadjā dā' kerrèssa WIRJO, djhā' pangaro, sabāb sadhādjanā sè ampon kadhāddhiān, namong pas kalerressan bisaos. Manabi WIRJO mè-reng, djhā' dhālemma towan bessar èlebbhoenè malèng, djhoeghā slamet, mala malèngnga kèngèng pèghā', ampon tanto sadjanè sekken kapartjadjā'annèpon ka kerrèssa.

Towan bessar sanget kaprotangan ka WIRJO; mèlana berrā' sè ambhākta'a kerrèssa ka Bāngkal, amarghā abā'na ampon arassa, djhā' è persil Rabā-Tanto bhādhi bādā'ā kakalèran. Mangka pas onghhoeān.

Bādjā tengnga malem towan bessar ampon nattol dā' kotta Djember, pas terros dā' dhālemma towan Pètor. Towan Pètor èpangghi ampon asarè, djhoeghā sareng towan DE JAGER ètoktok labāngnga; towan Pètor abit-abit èngghi pas mèdjhil. Ta' abit towan sè kaḍoewā pas mangkat dā' Rabā-Tanto nètènè dokar, apangèrèng poelisi bānnja' nompā' djhārān. Toro' djhālān towan DE JAGER agessa bāb sè njandhāk malèng dāri kabidhān kantos dā' bekkasan; sapanèka djhoeghā bāb kerrèssa WIRJO. Towan Pètor pas adhāboe: „Èngghi, kerrès posaka panèka laku bānnja' kaanèannèpon. Sareng orèng Djhābā èsangka onèng atatolong ka abā'na: tjellebbhān, èkamora radjhekkè sareng èn-laènna. Djhoeghā sè ghādhoen ta' angrasa: opama ta' alalakon, djhā' ta' kèra ollè kaontongan pa-ponapa. Kadhāng manabi sè ghādhoen mangghi akal pa-ponapa, sè kantos andhāddhiaghi kaontongan bhālā, ghāpanèka tja'èpon alantaran dāri kerrèssa djhoeghān. Ebbā sapanèka ampon adjhāng sampèjan kaprotangan dā' mandorra èngghānèka, sabāb kalana sè matoro' kerrèssa ka sampèjan atèna jakèn, djhā' kerrès ghāpanèka bhādhi andhāddhiaghiā kasalameddhānna sampèjan. Mala kantos kabingkèng arèna sampèjan bhādhi salameddhā terros."

Towan besar: „Mè' sapanèka?"

Towan Pètor: „Sampèjan bhādhi ta' onènga kamalèngan polè, sabāb lèng-malèng ampon onèng, manabi sampèjan kaengghoenan kerrèssa WIRJO, sè onèng mèghā' malèng. Mangkèn èngghi tètènè èbingkèng arè! Lèng-malèng ghāpanèka tanto tako' sè apara'a dā' dhālemma, sabāb badjingan panèka bijāsana sara partjadjā'ānna dā' kapangaroannèpon kerrès sè kadhi èngghānèka."

Towan bessar: „Manabi sapanèka, dhāddhi sadjan lèpet kaprotangan kaolā ka WIRJO."

Ta' abit dāri sè asa-gessa kadhi èngghānèka, towan Pètor sareng towan DE JAGER ampon nattol dā' Rabā-Tanto. Pata saprapat eddhām agghi' si-poelisi laennèpon ampon dāteng djhoeghān.

ASTRO èparèksa sarèng towan Pètor; ASTRO mator salerressa, mala kantos dā' sarengnga sè kaḍoewā èsambhāt sakalè. Saamponna marè èparèksa, pasakèdhān pas èkalèntong, èbhākta ka kotṭa, èrèngngaghi opas kaḍoewā, terros ètahan è patandhān.

Saamponna, towan bessar pas ngaterraghi towan Pètor dā' kotṭa, napa'na ka Rabā-Tanto ampon pokol lēma' para' sèjang. È bākto èngghānēka monjēna tongtong ampon ramnè, ngolok li-koli sè apangghābājā. Sareng ampon sèjang, bāb bertana malèng ampon bāratta dhāddhi sapersil, mala kantos dāpa' dā' Djember. Dhinèng rasanna li-koli, mēlana malèngnga kèngèng pèghā', taḍā' laèn tjoma alantaran dāri kerrèssa Wirjo; kerrès ghāpanēka sè dhāddhi lantaranna kaslameddhānna persil Rabā-Tanto. Mēlana ampon pantessa towan bessar sè sangeddhā kaprotangan dā' sè ghāḍhoeān, amarghā saeddjheghā kerrès èngghānēka bāḍā èghi-ka'ijā, tamennan bhāko paḍā è-saè, kantos ondernèmeng bānnja' kaontongannèpon, tor polè parkara katononan goelāng pas taḍā' sama sakalè.

Ella' doe arè KARTODJONO sareng SOEKIMAN ampon kèngèng pèghā' djhoeghā. Sabelloenna katangkep, malèng kaḍoewāna boeroe dā' bhābā Bhāsokè, sabāb mèrèng kabhār, djhā' èsarè'è poelisi; nangèng bekkasannèpon èngghi ghi' kèngèng pèghā' djoeghān.

Pata ollè saboelān malèng sè katello èngghānēka pas èparèksa è Landraad. ASTRO ampon ta' kèngèng mongkèr polè, namong KARTODJONO sareng SOEKIMAN matètteng sakalè pamongkèrra, djhoeghā di-boedina ghi' katerghā, sabāb èkèkkè' ASTRO. Sareng pangadhilān lèng-malèng sè katello paḍā èekom sadhādjà. ASTRO lēma taon, dhinèng kaḍoewāna ghān tello taonan, sadhādjà alako klabān paksa.

Saamponna lèng-malèng sè katello èpadjhālān, Rabā-Tanto sareng bhābā Djember laènnèpon pas ta' patè onèng lèng-kamalèngan kadhi dhiingēna.

XIII.

Panotop.

Katjatora Wirjo sè aparmèsi palēman, sanattolla ka Bāngkal tja-kantjana sadhādjà paḍā saklangkong bhoengana, amarghā sè èpastè apangghi polè. Ladjhoeā ka'kamma bisaos Wirjo saana'-binēna ètarēma rèng-orèng ka'issa klabān soka rennana atēna. Dāri Bāngkal pas èntar èn-maèn ka èparra è Ghālāghā. Wirjo saklangkong sennengnga nēngalè tja-kantjana è Bāngkal paḍā kop-tjokop sadhādjà. Sabāb saabiddhā èdhigghālaghi tamennan

paḍi ēka'issa paḍa ē-saē. mēlana ē mosem anjē ghi' bhoeroe, tja-kantjana bānna' ollēna paḍi, bhidhā sanget sareng taon sē ampon.

Tja-kantjana tjē' terrona WIRJO sana'-binēna sē plēmāna polē ka Bāngkal, sabāb saabiddhā dhāddhi mandoer ē Rabā-Tanto, tja-kantjana pas ta' mangghi orēng sē ēadjhāghā aparembhāghān. Mēlana sadhādja paḍā ngoman, sopadjā WIRJO teptebbhā apo'-tjompō' ē Bāngkal polē. Panapa polē bā-sabāna samangkēn ampon potēl kontragghā sarengnan obāng ēngghi ampon ghādhoeān, mala abā'na samangkēn ampon kabilāng soghi. Djhoeghā WIRJO ghi' ta' asangghoep pa-ponapa dā' tja-kantjana, sabāb ghi' terro matora ka towan bessar dhingēn. Sē pas andhingghālā pangghābājānnēpon ta' klabān bādā marghāna, abā'na tako' ēkotja' ta' ghādhoeān panarēma sareng towan bessar. Djhoeghā tja-kantjana tjē' agherrā WIRJO sē palēmāna terros ka Bāngkal, mala saollē-ollē, ēarebbhā salobārrā osom anjē. Tjak-kantjana paḍā asangghoep angghārāppaghiā sareng namennana sabāna, sopadjā abā'na dhoemēn palēman terros ka Bāngkal, pas karēa mangghi paḍi bisaos.

Tjator lekkas WIRJO saana'-binēna ampon abāli polē ka Rabā-Tanto, nattolla ka'kassa ē bādja malem. Neng-ē lān-djhālān abā'na ampon mēreng dāri orēng, djhā' dhālemma towan bessar ēlebbhoenē malēng, djhoeghā salamet. WIRJO ghi' ta' onēng njatana bāb ēngghānēka, mēlana ē malem ghāpanēka djhoeghān pas njabis ka towan bessar, terro onēng terrangna kabhār bhoeroe.

Towan bessar saklangkong bhoenga, ngoladhi mandoerra WIRJO ampon abāli polē, pas adhāboe sapanēka: „Bā'na apa la ngēding. Jo, djhā' ēdjā ēlebbhoenē malēng, nangēng ijā ontong, malēngnga ta' ngennēng pa-apa, mala abā'na dhibi' ēkennēng pēghā' so sēngko'. Ba, mon ta' ē bākto djarēja bānnē klakoan, Jo! Ijā, dhoelat bādā kerrēssa sēdā djarowa, djhā' anoa, sēngko' ta' boeroeng tjilaka'. Bhender pangērana bā'na bilān, nalēka para' mangkadhā arowa. Molana sēngko' tjē' sokkorra ka bā'na, sabāb djhā' sēnga malēngnga ta' tako' dā' kerrēssa bā'na, ella, saendjā'-endjā'na sēngko' sossa.”

WIRJO: „Ēngghānēka tabhālik, towan bessar; salerressa dhi-dhālem sē mostē sanget mator kaso'on dā' djoenan-dhālem, sabāb djoenan-dhālem ampon kasokan ngangghoej dhi-dhālem ē persil ka' dinto bākto dhi-dhālem njandhāng mlarat. Langkong-langkong sarrēna djoenan-dhālem sanget pangangghēbbhā sareng partjadjana dā' dhi-dhālem. Kadhi ator dhi-dhālem dhingēn, towan bessar, sabelloennēpon dhi-dhālem dhāddhi mandoer ēka'ijā, dhi-dhālem ngoli, alako saarē bhentēng sē terro neḍlā'āna ana'-binē dhi-dhālem.

Towan bessar: „Ijā bhender; nangēng sanaddjhān bā'na bilān ngoli, bhāreng sateja la dhāddhi mandoer, pas katara katjakeb-

bhanna bân kadjhoedjhoerânna, sampê dhâddhi madjhoena persil la'dinna'. Molana sê andi' persil, apa polê towan bessarra, la sa-ghoenong panarênana ka sêdâ, bân sêdâ ta' endjâ' polê, mostê bhâkal narêna'a ghândjhâran."

WIRJO: „Ghâpanêka djoenan-dhâlem klêro, towan bessar. Sa-estona parkara madjhoena persil ka'into sareng malêng sê kêngêng pêghâ' kantos djoenan-dhâlem slamet, bannê alantaran dâri dhi-dhâlem, djhoeghâ dâri kerrês sangkolan sê bādâ è djoenan-dhâlem. Dhi-dhâlem ghoe ta' namong neptebbhi kawâdjibhân dhi-dhâlem dhibi', laên tađâ', towan bessar."

Nangêng towan DE JAGER ghi' koko ta' partjadjâna dâ' ka-pangaroannêpon kerrês posakana WIRJO, pas adhâboe: „Parkara djârêja ollê dhâddhi kêja, WIRJO: nangêng djhâ' bâ'na sê mamadjhoe ondernemeng Rabâ-Tanto arêja la bânja' bhoektêna. Molana kanta sang otja' ghellâ', sê andi' persil sê sêngko' sakalê tanto ta' kêra loppa dâ' bâ'na. Parkara kerrêssa rêja ijjâ sêngko' partjadjâ kêja djhâ' bhâkal maontonga bâ'na sê ana'-binêna kрана djârêja lakar kerrês bhâghoes ongghoe anggher bâ'na pagghoen sê tjakang apangghâbâj, mantep dâ' apa sê êlakonê, djhoedjhoer bân ta' doettjol di dhoeghâ kêra. Kerrêssa bâ'na rêja êkatako'è orêng ongghoe, tandhâna bhâreng ASTRO ngatêla' pas ta' andi' ora'." Towan DE JAGER sê ngotja' sapanêka, namong masennengnga atêna WIRJO.

„Ella, Jo, rêja' kerrêssa. Pola bâ'na mî' ghi' bādâ sê èatorraghiâ polê?"

WIRJO: „Êngghi, towan bessar, manabi ta' andhâddhiaghi dhoekana djoenan-dhâlem."

Towan bessar: „Endjâ', djhâ' ko'-tako'; apa?"

WIRJO: „Ta' sapanêka, towan bessar, tja-kantja dhi-dhâlem è Bângkal sadhâdjâ padâ ngarep bâlina dhi-dhâlem saamponna lobâr anjê mangkên."

Towan bessar: „Dhâddhi bâ'na laên boelân ghi' mênâ'a par-mêsi polê? Ijjâ, djhâ' têt-kobâtêr parkara djârêja. So sêngko' ètorodhâna."

WIRJO: „Bannê sapanêka karep dhi-dhâlem, towan bessar. Tja-kantja dhi-dhâlem è Bângkal padâ man-ngoman dâ' dhi-dhâlem, sopadjâ salobârrâ anjê mangkên, dhi-dhâlem palêmana terros ka Bângkal, dhâddhi pas ta' abâli ka'anto polê. Saestona dhi-dhâlem dhibi' samangkên sanget terroêpon sê palêmana ka padoempa'-anna dâra dhi-dhâlem. Mêlana manabi ta' andhâddhiaghi dhoekana towan bessar, salobârrâ bhâko ka'ijâ dhi-dhâlem terro njo'ona amboe dâri pangghâbâjân dhi-dhâlem."

Towan bessar: „Bâb djârêja, WIRJO, bâ'na matakêrdjhât tang atê ongghoe. Pola sakêng tang pangangghêp ka bâ'na korang, apa bâ'na ta' perna bādâ dijâ, otabâ bādâ hal laênna? Apa, gâdji

la tjokop. Mon ghoen korang gädji bhäi, mara so sèngko' èpaong-ghä'a polè, asal bä'na teptep bädä ñinna'."

WIRJO: „Ampon, towan bessar, paparèng djoenan-dhälem dä' abdhi-dhälem ampon bännja', kantos dhi-dhälem saana'-binè saklangkong perna bädä èka'ijä. Mèlana ampon sanget kaprotangan dhi-dhälem dä' djoenan-dhälem, djoenan-dhälem sè kasokan ngang-kès dhi-dhälem däri kamlaradhän, kantos dhi-dhälem mangkèn ta' aromasa kakorangan. Karep dhi-dhälem, sarrèna sabä dhi-dhälem mangkèn ampon potèl kontraggähä däri pabbrik, sarengngan dhi-dhälem ampon ollè long-molong pèssè, dhäddhiä sakonè', dhäddhi dhi-dhälem terro angghäräbhä sabä dhi-dhälem, towan bessar. Tja-kantja dhi-dhälem mangkèn ampon pa'-mateppa' neng-kennengngan dhi-dhälem, mala kantos dä' sabä dhi-dhälem èghäräppaghi sakalè. Mèlana dhi-dhälem mangkèn wädjib males kaprotangan dä' tjakan-tja dhi-dhälem, palèman ka Bängkal polè. Namong sèttong sè èkata-ko' dhi-dhälem sè pas andhinghalä persil ka'ñinto, towan bessar."

Towan bessar: „Apa?"

WIRJO: „Djoenan-dhälem ampon tanto adhäboe, djhä' dhi-dhälem ta' ghädhoean kaprotangan sama sakalè dä' djoenan-dhälem manabi dhi-dhälem, maksa palèman ka Bängkal polè."

Towan bessar: „Ó, endjä', Jo. Sanaddjhän dhibi'na atèngka'a dä'rämna sakalè, sèngko' ta' kèra loppa, djhä' kamadjhoeänna ondernèmeng Rabä-Tanto arèja alantaran däri dhibi'na. Mon sèngko' njekkadhi bä'na, djärèja taqä' laèn marghàna, tjoma: sapèsan kaangghoej dä' kamadjhoeänna ondernèmeng ñinna', doe kalèna sèngko' tao, djhä' bä'na bäbätèggähä mantep tor teptep. Bä'na jakèn, djhä' kaontonganna djärèja alantaran däri kèrressa, nangèng moso tang panemmo ta' tjetjok, tja' sèngko' bärijä: kaontongan so kaslameddhänna bä'na saana'-binèna djärèja lantaranna taqä' laèn kadjhäbhä däri kabhädjhengngan, kadjhoe-djhoerän so kamantebbhänna atèna bä'na.

Mon bä'na la tjè' ta' èkennèngnga pellang ongghoe sè abäliä ka dhisana polè, salobärrä bhäko dijä, ijä mara, engko' ta' njek-kadhäna, sanaddjhän sèngko' talèbät èmanna ka bä'na. Nangèng sopadjä bädä'ä ghäntèna bä'na, ana'na sè wa'-towa'an rowa bhäi dhina èdlinna'. Kana' djärèja so sèngko' èpasakola'a, bän saellana pas èadjhäräna apangghäbäj, sampè' dhäddhi orèng pènter tor djhoedjhoer mara bä'na, mala mandhär ngongkolana."

WIRJO: „Saklangkong, towan bessar, dhi-dhälem langkong bhoenga, sarengngan sabelloennèpon dhi-dhälem mator saèboe doe èboe kaso'on atas kasaèannèpon djoenan-dhälem, sè kasokan ngampè boedoe' dhi-dhälem. Saamponna, panjo'on dhi-dhälem dä' djoenan-dhälem moghà-moghà dhi-dhälem ta' èkaghäliä pa-ponapa däri bäb abdhi-dhälem sè njo'on amboe däri persil Rabä-Tanto panèka."

• •

Bälloeng boelân saamponna êngghânêka, Wirjo sareng ana' binêna ampon palêman ka Bângkal. Tja-kantjana sadhadjâ padâ saklangkong bhoengana, nêngalê Wirjo, sê ampon para' tello taon abittêpon sê apêsa, palêman polê ka Bângkal sareng bārās-salamat. Tja-kantjana ngambā'i rasol sareng mên-rammên è tjompo'na Wirjo dhibi' sê sanget rammêëpon. È bākto ghāpanêka tjompo'na èpadjhang, è tanêjannêpon èpasangè tattarop, sê ngangghoej oen-đaoenan, bhāng-kembhāngan sareng dhāloebāng ana-bārna. Neng attassa katodjoe'annêpon Wirjo lakè'-binè' èpasangè bhāng-kembhāngan èbhādhi panjangkè'anna kerrès posakana Wirjo sê pangaro. Dāri bhoengana rêng-orèng Bângkal ampon ta' èmot sakalè dā' katjlaka'annêpon sê dhangên, sê kantos mamalarat orèng bāmja' ka'issa.

Sarrêna samangkên kerrès posaka êngghânêka ampon bādā è Bângkal polè, dhādhi rêng-orèng ghika'ijā pas ta' kobātèr dā' kabhlāi sê bhākal dātengnga, amarghā mênorot kapartjadjā'annêpon, kerrès êngghânêka èkadjhāoe kabhlāi. Sapanêka djhoeghā tja'èpon Wirjo sareng ana'-binêna sê mangghi kaontongan sareng kaslameddhān, êngghi alantaran dāri kerrès sangkolannêpon ghāpanêka. Djhoeghān pamangghi bhādhān kaoelā, para maos laennêpon manabi sapanêka djhoeghā, tjotjok sareng pamangghina towan DE JAGER, sê adhāboe, djhā' kaontongan sareng kaslameddhānnêpon Wirjo saana'-binêna, alantaran dāri kabhādjhengngan, kadjhoedjhoerān sareng kamantebbhānnêpon atēna. Bābātek sê sapanêka kêngèng tolat orèng laennêpon; tor ra'-sasera'a orèng sê nêroè tabiat êngghânêka. dhāddhina êngghi mastè ontong tor slamet djhoeghān.

Ella' sabātara taon, saplēmanna Wirjo dāri Rabā-Tanto klēboen dhisa Bângkal njo'on amboe. marghā ampon towa. Para maos ampon ta' mabi atorè onèng, djhā' sê angghantè êngghi panêka: ARDJODIWIRJO, ana'èpon MOESTARI.

T A M M A T.

Cornell University Library
PL 5354.H64

Sangkolan.



3 1924 020 605 436

ech

